

ରୋମୀୟ ମଣ୍ଡଳି ନିକଟକୁ ପ୍ରେରିତ ପାଉଲଙ୍କ ପତ୍ର ରୋମୀୟ ମଣ୍ଡଳିଦି ଲାକ୍ତୁ ପ୍ରେରିତ ପାଉଲଟି ଆକୁ ରୋମୀୟ ବଇ ବିସୟତାନ୍ ଏସ ମାଟା

ରମିୟ ଆକୁ ରାସାତା ମାନାତ ପେରିତ ପାଉଲଟି ମାଡାନ୍ ୫୪ ଦାନ୍
୫୮ କ୍ରିସ୍ତଦି ମାଡାନ୍ ଜିସୁକ୍ରିସ୍ତଦି ଜନମ୍ ଝେନ୍ଦକା ରାସାତାମାରାତ ।

ପାଉଲ ରୋମତୁ ସନି ଆଗ୍ତି ରିଏର୍ ଜିହୁଦି ମାରି ଅଣଜିହୁଦି
କ୍ରିସ୍ତୁଆନ୍ତିଙ୍କ ଆଦେସ୍ ସିଦେଙ୍କ୍ ଇୟା ଆକୁ ରାସାତା ମାନାନ୍ ।
ଝିନ୍ତୁ ଜାତି ଏଣ୍ଡେସ୍ ଜିସୁ କ୍ରିସ୍ତଙ୍କ୍ ବିସ୍ବାସ୍ ମାରି ମାନାନାର ରୋମିୟ
୧୭:୨୭ ଇୟାମାଡାନ୍କୁ ଝାନ୍ କିନାନ୍ ଗାଡୁତୁ ମାନି ବେଡାତୁ ରୋମିୟ
କ୍ରିସ୍ତୁୟାନ୍କୁ ଆଦେସ୍ ସିନି ଉଣ୍ଡିଙ୍କ୍ ଇୟା ଆକୁ ରାସାତା ମାନାନ୍

ଝିନ୍ତୁ ଜାଗାତୁ ଝିନ୍ତୁ ବେଡାତୁ କ୍ରିସ୍ତୁୟାନ୍ ଲୋକା ଉଣ୍ଡିଙ୍କ୍ ରୋମିୟ
ଆକୁ ଉଣ୍ଡି_ନେଗି ବଇ, ମାତର ମାପୁ ଏଣ୍ଡେସ୍ ଜିସୁକ୍ରିସ୍ତଦି ମାଡାନ୍
ରକିୟା ଆଦେଙ୍କ୍ ଆର୍ନିକା ପାଉଲ ଟିକ୍ ମାରି ନେଗେନ୍ତାନ୍ ବୁଜେ
କିଜିନାନ୍ । ପାଉଲ ପାଡିଇ ନିୟମ୍ତିଙ୍କ୍ ବା ଜିସୁକ୍ରିସ୍ତଦି ସୁସମାଚାରଦି
ଝାଲେ ମିସାନାର । ବଇଦି ରୋମିୟ ୧:୧୭ ପଦ୍ଦିଙ୍କ୍ ଅସି ଏସ ଲୋକୁ
ପଣ୍ଡିତକୁ ତିଆର୍ କିଜି ଇନାର ଜେ, ଇକା ନେଗିକାବୁରୁତି ଆକୁ ।
ଆମାକା ଆବେନ୍ତୁ ଇଜିନାର, “ନାନ୍ତୁ ସୁସମାଚାର ଉଣ୍ଡିଙ୍କ୍ ସେମାର
ଆଏ ମାତର ଏମେକାର ବିସ୍ବାସ୍ କିନାର ଝିଜେରେ ଉଣ୍ଡିଙ୍କ୍ ଇକା
ମାପୁରୁଦି ସାଲ୍ତି ମାନାତ । ଆଗ୍ତି ଜିହୁଦି ଝେନ୍ଦକା ଅଣଜିହୁଦିରିଙ୍କ୍
ବା ।”

ଆଗ୍ତି ବାଗ୍ ୧-୧୨ ଲୋଇରି ପେରିବିସୟ ମାନାତ ମାରି ଦ୍ଵିତିୟ
ବାଗ୍ ୧୩-୧୫ କ୍ରିସ୍ତୁୟାନ୍ ଜିବନ୍ତୁ ନାଣ୍ତ ବ୍ୟବହାର୍ ଆନି ଆଦେସ୍
ମାନାତ ।

ଇୟା ବଇଦି ଏସ ମୁକ୍ୟ ବିସୟ

୧. ପାଉଲ ସାଧାରଣ ନିଜେଦି ପରିଚୟ ସିଜି, ଏମେୱାରିଙ୍ଗ୍ ଆକୁ ରାସ୍‌ସିନାନ୍ ଆକା ଇନ୍‌ଜି ଆକୁ ଆରାମ୍ କିତାନ୍ । ୧:୧-୧୫
୨. ଲୋକା ଜାତିଦି ଦେସ୍ ମାରି ଜିସୁକ୍ରିସ୍ତଦି ମାଡାନ୍ ରକିୟା ଆନାଡ୍ । ୧:୧୬-୧୧:୩୭
୩. କ୍ରିଷ୍ଟିୟାନ୍ ଜିବନ୍‌ତି ଉଣ୍ଡିଙ୍ଗ୍ ପାଉଲଦି ନାଣ୍ଟ ବେବହାରଦି ଆଦେସ୍ । ୧୨:୧-୧୫:୧୩
୪. ୱାନ୍ ରୋମିୟ ମଣ୍ଡଲିଦି ଓଜେରି ଲୋକାଙ୍ଗ୍ ନମସ୍କାର୍ ଜାଣେ କିଜିନାନ୍ । ରାସ୍‌ନିକା ଓଜିତାଡ୍ । ୧୬

୧ କ୍ରିସ୍ତ ଜିସୁଦି ଦାସ୍ ନି ମାପୁରୁସିତିମାନି ସୁସମାଚାର୍ ପ୍ରଚାର୍ କିଦେଙ୍ଗ୍ ଇଜି ପ୍ରେରିତ ସିସୁ ୱାଜା କୁକାୟ୍‌ଆତିମାନି ପାଉଲ୍‌ତି ଆକୁ ।

୨ ଦାର୍ମସାସ୍ତ୍ରୁ ରାସାତି ମାନି ଇସାବ୍‌ତାନ୍ ଇୟା ସୁସମାଚାର୍ ବିସୟ୍‌ତାନ୍ ମାପୁରୁ ପୁରା ପୁର୍ବେକାଡାରାନ୍ ୱାନି ବାବବାଦିରି ମାଣାନ୍ ମାଟାସିତା ମାର୍ହାନ୍ ।

୩ ତେନି ନାଡ୍‌ମି ଆଜିନାନ୍; ମାପୁରୁଦି ମାରିସି, ମା ପ୍ରବୁ ଜିସୁ କ୍ରିସ୍ତ । ଲୋକାଞ୍ଜା ୱାନ୍ ଦାଉଦତି କୁରୁମ୍ ।

୪ ମାତର ୱାନି ମାପୁରୁଦି ପବିତ୍ର ଆମ୍ବା ଉଣ୍ଡିଙ୍ଗ୍ ୱାନ୍ ମାପୁରୁଦି ମାରିସି ଇଜି ତରାୟ୍‌ଆତାନ୍ । ସାନି ମାଣାନ୍ ୱାନି ପେରି ସାକ୍ତିଦି ମାରିତେସି ନିଙ୍ଗ୍‌ନି ମାଣାନ୍ ଇକା ମାରି ଟିକ୍ ଆତାଡ୍ । ଜିସୁ କ୍ରିସ୍ତ ମା ପ୍ରବୁ ।

୫ କ୍ରିସ୍ତଦି ଉଣ୍ଡିଙ୍ଗ୍ ମାପୁରୁ ନାଙ୍ଗ୍‌ ପେରିତ ସିସୁ ୱାଜା ବାସେକିଜି ଓଜୁଜାତିଦି ଲୋକା ଲାକଡୁ ପ୍ରଚାର୍ କିଦେଙ୍ଗ୍ ଆସିର୍ବାଦ୍ ସିତାମାନାନ୍, ଏଣ୍ଡେସ୍ ୱାର୍ ଜିସୁମାନ୍ ବିସ୍‌ବାସ୍ କିଜି ୱାନିଙ୍ଗ୍‌ ମାନାନାର୍ ।

୬ ରୋମ୍‌ତି ଗାଡୁଡୁ ବାସାନିଲୋକୁ ! ମିର୍ ବା ଜିସୁ କ୍ରିସ୍ତଦି ସାରିବୁ ବୁଲ୍‌ଦେଙ୍ଗ୍ ବାସେଆତିମାନିଦେର୍ ।

୭ ୱେନକା ରୋମ୍ ଗାଡୁଡି ଏମେୱାରିଙ୍ଗ୍ ମାପୁରୁ ଲାଡୁକିନାନ୍ ମାରି ୱାନି ନିଜେଦି ଲୋକୁ ଇଜି ଆଦେଙ୍ଗ୍‌ ବାସେକିତାମାନାନ୍, ଆୟା ଓଜେରିଙ୍ଗ୍ ନାନ୍ ଇୟା ଆକୁ ରାସ୍‌ସିନା ।

ମା ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତ ମିଙ୍ଗ୍‌ ଦୟା ନି ସାକ୍ତି ସିପିନ୍ ।

ଦନ୍ୟବାଦ ପାରତନା

୮ ମିର୍ ମାପୁରୁବିସବାସି ଇଜି ଦୁନିଆକୁ ଖିଜୁତରିନ୍ ଖେଙ୍ଗିତି ମାନିଦେର୍ । ଇୟାଉଣ୍ଡିଙ୍ଗ ପାରୁତୁମ୍ ମି ଖିଜେରି ଉଣ୍ଡିଙ୍ଗ ଜିସୁ କ୍ରିସ୍ତଦି ଦରତାନ୍ ନାନ୍ ମାପୁରୁଙ୍ଗ ଦନ୍ୟବାଦ୍ ସିଜିନା ।

୯ ଖିଜୁ ଜିବନ୍ତାନ୍ ନାନ୍ ଆମା ମାପୁରୁଦି ସେବାକିଜିନା ମାରି ଆମା ମାପୁରୁଦି ମାରିସି ବିସୟତାନ୍ ନେଗିକାବୁର୍ ପ୍ରଚାର୍ କିଜିନା, ଆୟା ମାପୁରୁ ନା ସାକି ।

୧୦ ପାରତନା କିନିଖାଲେ ନାନ୍ ସବୁଖାଲେ ମିଙ୍ଗି ଏଡକିନା ମାରି ମି ଲାକ୍ତୁ ଖାଦେଙ୍ଗ ଇଜି ନାଙ୍ଗି ସୁଜୋଗ୍ ସିଦେଙ୍ଗ ମାପୁରୁମାନୁ ବାତିଙ୍ଗମାଲ୍ଜି ଖାତାମାନା ।

୧୧ ମି ଲାକ୍ତୁ ଖାଜି ନାନ୍ ପୟତିମାନି ଆମ୍ବିକ ଦାନ ବିସୟ ମିଙ୍ଗି ଖେରୁନି ମାଣାନ୍ ମି ବିସ୍ବାସ୍ତିଙ୍ଗ ତାଟ୍ କିନା, ଇକା ନା ଅରେନ୍ଖାନି ବଦା ।

୧୨ ଇୟାବାଣାନ୍ ମାପ୍ ନିଜେନିଜେଦିମାନୁ ବିସ୍ବାସ୍ତିଙ୍ଗ ଆଟ୍ଖା କିଦେଙ୍ଗ ଆଟ୍ନିକା ।

୧୩ ଏ ତଡାନକୁ ନି ତାଙ୍ଗିକି, ମି ଲାକ୍ତୁ ଖାଦେଙ୍ଗ ଇଜି ନାନ୍ ବେସିଦେବେଙ୍ଗ ବଦା କିତାମାନା, ମାତର୍ ଏସ ବାଦା ଉଣ୍ଡିଙ୍ଗ, ଇୟାସାନ୍ଦି ଖାଦେଙ୍ଗ ଆଟ୍ଏତାମାନା । ଆଇ ରାଜିଆଙ୍ଗ ଅଣଜିହୁଦି ଲୋକା ଲୋଇ ପ୍ରଚାର୍ କିଜି ଏଣ୍ଡେସ୍ ଜିଣାତାମାନା, ମି ରାଜିଦୁ ବା ଆକା କିଦେଙ୍ଗ ନା ବଦା ।

୧୪ ଗ୍ରିକ୍ କି ବର୍ବର, ସିକିଡ୍ ନି ଅସିକିଡ୍ତି ଖିଜୁଜାତିଦି ଲୋକା ଉଣ୍ଡିଙ୍ଗ ନା ଦାୟିଡ୍ ମାନାଡ୍ ।

୧୫ ଆଦେଙ୍ଗ ରୋମ୍ ଗାଡ୍ତି ମି ଲାକ୍ତୁ ବା ସୁସମାଚାର୍ ପ୍ରଚାର୍ କିଦେଙ୍ଗ ନା ବଦା ।

ସୁସମାଚାର୍ତି ସାକ୍ତି

୧୬ ଆୟା ସୁସମାଚାର୍ ମୁସକୁ ନା ପୁରା ଆସା ମାନାଡ୍ । ଆକା ପାରୁତୁମ୍ ଜିହୁଦି ଲୋକାମାନୁ ମାରି ଖେନ୍କା ଅଣଜିହୁଦି ବିସ୍ବାସି ଲୋକାମାନୁ ଉଦାର୍ ପାଣି କିଦେଙ୍ଗ ଇଜି ମାପୁରୁଦି ସାକ୍ତି ଖାଜା ।

୧୭ ଲୋକ ମାପୁରୁ ଲାକଡୁ ଏଣେସ୍ ଦାମ୍ଭୂତିକାନ୍ ଇଜି
 ଝେଙ୍ଗ୍ ଦେଙ୍ଗ୍ ଆବ୍ନାନ, ତେନି ଉପାୟ ଆବେ ତରାୟ
 ଆତାମାନାତ୍ । ପାବୁତମତାନ୍ ସାରାସାରି ସାନ୍ତି ଉଦାର ପୟନି
 ଉନ୍ତ୍ରୀ ମାତ୍ର ଉପାୟ ଆଜିନାତ୍, ବିସ୍ବାସ୍ । ବାକ୍ୟ ଇସାବ୍ତାନ୍, “ଜେ
 ବିସ୍ବାସ୍ତାନ୍ ମାପୁରୁଦି ଲାକଡୁ ଦାମ୍ଭୂତିକାନ୍ ଇଜି ଝେଙ୍ଗ୍ ନାନ୍,
 ଖାନ୍ ଜିନାନ୍ ।”

ଲୋକ୍ ଜାତିଦି ପାପ୍

୧୮ ଏମେ ପାପି ତାଗ୍‌ଇପାଣିକିନି ଲୋକ୍ ନିଜେଦି ତାଗ୍‌ଇପାଣିଦାନ୍
 ସତ୍ତା ବାଦା କିନାର୍, ଖାରି ମୁସ୍‌କୁ ମୁସ୍‌କୁପୁରତାନ୍ ମାପୁରୁଦି ରିସା
 ଖାନାତ୍ ।

୧୯ ଇରିଙ୍ଗ୍ ମାପୁରୁ ବିସ୍‌ୟତାନ୍ ଆମାକା ନେସ୍‌ନି ମାଟା, ଖାର୍ ଆକା
 ନେସ୍‌ତାମାନାର୍ ମାପୁରୁ ନିଜେ ଆକା ନେଗେନ୍ ଝେର୍‌ତାମାନାନ୍ ।

୨୦ ମାପୁରୁ ଦୁନିଆଦିଙ୍ଗ୍ ତିଆର୍ କିନି ସମୟତାନ୍, ଖାନି
 ତରାୟଆଇ ଗୁଣ୍ ଅର୍ତ୍ତାତ୍ ଖାନି କାବାଆନି ଗୁଣ୍ ନି ଝିଜୁଦିନ୍‌ତି ସାକ୍ତି
 ନେଗେନ୍‌ତାନ୍ ତରାୟଆଜି ଖାତାମାନାତ୍, ଖାନି ତିଆର୍ କିତିମାନି
 ମାନ୍ ଆକା ବ୍ୟବହାର କିଦେଙ୍ଗ୍ ଆନାତ୍ । ଆଦେଙ୍ଗ୍ ଖାର୍ ନେସ୍‌ଏର୍
 ଇଜି ସାଲାକି ତର୍‌ତେଙ୍ଗ୍ ଆର୍‌ଏର୍ ।

୨୧ ଖାର୍ ମାପୁରୁଙ୍ଗ୍ ନେସ୍‌ସି ବା ଖାନିଙ୍ଗ୍ ଟିକ୍‌ତାନ୍ ମାନାଏତାର୍ ବା
 ଖାନିଙ୍ଗ୍ ଆମା ବିସ୍‌ୟ ଉଣ୍ଟିଙ୍ଗ୍ ଦନ୍‌ସ୍‌ବାଦ୍ ସିଏଜିନାର୍ । ମାତର୍ ଖାରି
 ସିନ୍ତାଝିଜୁ ଅସାର୍ ନି ଖାରି ମାନାଇ ମୋନ୍ ପୁରାସିକାଟି ।

୨୨ ଖାର୍ ନିଜେଦିଙ୍ଗ୍ ବୁଦିମାନିକାର୍ ଅତ୍‌ବିନାର୍, ମାତର୍ ସତ୍‌ତାନ୍
 ଖାର୍ ମୁର୍କୁ ଆତାର୍ ।

୨୩ ଝିଜୁଦିନ୍‌ତି ମାପୁରୁଙ୍ଗ୍ ଉପାସନା ଗୌରବ୍ କିଏଣ୍ଟା ଖାର୍ ସାନି
 ଲୋକାଙ୍ଗ୍, ଜାତୁ ପଟି ନି ସାରାସ୍‌ଖାଜା ବମେଙ୍ଗ୍ ରସ୍‌ସି ଖାନିକାଙ୍ଗ୍
 ପୁଜାକିଜିନାର୍ ।

୨୪ ଆଦେଙ୍ଗ୍ ମାପୁରୁ ଖାରି ଜିବନ୍‌ତିଙ୍ଗ୍ ତ୍ରିସ୍‌ତାମାନାନ୍ ମାରି
 ଖାର୍ ନିଜେ ନିଜେଦି ଆସା ଇସାବ୍‌ତାନ୍ ତାଗ୍‌ଇପାଣିଦୁ ମିସାଜି

ତେବାଜିନାରୁ ଝାର ନିଜେ ନିଜେଦି ମୋହଲ୍ ଦାରିପାଣି କିନିମାନୁ ମିସାକିଜି ଇଡ଼ୁନାରୁ ।

୨୫ ଝାର ମାପୁରୁଦି ବିସୟତାନ ସଡ଼ ବାଦଲୁ ମିରତି ଆସା ଇଡ଼ୁଜିନାରୁ । ତିଆରକିତିଝାନିଙ୍ଗ ଉପାସନା କିଏନ୍‌ଶ୍ଟା, ଝାର ତିଆରୁଆତି ଜିନିସ୍‌କାଙ୍ଗ ପୁଜା କିନାରୁ । ଜୁଗ୍ ଜୁଗ୍ ଦନ୍ୟ ଆପିଡ଼ । ଆମେନ୍ ।

୨୬ ଝାର ସେମାରୁତି ପାପ୍ ପାଣିଦୁ ମିସାତିମାନିଙ୍ଗ ମାପୁରୁ ଝାରିଙ୍ଗ୍ ଡିସ୍‌ତା ସିତାମାନାନ୍, ଝାରି ଆଡ଼ସିକ୍ ଟିକ୍‌ତାନ୍ ବ୍ୟବହାର୍ କିନି ବାଦଲୁ ତାଗ୍‌ଲ ପାଣି ଝିଜୁ କିଜିନେ,

୨୭ ମାରି ମେମାରୁଙ୍ଗ୍ ବା ଟିକ୍‌ତାନ୍ ଆଡ଼ସି ଝାଲେ ତେବାଏଶଗା ନିଜେନିଜେଦି ଉଣ୍ଡିଙ୍ଗ୍ ତାଗ୍‌ଲ ପାଣିଦୁ ନାସ୍‌ଆଜିନାରୁ । ମେମାରୁଙ୍ଗ୍ ନିଜେନିଜେଦି ଝାଲେ କାଡ଼ନି ବ୍ୟବହାର୍ କିଜିନାରୁ ମାରି ଆବେଟ୍ ତାଗ୍‌ଲ ପାଣି ଉଣ୍ଡିଙ୍ଗ୍ ଦଣ୍ଡ ପୟଜିନାରୁ ।

୨୮ ଇୟା ଲୋକୁ ମାପୁରୁଦି ବିସୟତାନ ଟିକ୍ ସିନ୍ତା ପୟଦେଙ୍ଗ୍ ବଦା ସିଲେତାରୁଆକା, ମାପୁରୁ ଝାରିଙ୍ଗ୍ ଡିସ୍‌ତାମାନାନ୍ ମାରି ଝାର ତାଗ୍‌ଲମନ୍ ଆଜି ଲୋକ୍‌ତି ଝାଜା ବୁଲାଏଜିନାରୁ ।

୨୯ ଝାର ତାଗ୍‌ଲକାର୍, କରାପ୍‌କିନିକାର୍, ଆସା ମାରି ତାଗ୍‌ଲପାଣିଦୁ ପୁରାମାନାରୁ । ଝାର ଆକାର୍, କାଡ଼ନିକାର୍, ଜାଟିକିନିକାର୍, ଟକେକିନିକାର୍ ମାରି ରିସାଆନିକାର୍; ଝାର ଆଇଝାରିଙ୍ଗ୍ ସୁରି ଝାର୍‌ଗିନାରୁ;

୩୦ ଝାର ମାପୁରୁଦି ଲାକ୍‌ତୁ କାଡ଼ନିକାର୍; ଅମାନ୍ୟ, ଆକାର୍ ମାରି ନିଜେଦିଙ୍ଗ୍ ତରାୟ୍‌ଆନିକା; ତାଗ୍‌ଲପାଣିଦି ଇନିଜିନି ଉପାୟ୍ ଝାର କିଜିମାନାରୁ; ଝାର ବୁବାୟାୟାରିଙ୍ଗ୍ ମାନାଏର୍,

୩୧ ଝାର ବୁଦିସିଲିକାର୍, ନିଜେଦି ସିତିମାଟାଦିଙ୍ଗ୍ ଇଡ଼ିଏର୍ । ଆଇଝାରି ଉଣ୍ଡିଙ୍ଗ୍ ଝାରି ଅଡ଼ପ୍‌ବା ଦୟା ସିଲେଡ଼ ।

୩୨ ଝାର ନେସ୍‌ନାର୍ ଜେ, ମାପୁରୁଦି ନିୟମ୍ ଇସାବ୍‌ତାନ୍ ଇୟାନାନି ଲୋକୁ ସାନିଦଣ୍ଡ ପୟଦେଙ୍ଗ୍ ଜଗ୍ । ଇକା ନେସ୍‌ସି ବା ଝାର ଆୟାଝାଜା ତାଗ୍‌ଲପାଣି କିନାରୁ ମାରି ଆକା କିଜିମାନି ଲୋକାଙ୍ଗ୍ ସାରି ସିନାରୁ ।

୨

ମାପୁରୁଦି ନ୍ୟାୟ ବିଚାର

୧ ଏ ତଡ଼ାନକୁ ନି ତାଙ୍ଗିକ୍, ମିର୍ ଇନିକା ଆଇଝାରି ବିଚାର କିଜିନିଦେର୍ ? ମିର୍ ଜେ ଏମେ ଲୋକ୍ ଆଡ଼ିଙ୍ଗବା, ଇକା କିନିକା ମି ଇସାବତାନ୍ ଟିକ୍ ସିଲେ । ଆଇଝାରି ଦୋସ୍ ଆସସି ମିର୍ ଜଦି ନିଜେ ଆକା କିଜିମାନିଦେର୍, ଆବେଶାନ୍ ମିର୍ ନିଜେଦିଙ୍ଗ୍ ଦସି କିଜିନିଦେର୍ ।

୨ ମାପ୍ ନେସ୍ନାପ୍, ମାପୁରୁ ଇୟାଝାଜା କିଜିମାନି ଲୋକ୍ତି ଟିକ୍ ବିଚାର କିନାନ୍ ।

୩ ଏ ତଡ଼ାନକୁ ନି ତାଙ୍ଗିକ୍, ଆମା ତାଗ୍ ଲ ପାଣି ଉଣ୍ଡିଙ୍ଗ୍ ମିର୍ ଆଇଝାରିଙ୍ଗ୍ ବିଚାର କିଜିନିଦେର୍, ଆକା ଜଦି ମିର୍ ନିଜେ କିଜିମାନିଦେର୍, ମିର୍ ମାପୁରୁଦି ବିଚାର୍ତି ଆଏପ୍ ଇଜି ଇନିକା ଅଡ଼ବିଜିନିଦେର୍ ନ ?

୪ ଆନାଡ଼, ମିର୍ ମାପୁରୁଦି ଝିଜ୍ଜ ଦୟା, ସାସ୍, ମାରି ଉଦାରକିନିତାନିଙ୍ଗ୍ ମାନାଈଜିନିଦେର୍ । ମିର୍ ଜଦିବା ନେସ୍ତିମାନିଦେର୍ ଜେ, ମି ମନ୍ତୁ ଅନୁତାପ୍ ତାତେଙ୍ଗ୍ ଇଜି ମାପୁରୁ ନିସା ଦୟା କିଜିନାନ୍ ।

୫ ମାତର୍ ମିର୍ ଗର୍ବ ନି ଆଟ୍‌ଝା ମୋନ୍ । ଆଦେଙ୍ଗ୍ ସେସ୍ ଦିନ୍ତି ବିଚାର୍ତିଝାଲେ ମିର୍ ମାପୁରୁଦି ଦଣ୍ଡି ଲୋକ୍ ଆଜି ନାଣ୍ଡ କାସ୍ ଦଣ୍ଡ ପୟ୍ନିଦେର୍ ।

୬ ଇରିଙ୍ଗ୍ ମାପୁରୁ ଝିଜେରିଙ୍ଗ୍ ଝାନି ପାଣି ଇସାବତାନ୍ ପଲ୍ ସିନାନ୍ ।

୭ ଏସୋଲୋକ୍ ଗୌରବ୍, ସନ୍ମାନ ନି ଝିଜୁଦିନ୍ ତେବାନି ଆସାଦାନ୍ ଦର୍ଜଦାନ୍ ସଡ଼ ପାଣି କିନା ସନାନ୍, ଝାରିଙ୍ଗ୍ ମାପୁରୁ ଏସ୍‌କାଙ୍ଗ୍‌ଝିଜ୍ଜ ଜିବନ୍ ସିନାନ୍ ।

୮ ଆଇକାର ନିଜେଦିଙ୍ଗ୍ ସୁଣାର୍, ସଡ଼ ସାରି ଡିସ୍‌ସି, ତାଗ୍ ଲ ସାରି ସନାର୍ । ଝାରି ମୁସ୍‌କୁ ମାପୁରୁଦି ନାଣ୍ଡ ରିସା ଆନାନ୍ ।

୯ ଏମେକାର ତାଗ୍ ଲ ପାଣିଦୁ ମିସାନାର୍, ଝାରି ଉଣ୍ଡିଙ୍ଗ୍ ଦୁକୁ ନି କାସ୍‌ଦି ଦିନ୍ ଝାଜିନାଡ଼ । ପାର୍‌ତୁମ୍ ଜିହୁଦି ଲୋକା ମୁସ୍‌କୁ ମାରି ତାନେଝେନ୍‌କା ଗ୍ରିକ୍ ଲୋକା ଉଣ୍ଡିଙ୍ଗ୍ ।

୧୦ ମାତର ଏମେକାର ନେଗିପାଣି କିଜିମାନାର, ଖାର ଜିହ୍ୱଦି ଲୋକୁ ଆପିର, ଅଣଜିହ୍ୱଦି ଲୋକୁ ଆପିର, ଖାରିଙ୍ଗ ମାପୁରୁ ସମ୍ମାନ, ଗୌରବ ନି ସାନ୍ତି ସିନାନ ।

୧୧ ଇରିଙ୍ଗ ମାପୁରୁ ଉନ୍ନିଶ୍ଚି ସାମାନିକସାବତାନ ବିଚାର କିନାନ ।

୧୨ ଅଣଜିହ୍ୱଦି ଲୋକୁ ମସା ରାସତି ନିୟମ ପୟଏର । ନିୟମ ପୟଏନଶ୍ଚା ପାପ କିତାର, ଖାର ନିୟମ ସିଲେଶ୍ଚା ସାନାର । ଆଇ ଇସାବତାନ ଜିହ୍ୱଦିଲୋକୁ ନିୟମ ନେସ୍ତାମାନାର ଆକା, ଖାର ପାପ କିତାର, ଆୟା ନିୟମ ଇସାବତାନ ବିଚାର ଆନାର ।

୧୩ ଇରିଙ୍ଗ କେବଲ ନିୟମ ଖେନି ମାଣାନ ଲୋକୁ ମାପୁରୁଦି ଆଗତି ଦାର୍ମି ଇଜି ଖେଙ୍ଗଦେଙ୍ଗ ଆବଏର, ମାତର ନିୟମ ମାନାନି ମାଣାନ ଦାର୍ମିକ ଇଜି ଗଣେଆନାର ।

୧୪ ଅଣଜିହ୍ୱଦି ଲୋକା ନିୟମ ସିଲେଡ, ମାତର ଜଦି ଖାର ସାମାନତାନ ନିୟମତି ବିସୟକୁ ମାନାନାର, ଆକାନେ ଖାରି ନିୟମତି ଖାଜା ।

୧୫ ଖାରି ପାଣିଦାନ ଇକା ଟିକ୍ ଆନାଡ ଜେ, ନିୟମତି ରାସାତିକା ଖାରି ଜିବନ୍ତୁ ରାସାତା ମାନାଡ । ଇୟା ମାଟାଦି ସଡ ଖାରି ମନ୍ତାନ ବା ପାର୍ମାଣ୍ ଆନାଡ ସଡସିନ୍ତା କିନିଖାଲେ ମନ୍ ଖାରିଙ୍ଗ ସାକା କିନାଡ, ତାଗ୍‌ଇସିନ୍ତା ଖାଲେ ଦସି କିନାଡ ।

୧୬ ଆମା ନାଣ୍ଡିଙ୍ଗ ମାପୁରୁ ଜିସୁ କ୍ରିସ୍ତଦି ମାଣାନ ଲୋକା ମାର୍‌ଗିତି ବିସୟିଜୁ ବିଚାର କିନାନ, ଆୟା ନାଣ୍ଡିଙ୍ଗ ନାନୁ ପ୍ରଚାର କିତିମାନି ସୁସମାଚାର ଇସାବତାନ ଇୟାଞ୍ଜି ଗଟାନାଡ ।

ଜିହ୍ୱଦିଲୋକୁ ନି ନିୟମ

୧୭ ମିର ନିଜେଦିଙ୍ଗ ଜିହ୍ୱଦି ଲୋକୁ ଇଜିନିଦେର, ମୋସାଦି ନିୟମ ମୁସ୍କୁ ଆସା ଇଡ୍‌ଜି ମାରି ମାପୁରୁଦି ଖାଲେ ନିଜେ ମିସାନିକା ଅସି ଗର୍ବ କିଜିନିଦେର;

୧୮ ମି ଉଣ୍ଡିଙ୍ଗ ମାପୁରୁଦି ବଦା ନେସ୍ତି ମାନିଦେର ମାରି ନିୟମତି ସଡ ନି ଅସଡ ବୁଦି ପୟତିମାନିଦେର;

୧୯ ସତେନେ ନେସ୍ତିମାନିଦେର, ଜେ ମିର କାଣାଦିଙ୍ଗ ସାରିତରନିଲୋକୁ, ସିକାଟିଦୁ ମାନି ଲୋକା ଉଣ୍ଡିଙ୍ଗ ଜାୟ ଖାଜା,

୨୦ ବୁଦ୍ଧିସିଲି ଲୋକାଙ୍କୁ ବୁଦ୍ଧିଞ୍ଜେରନିକା, ନେସ୍‌ଲ ଲୋକାରି ଗୁରୁ । ମି ବିସ୍‌ବାସ୍ ଜେ, ନିୟମ୍‌ତାନ୍ ମିର୍ ପୁରା ସତ୍ ନି ବୁଦ୍ଧି ପୟତିମାନିଦେର୍ ।

୨୧ ମିର୍ ଆଇଞ୍ଜାରିଙ୍ଗ୍ ଅଜା କିଜିନିଦେର୍, ମାତର୍ ନିଜେ ଏନ୍ଦା ଅଜାଇଜିନିଦେର୍ ? “ଡକ୍ଟର୍ କିମାର୍” ଇଜି ଅଜା କିଜି ନିଜେ ଡକ୍ଟର୍ କିଜିନିଦେର୍ ?

୨୨ “ଦାରିପାଣି କିମାର୍” ଇଜି ଶ୍ରେୟସି ନିଜେ ଦାରିପାଣି କିଜିନିଦେର୍ନୋ ? ମିର୍ ବମା ପୁଜାଦି କାଡ଼୍‌ଜି ମନ୍ଦିରତିଙ୍ଗ୍ ଡକ୍ଟର୍ କିଜିନିଦେର୍ ?

୨୩ ମିର୍ ମାପୁରୁଦି ନିୟମ୍ ପୟତାମାନାପ୍ ଇଜି ଗର୍ବ କିଜିନିଦେର୍, ମାତର୍ ତାନିଙ୍ଗ୍ ମାନାଇଜି ମାପୁରୁଙ୍ଗ୍ ଅପମାନ୍ କିଜିନିଦେର୍ନୋ ?

୨୪ ସାସ୍ତ୍ରୁ ରାସାତା ମାନାଡ଼, “ମି ଉଣ୍ଡିଙ୍ଗ୍ ଅଣଜିହୁଦି ଲୋକା ଲୋଇ ମାପୁରୁ ନିଦା ପାଏ ଆଜିନାନ୍ ।”

୨୫ ଜଦି ନିୟମ୍ ମାନାଜିମାନିଦେର୍; ମି ସୁନ୍ନତ ମାଟାଦି ଇସାବ୍ ମାନାଡ଼ । ମାତର୍ ଜଦି ନିୟମ୍ ଅମାନ୍ୟ କିନିଦେର୍, ମିର୍ ସୁନ୍ନତ ଆଇ ମାନି ଲୋକା ଖାଲେ ସାମାନ୍ ।

୨୬ ଜଦି ସୁନ୍ନତ ଆଇ ମାନି ଅରେନ୍ ଅଣଜିହୁଦି ଲୋକୁ ନିୟମ୍‌ତି ବିଦି ଓଜୁ ମାନାଜିମାନାନ୍, ମାପୁରୁ ଖାନିଙ୍ଗ୍ ସୁନ୍ନତ ଖାଜା ଆସ୍‌ଏନ୍ ନୋ ?

୨୭ ଆଦେଙ୍ଗ୍ ମେନ୍‌ଲୁଟୁ ସୁନ୍ନତ ଆଇ ମାନି ଏମେ ଅଣଜିହୁଦି ଲୋକୁ ନିୟମ୍ ମାନାନାର୍, ଖାର୍ ମି ବିଚାର୍ କିନାର୍, ଇରିଙ୍ଗ୍ ମିର୍ ମେନ୍‌ଲୁଟୁ ସୁନ୍ନତ ଆଜି ନିୟମ୍ ପୟତି ମାରିଙ୍ଗ୍ ବା, ଆକା ଅମାନ୍ୟ କିଜିନିଦେର୍,

୨୮ କେବଲ ମେନ୍‌ଲୁଟୁ ଇସାବ୍‌ତାନ୍ ସୁନ୍ନତ ଆଜି ମୁସକୁ ଜିହୁଦିଲୋକୁ ଇଜି ତର୍ଆୟ୍ ଆଜିମାନି ଲୋକୁ ସତ୍‌ତାନ୍ ଜିହୁଦି ଲୋକୁ ସିଲେ ।

୨୯ ଏନ୍ ଜିବନ୍‌ତୁ ଜିହୁଦି, ଖାନ୍ ଆଜିନାନ୍ ସତ୍‌ତାନ୍ ଜିହୁଦି । ସତ୍ ସୁନ୍ନତ ଜିବନ୍‌ତି ବିସୟ୍; ଆକା ଆମ୍‌କ, ରାସାତିକା ଆସ୍‌ଏ । ଇୟାଖାଜା ଲୋକୁ ମାଣାନ୍ ଶ୍ରେତିକା ପୟଦେଙ୍ଗ୍ ଆସ୍‌ଏନ୍; ଖାନ୍ ଆକା ପୟନାନ୍ ମାପୁରୁଦିମାଣାନ୍ ।

୩

୧ ଆରତିଙ୍ଗ ଅଣଜିହ୍ଵି ଲୋକା ମାଣାନ୍ ଜିହ୍ଵି ଲୋକା ନାଣ୍ଠୁ ସୁବିଦା ଇନିକା ? ସୁନ୍ନତ ମାଡାନ୍‌କୁ ନେଗିକା ଇନିକା ?

୨ ନାଣ୍ଠୁ ମାନାଡ଼ । ପାରତୁମ୍, ମାପୁରୁ ଖାନି ମାଟାଦି ଦାୟିତ୍ଵ ଜିହ୍ଵିଲୋକା ମୁସ୍‌କୁ ସିତା ମାନାନ୍ ।

୩ ଆନାଡ଼ ଏସ ଲୋକୁ ବିସ୍‌ବାସ୍‌ତୁ ତେବାଏର । ମାତର୍ ଆକା ଇଜି ଇନିକା ମାପୁରୁଦି ବିସ୍‌ବାସ୍‌ ଆରେଏ ଆନାଡ଼ ?

୪ ଏସାଙ୍ଗ୍ ସିଲେ । ଲୋକୁ ଖିଜେରେ ମିରୁଆର୍ ଆତିଙ୍ଗ୍‌ବା, ମାପୁରୁ ସଡ଼ । ସାସ୍ତ୍ରୁ ରାସାତାମାନାଡ଼ :

“ନି ବାକ୍ୟ ଦାନ୍ ନିନ୍‌ ସଡ଼ ଇଜି ପାରମାଣ୍ ଅଆୟ୍‌ଆନି,
ନିନ୍‌ ବିସାର୍ ଆନିଝାଲେ ନିନ୍‌ ଜିଣାନି ।”

୫ ଇବେ ଉଣ୍ଟି ମାଟା ଆନାଡ଼, ଜଦି ମା ଅଦାମ୍‌ ମାପୁରୁଦି ଦାମ୍‌ଦିକା ପାରମାଣ୍ କିନାଡ଼, ଆରତିଙ୍ଗ୍ ମାପୁରୁ ମାଙ୍ଗ୍ ଦଣ୍ଟୁ ସିଜି ଅନ୍ୟାୟ୍ କିଜିନାନ୍ ଇଜି ଇନ୍‌ଡ୍ରେଙ୍ଗ୍ ଆର୍‌ନିକା ନୋ ? ନାନ୍‌ ଲୋକା ଖାଜା ଇଜିନା ।

୬ ଏସାଙ୍ଗ୍ ସିଲେ । ମାପୁରୁ ଜଦି ନିୟାୟ୍ କିନିକାନ୍ ଆଏନ୍, ଖାନ୍ ଏଣ୍ଟେସ୍ ଦୁନିଆଦିଙ୍ଗ୍ ନ୍ୟାୟ୍ ବିସାର୍ କିନାନ୍ ?

୭ ମାତର୍ ଜଦି ନା ଅସଡ଼ଦାନ୍ ମାପୁରୁଦି ସଡ଼ମାଟା ନାଣ୍ଠୁ ନେଗେନ୍‌ତାନ୍ ଝେଙ୍ଗ୍‌ନାଡ଼ ମାରି ଖାନ୍ ଗୌରବ୍ ପୟ୍‌ନାନ୍, ନାନ୍‌ ପାପି ଇଜି ଏଦା ବିଚାର୍ ଆଜିନା ?

୮ ମାତୁ ଏନ୍ଦା ଝେରଈକା, “ରାତୁ ତାରଈପାଣି କିନାଡ଼, ରାତୁ ଇବେଟ୍‌ତାନ୍ ନେଗି ପଲ୍ ଆସ୍‌ତେଙ୍ଗ୍ ?” ନାନ୍‌ ଟିକ୍ ଇୟାଝାଜା ମାଟା ଇଜିନା ଇଜି ଦାବି କିଜି ଏସଲୋକ୍ ନାଙ୍ଗ୍ ନିଦା କିଜିନା । ଖାର ଇୟାଉଣ୍ଟିଙ୍ଗ୍ ଏମେ ଦଣ୍ଟୁ ପୟ୍‌ନି ମାଟା, ସତେନେ ପୟ୍‌ନିଦେର୍ ।

ଏନ୍ ଦାମ୍‌ଦିକାନ୍ ସିଲେ

୯ ଆରତିଙ୍ଗ୍ ଇଜିନା ଜିହ୍ଵିଲୋକା ଅବସ୍ତା ଅଣଜିହ୍ଵି ଲୋକା ମାଣାନ୍ ନାଣ୍ଠୁ ନେଗିକା ? ଏସାଙ୍ଗ୍ ସିଲେ । ନାନ୍‌ ଆଗ୍‌ଡିରାନ୍ ଝେରତାମାନା ଜେ, ରିଏର୍ ଜିହ୍ଵି ନି ଅଣଜିହ୍ଵି ପାପ୍‌ତି ବାଡ଼ିଦୁ ମାନାର୍ ।

୧୦ ଦର୍ମସାସ୍ତ୍ରୁ ରାସାତାମାନାଡ଼ :

“ଦାର୍ମ୍ଭିକାନ ଏନ୍ ସିଲେନ୍, ଅରେନ୍ ବା ସିଲେନ୍,

୧୧ ଅରେନ୍ ଲୋକ୍ ବା ବୁଦ୍ଧିକାନ ନି ମାପୁରୁଦି ସତ୍ତାନ୍
ସେବାକିନିକାନ୍ ଏନ୍ ସିଲେନ୍ ।

୧୨ ଖାର୍ ଝିଜେରେ ମାପୁରୁଦି ମାଣାନ୍ ଆକ ସର୍ହାମାନାର୍;

ଝିଜେରେ ବାଣାତା ମାନାର୍ ।

ଏନ୍ ଅରେନ୍ ବା ସତ୍ତାଣି କିଏଜିନାର୍ ।

୧୩ ଖାରି ମାଟାଦୁ ସାପିସ୍‌କିନି ନାନି ସାଲ୍‌କି,

ଝେୟୁଦାନ୍ ମିସ୍‌ତି ବଲ୍ ସତାନେ,

ଝେୟୁଦାନ୍ କଡ୍‌ନି ସାରାସ୍‌ତି ଝିସାମ୍ ।

୧୪ ଖାରି ମାଟା କେୟୁନାଡ୍ ମାରି ଆନାଦୁରିଆଦୁ ବତ୍ ।

୧୫ ଖାର୍ ଡାକ୍‌ତେଜ୍ ନି କାଡ୍‌ତେଜ୍ ପୁରା ଆନାର୍;

୧୬ ଖାର୍ ଏମେ ତରିନ୍ ସନାର୍, ଆବେ ସାନିକା ନି କାସ୍‌ଗଟାନାଡ୍
।

୧୭ ଖାର୍ ସାନ୍ତିଦି ସାରି ନେସ୍‌ଏର୍,

୧୮ ଖାରି କାଣାଗାଦୁ ମାପୁରୁଜ୍ ଡିଲାନିକା ଖାର୍ ଅଜାଏର୍ ।”

୧୯ ମାଡ୍ ନେସ୍‌ନିକା, ଏମେକାର୍ ନିୟମ୍‌ତି ଆଡ୍‌ଗି, ତାନି
ନିତିନିୟମ୍ ଖାର୍ ମାନାଦେଜ୍ ଆନାଡ୍ । ମାପୁରୁ ଏସ୍ତିଝାଲେ ଝିଜୁ
ଦୁନିଆଦି ବିସାର୍ କିନାନ୍, ନିୟମ୍ ମାନାଈକାର୍ ଇନି ବାଣ୍ଟିସ୍ କିଜି
ନିଜେଦିଜ୍ ଦସ୍‌ସିଲିକାନ୍ ଇଜି ଝେର୍‌ତେଜ୍ ଆଟ୍‌ଏନ୍ ।

୨୦ ✧ମାଡର୍ ନିୟମ୍‌ତି ପାଣିଝିଜୁ କିଜି ଆମା ମାପୁରୁଦି ଆଗ୍‌ତି
ଦାର୍ମ୍ଭିକାନ ଇଜି ଝେଜ୍‌ଦେଜ୍ ଆଟ୍‌ଏନ୍ । ନିୟମ୍‌ତାନ୍ ଲୋକୁ
କେବଲ ପାପ୍‌ତି ବିସୟ ନେସ୍‌ତେଜ୍ ଆଟ୍‌ନାନ୍ ।

ବିସ୍‌ବାସ୍‌ତୁ ଦାର୍ମ୍ଭିଆନିକା

୨୧ ମାପୁରୁ ନିଜେଦି ଝାଲେ ଲୋକାଜ୍ ମିସାକିଦେଜ୍ ଇଜି ନିୟମ୍
ଆଡ୍‌ରେ ଆମାକା କିତାମାନାନ୍, ଆକା ଇଲେଇ ତରାତାମାନାଡ୍
। ଇୟା ବିସୟ୍‌ତାନ୍ ମସାଦି ନିୟମ୍ ନି ବାବବାଦିର୍ ବା ସାକି
ସିତାମାନାର୍ ।

୨୨ ☆କେବଳ ଜିସୁ କ୍ରିସ୍ଟମାନୁ ବିସ୍ବାସ କିନିମାଣାନ ଲୋକୁ ମାପୁରୁଦି ଆଗ୍ତି ଦାମ୍ଭୁତିକାନ ଇଜି ଖେଙ୍ଗ୍ ନାନ୍ । ମାପୁରୁ ଆମା ଲୋକୁତିଙ୍ ଆଙ୍ଗ୍ ଏଜି କ୍ରିସ୍ଟମାନୁ ବିସ୍ବାସ କିଜିମାନି ଓଜେରିଙ୍ ଇୟା ସାରି ସିନାନ୍ ।

୨୩ ଓଜେରେ ପାପ୍ କିତାମାନାର ମାରି ମାପୁରୁଦି ମହିମାଦି ପୁରାଆନିମାନୁ ପୟଏତା ମାନାର ।

୨୪ ମାତର ମାପୁରୁ କ୍ରିସ୍ଟ ଜିସୁଦି ମାଣାନ ଆର୍ଏନେ ଆମା ଦୟା ସିତା ମାନାନ୍, ଆକା ଏମେକାର ମାନାନାର, ଖାରିଙ୍ ପ୍ରବୁ ଜିସୁ ଜିପିସନାନ୍ ମାରି ଖାର ମାପୁରୁ ଆଗ୍ତି ଦାମ୍ଭୁତିକାର ଆନାର ।

୨୫ ମାପୁରୁ ଜିସୁଙ୍ ଦାନ କିତାନ୍, ଏଣ୍ଡେସ୍ ଖାନି ସାନିକା, ଖାନି ମାନୁ ବିସ୍ବାସ କିଜିମାନି ଲୋକା ପାପ୍ କେମାଦି ଉପାୟ ଆନାଡ୍ । ମାପୁରୁ ନିଜେଦି ଦାମ୍ଭୁ ତରତେଙ୍ ଇକା କିତାନ୍ । ମାପୁରୁ ସାସ୍ ଆସ୍ ସି ଲୋକା ଆଗ୍ତିକିତି ପାପ୍ ଆସ୍ ଏନ୍ ।

୨୬ ମାତର ଇଲେଇ ଖାନ୍ ନିଜେଦି ଦାମ୍ଭୁ ତରତେଙ୍ କିନି ଉଣ୍ଡିଙ୍ ପାପ୍ କେମାଦି ନିୟମ୍ କିତାମାନାନ୍ । ଇୟାମାଣାନ ମାପୁରୁ ତରସି ସିତାମାନାନ୍ ଜେ, ଖାନ୍ ନିଜେ ଦାମ୍ଭୁତିକାନ ମାରି ଏମେକାର ଜିସୁମାନୁ ବିସ୍ବାସ କିନାର, ଆୟା ଓଜେରିଙ୍ ଦାମ୍ଭୁତିକାର ଖାଜା ଆସ୍ ନାନ୍ ।

୨୭ ଆର୍ଡିଙ୍ ଆମା ବିସୟତାନ୍ ଗର୍ବ କିନାର୍ ? ସିଲେ, ଆୟାଖାଜା ମାଟା ଇନିକା ସିଲେଡ୍ । ଗାର୍ବୁ କିନି ଉଣ୍ଡିଙ୍ ମା ଇନି ମାଟା ମାନ୍ତେଙ୍ ଆର୍ବନାଡ୍ ? ଇନିକା ନିୟମ୍ ପୁରାପୁରି ମାନାଜିନିକା ଇଜି ? ସିଲେ, କେବଳ ବିସ୍ବାସ୍ ନେ ମା ଗାର୍ବୁ ମାଟା ।

୨୮ ମାଡ୍ ସଡ୍ତାନ୍ ବୁଜାଦେଙ୍ ଆର୍ସିନାପ୍ ଜେ, ଅରେନ୍ କେବଳ ଖାନି ବିସ୍ବାସ୍ତାନ୍ ମାପୁରୁ ଆଗ୍ତି ଦାମ୍ଭୁତିକାନ ଆନାନ୍ ନିୟମ୍ ମାନାନି ମାଣାନ ସିଲେ ।

୨୯ ମାପୁରୁ ଇନିକା କେବଳ ଜିହୁଦିଲୋକା ମାପୁରୁ ? ଖାନ୍ ଇନିକା ଅଣଜିହୁଦି ଲୋକା ମାପୁରୁ ଆସନ୍ ? ସତେନେ ଖାନ୍ ଓଜେରି ମାପୁରୁ ।

୩୦ ☆ ମାପୁରୁ ଅରେନ୍ । ରୁଣ୍ଡି ଜିହ୍ୱାଦି ନି ଅଣଜିହ୍ୱାଦି ଲୋକା ବିସ୍ବାସ୍ ଉଣ୍ଡିଙ୍ଗ୍ ଖାନ୍ ଖାରିଙ୍ଗ୍ ଦାମ୍ଭୁତିକାର୍ ଖାଜା ଆସ୍ନାନ୍ ।

୩୧ ତେନି ଅର୍ତ୍ତ ଇନିକା, ମାଡ୍ ବିସ୍ବାସ୍ତାନ୍ ନିୟମ୍ତିଙ୍ଗ୍ ନାସ୍ କିଦେଙ୍ଗ୍ ସୋଲ୍ସିନାପ୍ ନୋ ? ଏସାଙ୍ଗ୍ ସିଲେ । ବିସ୍ବାସ୍ ତାନ୍ ମାପ୍ ନିୟମ୍ତି ମୁଲ୍ କୁନାଦି ଆର୍ଖା କିଜିନାପ୍ ।

୪

ଅବ୍ରାହାମତି ଜିନିକା

୧ ଆର୍ତିଙ୍ଗ୍ ମୋନ୍ ଇସାବ୍ତାନ୍ ମା ପୁର୍ବେଦି ବୁବା ଅବ୍ରାହାମତି ଜିନିକା ପୋଇତାମାନାନ୍ ଇଜି ଇନିକା ଇନାଟ୍ ?

୨ ଜଦି ଖାନି ନିଜେଦି ପାଣି ଅବ୍ରାହାମ ଖାନ୍ ମାପୁରୁଦି ଆଗ୍ତି ଦାମ୍ଭୁତିକାନ୍ ଖେଙ୍ଗ୍ ତାନ୍ମାନ୍, ଗାର୍ବୁ କିଦେଙ୍ଗ୍ ଇଜି ଖାନି ମାଟା ମାର୍ହାଟ୍ । ମାତର୍ ମାପୁରୁ ଆଗ୍ତି ଆକା ଆଏଡ୍ମାର୍ହାଟ୍ ।

୩ ☆ ଦାମ୍ଭୁସାସ୍ ଇସାବ୍ତାନ୍, “ଅବ୍ରାହାମ ମାପୁରୁମାନ୍ ବିସ୍ବାସ୍ କିତାନ୍ ମାରି ଇୟା ବିସ୍ବାସ୍ ଉଣ୍ଡିଙ୍ଗ୍ ମାପୁରୁ ଖାନିଙ୍ଗ୍ ଦାମ୍ଭୁତିକାନ୍ ଆସ୍ତାନ୍ ।”

୪ ଏନ୍ ପାଣି କିନାନ୍, ଖାନି କୁଲି ପଇନାନ୍ ଆମାଖାନିମାଣାନ୍ ଦାନ୍ ଖାଜା ଖାନ୍ ଆକା ପୟ୍ଏନ୍ ।

୫ ମାତର୍ ଏନ୍ ନିଜେଦି ମୁସ୍କୁ ବିସ୍ବାସ୍ ଇଡ୍ଏନ୍ଶ୍ୱା, ମାପୁରୁମାନ୍ ବିସ୍ବାସ୍ କିନାନ୍, ଖାନି ବିସ୍ବାସ୍ ଉଣ୍ଡିଙ୍ଗ୍ ଦସ୍କିତି ଖାନିଙ୍ଗ୍ ଦସ୍ ଡିସ୍ସି କିଜିମାନି ମାପୁରୁ ଖାନିଙ୍ଗ୍ ଦାମ୍ଭୁତିକାନ୍ ଖାଜା ଆସ୍ନାନ୍ ।

୬ ଏମେ ଲୋକ୍ତି କିତିମାନି ପାଣି ଉଣ୍ଡିଙ୍ଗ୍ ସୁଡ୍‌ସୁନ୍ଶ୍ୱା ମାପୁରୁ ମାରି ଖାନିଙ୍ଗ୍ ଦାମ୍ଭୁତିକାନ୍ ଖାଜା ଆସ୍ନାନ୍, ଖାନିଙ୍ଗ୍ ପ୍ରସଂସା କିଜି ଦାଉଦ ଇର୍ହାମାନାନ୍;

୭ “ଆମାଖାନି ଦସ୍ କେମା ଆତାମାନାଡ୍, ଖାନ୍ ଦନ୍ୟ,
ଏନ୍ ପାପ୍ କେମା ପୟ୍ତାମାନାନ୍, ଖାନ୍ ଦନ୍ୟ ।

୮ ମାପୁରୁ ଆମାଖାନି ପାପ୍ ଲେକିସ୍ କିଏନ୍, ଖାନ୍ ଦନ୍ୟ !”

୯ ଇବେ ଦାଉଦ ଏମେଖାରିଙ୍ଗ୍ ଆସ୍ ବାଦ୍ତିକାର୍ ଇଜି ଇଜିନାନ୍, ଖାର ଇନିକା କେବଲ୍ ସୁନ୍ନତ ଲୋକୁ ମାର୍ହାର୍ ? ସିଲେ, ଅସୁନ୍ନତ

ଲୋକୁ ବା ଆସିବାଦି ଲୋକୁ ଆଦେଙ୍ଗ ଆବନାର । ମାତ୍
 ଇଜିନିକା ଅବ୍ରାହାମ ବିସବାସ୍ ତାନ୍ ଦାମ୍ଭୁତିକାନ୍ ଇଜି ଷେଙ୍ଗ୍ ତାନ୍,
 ୧୦ ଇକା ଆମା ଷେଡାଦୁ ଗଟାତାମାର୍ହାନ୍ ? ଅବ୍ରାହାମ ସୁନ୍ନତ ଆନି
 ଷେନ୍ନକା ନୋ, ତାନି ଆଗ୍ଡିରାନ୍ ? ଷେନ୍ନକା ସିଲେ ।

୧୧ ସୁନ୍ନତ ଆନି ଆଗ୍ଡିରାନ୍ ଅବ୍ରାହାମ୍ତି ବିସବାସ୍ ଉଣ୍ଡିଙ୍ଗ୍ ମାପୁରୁ
 ଖାନିଙ୍ଗ୍ ଦାମ୍ଭୁତିକାନ୍ ଖାଜା ଆସ୍ତାମାର୍ହାନ୍ । ଇକା ଷେରତେଙ୍ଗ୍ ଇଜି
 ଉନ୍‌ଶ୍ଟି ସିନା ଖାଜା ଅବ୍ରାହାମ ଇୟା ସୁନ୍ନତ ବିଦି ମାନାତାମାର୍ହାନ୍ ।
 ମାରି, ଏମେକାର୍ ସୁନ୍ନତ ଆଏନ୍‌ଶ୍ଟା ବା ମାପୁରୁ ମାଣାନ୍ ଦାମ୍ଭୁତିକାର୍
 ଇଜି ଆତାମାନାର୍, ଆମ୍ବିକ୍ ଇସାବ୍‌ତାନ୍ ଅବ୍ରାହାମ ଖାରି ବୁବାସି ।

୧୨ ବୁବା ଅବ୍ରାହାମ ସୁନ୍ନତ ଆନି ଆଗ୍ଡିରାନ୍ ଏମେ ବିସବାସ୍‌ତାନ୍
 ଜିଜି ମାର୍ହାନ୍, ଜଦି ସୁନ୍ନତ ଆଇ ମାନି ଲୋକୁ ନିଜେ ଜିବନ୍‌ତୁ
 ଆୟାଖାଜା ବିସବାସ୍ ତରତେଙ୍ଗ୍ ଆବନାର୍, ଅବ୍ରାହାମ ଖାରି ବୁବାସି
 ।

ବିସବାସ୍‌ରିଙ୍ଗ୍ ମାପୁରୁଦି ପାର୍‌ମାଣ୍

୧୩ ✧ ଅବ୍ରାହାମ ନିୟମ୍ ମାନାନି ମାନି ଉଣ୍ଡିଙ୍ଗ୍ ସିଲେ । କେବଲ
 ଖାନି ବିସବାସ୍ ଉଣ୍ଡିଙ୍ଗ୍ ମାପୁରୁଦି ମାଣାନ୍ ଦାମ୍ଭୁତିକାନ୍ ଖାଜା
 ଷେଙ୍ଗ୍ ତାମାର୍ହାନ୍ ମାରି ଆୟା ଉଣ୍ଡିଙ୍ଗ୍ ଖାନ୍ ଖାନି କୁଟୁମ୍‌ତିକାର୍
 ଦୁନିଆଦି ଅଦିକାରି ଆନାର୍ ଇଜି ମାପୁରୁ ପାର୍‌ମାଣ୍ କିତାମାର୍ହାନ୍ ।

୧୪ ✧ ଏମେକାର୍ ନିୟମ୍ ମାନାନାର୍, କେବଲ ଖାର ଜଦି ମାପୁରୁଦି
 ଦାନ୍ ପୟନାର୍, ଆରତିଙ୍ଗ୍ ଲୋକା ବିସବାସ୍ ଆର୍‌ଏ, ମାପୁରୁଦି
 ପାର୍‌ମାଣ୍‌ତିକା ବା ଇନି ଲାବ୍ ସିଲେଡ୍ ।

୧୫ ନିୟମ୍ ମାନାଇ ଲୋକୁ ମାପୁରୁଦି ରିସାଦିକାର୍ ଆନାର୍ । ମାତର୍
 ଏମେମାନୁ ନିୟମ୍ ସିଲେଡ୍, ଆବେ ନିୟମ୍ ମାନାଇ ମାଟା ନିଙ୍ଗ୍ ଏ
 ଜିନାଡ୍ ।

୧୬ ✧ ଆଦେଙ୍ଗ୍ ମାପୁରୁଦି ପାର୍‌ମାଣ୍ ବିସବାସ୍ ମୁସ୍‌କୁ ମାନାଡ୍ ।
 ଏମେକାର୍ ନିୟମ୍ ମାନାନାର୍, କେବଲ ଖାରି ଉଣ୍ଡିଙ୍ଗ୍ ମାପୁରୁଦି
 ପାର୍‌ମାଣ୍ ରାସାଏଡ୍ ! ଅବ୍ରାହାମ୍ତି ଖାଜା ବିସବାସ୍ କିଜିମାନି ଷିଜେରି
 ଉଣ୍ଡିଙ୍ଗ୍ ଆକା ନେଗିକା, ଇରିଙ୍ଗ୍ ଅବ୍ରାହାମ ଖାରି ଆମ୍ବିକ୍ ବୁବାସି ।

୧୭ ଇୟା ବିସ୍ମୟତାନ୍ ସାସ୍ତ୍ରୁ ରାସାତାମାନାଡ଼, “ନିଜ୍ଞ ମାପୁ ନାଣ୍ଡ ଜାତିଦି ବୁବାସି କିତାମାନାପ୍ ।” ମାପୁରୁଦି ଆଗୁଡ଼ି ଇୟା ପାରମାଣ୍ଟ ଟିକ୍ ମାର୍ହାଡ଼, ଇରିଜ୍ଞ ଏମେ ମାପୁରୁଜ୍ଞ ଅବ୍ରାହାମ ବିସ୍ବାସ୍ କିଜିମାର୍ହାନ୍, ଖାନି ବାକ୍ୟ ସାତିତାନିଜ୍ଞ ଜିପିସ୍‌କିନାଡ଼ ମାରି ଖାରିମାଣାନ୍ ଖିଜୁ ବିସ୍ମୟ ତିଆର କିନାଡ଼ ।

୧୮ ଆସା କିଦେଜ୍ଞ ଇଜି ଇନି ମାଟା ସିଲେତିଜ୍ଞ ବା ଅବ୍ରାହାମ ବିସ୍ବାସ୍ କିଜି ଆସା କିଜି ଇଡ଼ତାନ୍ । ଆଦେଜ୍ଞ ଖାନ୍ ନାଣ୍ଡ ଜାତିଦି ବୁବା ଆତାନ୍, ଇରିଜ୍ଞ ସାସ୍ତ୍ର ଇସାବତାନ୍ ଖାନିଜ୍ଞ ପାରମାଣ୍ଟ ପୁଟାମାର୍ହାଡ଼, “ନି କୁଟୁମ୍ବିକାର୍ ବାଦଡ଼ତି ସୁକେଜ୍ଞାଁ ଖାଜା ନାଣ୍ଡଆଦେଜ୍ଞ ଆଟନାର୍ ।”

୧୯ ଖାନିଜ୍ଞ ନାସ୍ତିଖାଲେ ସହେ ବାରସେକ୍ ଆତାମାର୍ହାଡ଼ । ମାତରୁ ଖାନି ସାତିଖାଜା ମେନ୍‌ଲୁତି ମାଟା ଅଡ଼ବିଜି, ମାରି ସାରା ଜେ କଡ଼ ଜନମ୍ କିଦେଜ୍ଞ ଉପାୟ୍ ସିଲେତାଡ଼, ଇୟା ମାଟା ନେସ୍‌ସି, ତାନିଜ୍ଞ ବିସ୍ବାସ୍ ଆଏଡ଼ମାର୍ହାଡ଼ ।

୨୦ ଖାନ୍ ଖାନି ବିସ୍ବାସ୍‌ତାନ୍ ଖେରୁଏ ଆଏତାନ୍, ନ ମାପୁରୁଦି ପାରମାଣ୍ଟିଜ୍ଞ ଅଡ଼ବିଏତାନ୍ । ବିସ୍ବାସ୍ ଖାନିଜ୍ଞ ବପୁଦାନ୍ ପୁରା କିତାଡ଼ ମାରି ଖାନ୍ ମାପୁରୁଦି ପ୍ରସଂସା ପାଟା କିତାନ୍ ।

୨୧ ମାପୁରୁ ଏମେ ପାରମାଣ୍ଟ କିତାମାର୍ହାନ୍, ଖାନ୍ ଆକା ମାନାନାନ୍ ଇଜି ଖାନି ଆଟ୍‌ଖା ବିସ୍ବାସ୍ ମାର୍ହାଡ଼ ।

୨୨ ଆୟା ଉଣ୍ଡିଜ୍ଞ ଖାନି ବିସ୍ବାସ୍ ଉଣ୍ଡିଜ୍ଞ ଅବ୍ରାହାମ ମାପୁରୁଦି ମାଣାନ୍ ଦାମ୍ବୁଦିକାନ୍ ଇଜି ଖେଜ୍ଞିତା ମାର୍ହାନ୍ ।

୨୩ “ଦାମ୍ବୁଦିକାନ୍ ଖାଜା ଆନିକା” ସାସ୍ତ୍ର ମାଟା କେବଲ ଅବ୍ରାହାମ୍‌ତି ଉଣ୍ଡିଜ୍ଞ ଜେ ଦରକାର୍, ଆକା ସିଲେ ।

୨୪ ଇରିଜ୍ଞ ମାଡ଼ ବା ମାପୁରୁମାନୁ ବିସ୍ବାସ୍ କିନି ମାଣାନ୍ ଦାମ୍ବୁଦିକାର୍ ଖାଜା ଖେଜ୍ଞିନିକା । ମାପୁରୁ ପ୍ରବୁ ଜିସୁଜ୍ଞ ସାତିମାଣାନ୍ ନିକ୍ତାମାନାନ୍ ।

୨୫ ଆୟା ପ୍ରବୁ ଜିସୁ ମା ପାପ୍‌ତି ଉଦାର୍ କିନି ଉଣ୍ଡିଜ୍ଞ ଖାନ୍ ସାତାମାର୍ହାନ୍ ମାରି ମାପୁରୁଦି ଲାକ୍‌ଟୁ ମାଜ୍ଞ ଦାମ୍ବୁଦିକାର୍ କିବିସ୍ କିନି ଉଣ୍ଡିଜ୍ଞ ମାରିଡ଼େସି ନିଜ୍ଞିତାମାନାନ୍ ।



ମାପୁରୁଦି ଖାଲେ ମିସାନିକା

^୧ ଇଲେଇ ବିସ୍ବାସ୍ତାନ ମାଡ଼ ମାପୁରୁଦି ଆଗୁଡ଼ି ଦାର୍ମୁଦିକାର୍ ଆତିମାନିକା ମାରି ପ୍ରବୁ ଜିସୁ କ୍ରିସ୍ତଦି ଉଣ୍ଡିଙ୍ ମାପୁରୁଦି ଖାଲେ ମା ସାତି ପୋଇତିମାନିକା ।

^୨ ଆୟା ଜିସୁ ମା ବିସ୍ବାସ୍ ଉଣ୍ଡିଙ୍ ଇଲେଇ ମା ଜିବନ୍ତୁ ମାପୁରୁଦି ଦୟାଦୁ ମାନାଡ଼ । ଆଦେଙ୍ ମାପୁରୁଦି ଗୌରବ୍ତୁ ମିସାଦେଙ୍ ଆସା ମାଙ୍ ଖେଡ଼ିକାଦାନ୍ ଇଟାମାନାଡ଼ ।

^୩ ଖିନ୍ତୁ ରକମ୍ତି ଦୁକ୍ କାସୁଦୁ ବା ମାଡ଼ ଖେଡ଼ିକା କିଜିନିକା, ଇରିଙ୍ ତରବର୍ ଆଏଣ୍ଡା କାସୁ ବଗାନି ମାଣାନ୍ ମନ୍ତୁ ସାସ୍ ଖାନାଡ଼ ।

^୪ ସାସ୍ତାନ ବପୁଦି ଗୁଣ୍ ମାରି ବପୁଦି ନେଗି ଗୁଣ୍ତାନ ଆସା ଖାନାଡ଼ ।

^୫ ଆସା ମାଙ୍ ନିରାସ୍ ଆଦେଙ୍ ସିଏଡ଼, ଇରିଙ୍ ମାପୁରୁ ମାଙ୍ ପବିତ୍ର ଆମ୍ ସିଜି ମା ଜିବନ୍ତୁ ଖାନି ଜିବନ୍ନୋନିକା ବର୍ କିତା ସିତାମାନାନ୍ ।

^୬ ମାଡ଼ ନିରାସ୍ ମାରୁଇଖାଲେ ମାପୁରୁଦି ତିଆରକିତି ସମୟ୍ତୁ କ୍ରିସ୍ତ ପାପି ଲୋକା ଉଣ୍ଡିଙ୍ ସାତାନ୍ ।

^୭ ଦାର୍ମୁଲୋକା ଉଣ୍ଡିଙ୍ ଆଇକାନ୍ ଏନ୍ ନିଜେଦି ଜିବନ୍ ସିଦେଙ୍ ବଦା କିଏନ୍ । ଆନାଡ଼ ଆମା ନେଗି ଲୋକା ଉଣ୍ଡିଙ୍ ସାଦେଙ୍ ତିଆର୍ ଆନାନ୍ ।

^୮ ମାଡ଼ ମାଡ଼ ପାପି ମାରିଇଖାଲେ କ୍ରିସ୍ତ ମା ଉଣ୍ଡିଙ୍ ନିଜେଦି ଜିବନ୍ ସିତାନ୍ । ତେନେ ମାଣାନ୍ ମାପୁରୁ ମାଙ୍ ଏସା ଜିବନ୍ନୋନାନ୍, ଆକା ଖାନ୍ ତରତାମାନାନ୍ ।

^୯ କ୍ରିସ୍ତଦି ଜିବନ୍ ସିନିମାଣାନ୍ ମାପୁରୁ ମାଙ୍ ଦାର୍ମୁଦିକାର୍ ଖାଜା ଆସ୍ତାମାନାନ୍ । ଆତିଙ୍ ମାପୁରୁଦି ରିସାଦାନ୍ ମାଙ୍ ରକିୟା କିଦେଙ୍ କ୍ରିସ୍ତ ଏସା ନାଣ୍ ମନ୍ସିନିକାନ୍ ଆଏନ୍ ।

^{୧୦} ମାଡ଼ ମାପୁରୁଦି ସାତୁ ମାରି ଖାଲେ ଖାନି ମାରିସି ମା ଉଣ୍ଡିଙ୍ ଜିବନ୍ ସିତାନ୍, ତାନି ମାଣାନ୍ ମାପୁରୁଦି ଖାଲେ ମା ମିସାନିକା ଆତାଡ଼ । ମାପୁରୁଦି ଖାଲେ ମିସାତି ଖେନ୍କା ଇଲେଇ କ୍ରିସ୍ତଦି ଜିବନ୍ତାନ ରକିୟା ପୟ୍ଦେଙ୍ ଇଜି ମାଡ଼ ଏସା ନାଣ୍ ସୁଜୋଗ ପୟ୍ଦେଙ୍ ?

୧୧ କେବଳ ଆକାମେ ସିଲେ, ପ୍ରବୁ ଜିସୁ କ୍ରିସ୍ତଦି ମାଣାନ ମାପୁରୁ ଏମେ ଝିନ୍ନୁ ପାଣି କିତାମାନାନ, ଆୟାଉଣ୍ଡିଙ୍ଗ୍ ମା ଜିବନ୍ ଝେଡିକାଦି ପୁରା ଆତାମାନାଡ୍ । ଆୟା ଜିସୁ ମାପୁରୁଦି ଖାଲେ ମା ମିସାନିକା କିତାମାନାନ ।

ଆଦମ ନି କ୍ରିସ୍ତ

୧୨ ଏସ୍ତିଖାଲେ ଅରେନ୍‌ଖାନି ମାଣାନ ଦୁନିଆଦୁ ପାପ୍ ଖାତାଡ୍ ମାରି ପାପତାନ ସାନିକା ଖାତାଡ୍ । ଝିଜେରେ ପାପ୍ କିତାର୍‌ଆକା ସାନିକା ଝିନ୍ନୁ ଲୋକା ଜାତିଦିଙ୍ଗ୍ ଖାତାଡ୍ ।

୧୩ ନିୟମ୍ ସିନି ଆଗ୍‌ଡିରାନ ଦୁନିଆଦୁ ପାପ୍ ମାର୍‌ହାଡ୍; ମାତର୍ ନିୟମ୍ ସିଲି ଖାଲେ ପାପ୍‌ତି ଇସାବ୍ ଆଏଜି ମାର୍‌ହାଡ୍ ।

୧୪ ଆଦମ୍‌ତି ଝେଡାଦାନ ମୋସାଦି ଝେଡା ସାନ୍ଦି ଏନ୍ ଆଦମ୍‌ତି ଖାଜା ମାଟା ମାନାଏଜି ପାପ୍ କିଏତି ମାରିଙ୍ଗ୍ ବା, ଝିଜେରେ ସାନି ଆଡ୍‌ଗି ମାର୍‌ହାଡ୍ । ଆମାଖାନିଦି ଖାନିକା ମାର୍‌ହାଡ୍, ଆଦମ ଖାନି ଉନ୍‌ଶ୍ଟି ନିଡିଗାଖାଜା;

୧୫ ମାତର୍ ଇୟା ରିଏରି ଲୋଇ ନାଣ୍ଟ ଝେରଏ ମାନାଡ୍ । ଆଦମ୍‌ତି ପାପ୍ ନି ମାପୁରୁଦି ଇସାବ୍‌ସିଲି ଦାନତି ବପୁ ସାମାନ ସିଲେ । ଅରେନ୍ ଲୋକ୍‌ତି ପାପ୍ ଉଣ୍ଡିଙ୍ଗ୍ ନାଣ୍ଟ ଲୋକ ସାତାର୍ । ମାତର୍ ମାପୁରୁ ଖାନି ପେରି ଦୟାଦାନ, ମାରି ଅରେନ୍ ଲୋକ୍, ପ୍ରବୁ ଜିସୁ କ୍ରିସ୍ତଦି ମାଣାନ ଲୋକା ଉଣ୍ଡିଙ୍ଗ୍ ଏମେ ଦାନତି ନିୟମ୍ କିତାନ, ଆକା ନାଣ୍ଟ ବପୁ ।

୧୬ ଅରେନ୍ ଲୋକ୍‌ତି ପାପ୍ ଉଣ୍ଡିଙ୍ଗ୍ ଲୋକ୍ ବିଚାର୍‌ତି ଆଗ୍‌ଡି ଆଜି ଦସି ଆତାର୍; ମାତର୍ ଗାଦି ଲୋକା ନାଣ୍ଟ ପାପ୍ ଆତିଙ୍ଗ୍‌ବା ମାରି କେମା ପୟ୍‌ଦେଙ୍ଗ୍ ଇଜି ଇନି ଜଗ୍ ସିଲିତିଙ୍ଗ୍ ବା, ମାପୁରୁ ଆୟା ଦାନ ଉଣ୍ଡିଙ୍ଗ୍ ଇଲେଇ ଲୋକ୍ ଦସ୍‌ସିଲିକାର୍ ଇଜି ଝେଙ୍ଗ୍ ଦେଙ୍ଗ୍ ଆଟ୍‌ନାନ ।

୧୭ ମାରିବା ଅରେନ୍ ଲୋକ୍‌ତି ପାପ୍ ଉଣ୍ଡିଙ୍ଗ୍ ସାନି ସାସନ୍ କିନିକା ଖାତାଡ୍; ମାତର୍ ମାରି ଅରେନ୍ ଅର୍ତାଡ୍ ଜିସୁ କ୍ରିସ୍ତ ଆମାକା କିତାମାନାନ, ଆକା ଏସା ପେରିକା । ଏମେ ଝିଜେରେ ମାପୁରୁଦି ପେରି ଦୟାଦାନ ଆର୍‌ଏନେ ମାପୁରୁଦି ଲାକ୍‌ତୁ ଦାମ୍‌ତିକାର୍ ଆନାର୍, ଖାର୍ କ୍ରିସ୍ତଦି ଖାଲେ ଜିଣାନି ଜିବନ୍ କାଟେକିନାର୍ ।

୧୮ ଅରେନ୍‌ଝାନି ପାପ୍ ଏଣ୍ଡେସ୍ ଓଜୁ ଲୋକା ଜାତିଦିଙ୍ଗ୍ ଦଣ୍ଡୁ କିତାଡ଼, ଆୟାଞ୍ଜାଜା ଅରେନ୍‌ଝାନି ଦାର୍ମ୍ ଓଜୁ ଲୋକୁ ଜାତି ଉଣ୍ଡିଙ୍ଗ୍ ମୁକ୍ତାନିକା ନି ଜିବନ୍ତି ସାରି ତାତା ସିତାମାନାନ୍ ।

୧୯ ଅରେନ୍‌ଝାନି ଅମାନ୍ୟ ଉଣ୍ଡିଙ୍ଗ୍ ଏଣ୍ଡେସ୍ ଓଜେରେ ପାପି ଆତାର୍, ଆୟାଞ୍ଜାଜା ଅରେନ୍‌ଝାନି ମାନାନି ଉଣ୍ଡିଙ୍ଗ୍ ଓଜେରେ ମାପୁରୁ ଆଗ୍ତି ଦାର୍ମ୍ତିକାର୍ ଆନାର୍ ।

୨୦ ନିୟମ୍ତି ସାଲାନି ଉଣ୍ଡିଙ୍ଗ୍ ତାର୍ଗଲପାଣି ପିରିତାଡ଼ । ମାତର୍ ପାପ୍ ପିର୍ନି ଦାପେ ଦାପେ ମାପୁରୁଦି ଦୟା ବା ନାଣ୍ଡଦାନ୍ ନାଣ୍ଡ ଆତାଡ଼ ।

୨୧ ପାପ୍ ଏଣ୍ଡେସ୍ ସାନି ମାଣାନ୍ ନିଜେଦି ସାସନ୍ କିଜିମାର୍ହାଡ଼, ଆୟାଞ୍ଜାଜା ମାପୁରୁଦି ଦୟା ପ୍ରବୁ ଜିସୁ କ୍ରିସ୍ତଦି ଦୟାଦାନ୍ ମାଙ୍ଗ୍ ଦାର୍ମ୍ତିକାର୍ ଲେକିସ୍ କିଜି ଏସ୍କାଙ୍ଗ୍ ଓଜିଜ୍ ଜିବନ୍ ସିନାଡ଼ ।



ପାପ୍ ଉଣ୍ଡିଙ୍ଗ୍ ସାନିକା; ମାତର୍ କ୍ରିସ୍ତଦି ଖାଲେ ମିସାନି ମାଣ୍ଡୁ ପୁନି ଜିବନ୍

୧ ଆର୍ତିଙ୍ଗ୍ ଇନିକା ଇନାର୍ ? ମାପୁରୁଦି ଦୟା ମାରି ନାଣ୍ଡ ଆନାଡ଼ ଇଜି ମାଡ଼ ଇନିକା ପାପ୍ତୁ ଜିନା ମାଡିନାର୍ ?

୨ ଏସାଙ୍ଗ୍ ସିଲେ । ପାପ୍ ଉଣ୍ଡିଙ୍ଗ୍ ମାଡ଼ ସାତି ମାନିକା ଆବେ ମାରି ଜିନାର୍ ଏଣ୍ଡେସ୍ ?

୩ ମିର୍ ନେସ୍ନିଦେର୍, ତୁବନ୍ ଅନି ମାଣାନ୍ କ୍ରିସ୍ତ ଜିସୁଦି ଖାଲେ ମିସାଜି ମାଡ଼ ଖାନି ସାତି ମାନୁ ବା ମିସାତି ମାନିକା ।

୪ ତୁବନ୍ ଅନି ମାଣାନ୍ ମାଡ଼ ଖାନି ସାତି ମାନୁ ମିସାଜି ଖାନି ଖାଲେ ମୁସାତି ମାନିକା । କ୍ରିସ୍ତ ଏଣ୍ଡେସ୍ ବୁବାଦି ଗୌରବ୍ଦି ସାକ୍ତି ଦାନ୍ ମାରିଡେସିଜିବନ୍ ଆଜି ନିଙ୍ଗ୍ ତାନ୍, ମାଡ଼ ବା ଖାନି ଉଣ୍ଡିଙ୍ଗ୍ ପୁନିଖାଜା ଜିଦେଙ୍ଗ୍ ଆଟ୍ନିକା ।

୫ ଏଣ୍ଡେସ୍ ଇରିଙ୍ଗ୍ ମାଡ଼ ସାନି ମାନୁ ମିସାଜି ଖାନି ଖାଲେ ଉନ୍ତେ ଆତିମାନିକା, ଖାନି ମାରିଡେସି ନିଙ୍ଗ୍ ନିମାନୁ ବା ଖାନି ଖାଲେ ଉନ୍ତେ ଆଜି ପୁନି ଜିବନ୍ ପୟନିକା ।

୬ ମାତ୍ର ନେସନିକା, ଜେ କ୍ରିସ୍ତୁ ଖାଲେ କୁସ ମୁସକୁ ମା ପାଡ଼ଇ ମେନ୍ଦଲ୍‌ତି ମୁର୍ତ୍ତି ସାତାମାନାତ୍ । ଆବେଶାନ ମା ପାପ୍ ଗୁଣ୍ ନାସ୍ ଆତାମାନାତ୍ ମାରି ମାତ୍ର ପାପ୍ତି ଦାସ୍‌ତାନ୍ ଡିସାୟ ଆତିମାନିକା,

୭ ଇରିଙ୍ଗ୍ ଲୋକୁ ସାତିସରିଙ୍ଗ୍, ପାପ୍ ଗାଟିଦାନ୍ ରକିୟା ପୟନାନ୍ ।

୮ ମାତ୍ର ଜିସୁଦି ଖାଲେ ସାତିମାନିକାଆକା, ଖାନି ଖାଲେ ବା ଜିନିକା ଇଜି ବିସବାସ୍ କିଜିନିକା ।

୯ ମାତ୍ର ନେସନିକା, କ୍ରିସ୍ତ ସାତିମାଣାନ୍ ନିଙ୍ଗ୍ ତାମାନାନ୍ ଆକା, ଖାନ୍ ମାରି ଏସାଙ୍ଗ୍ ସାଏନ୍ । ଖାନି ମୁସକୁ ସାନିକା ମାରି ସାସନ୍ କିଏଡ୍ ।

୧୦ ଖାନ୍ ଏମେନ୍ତୁ ସାତାନ୍ ଆବେଶାନ ପାପ୍ତି ସାକ୍ତିଦାନ୍ ଜିଣାତାମାନାନ୍ । ଖାନ୍ ଇଲେଇ ଆମା ଜିଜି ମାଡ଼ିଜିନାନ୍, ଆକା ମାପୁରୁଦି ଖାଲେ ମିସାତି ଜିବନ୍ ।

୧୧ ଆୟାଞ୍ଜା ମିର୍ ବା ପାପ୍ ଉଣ୍ଡିଙ୍ଗ୍ ସାତି ମାନିଦେର୍ ଇଜି ଅଡ଼ବିଦୁ । ମିର୍ ଇଲେଇ କ୍ରିସ୍ତ ଜିସୁଦି ମାଣାନ୍ ଜିବନ୍‌ତୁ ମାପୁରୁଦି ଖାଲେ ମିସାତି ମାନିଦେର୍ ।

୧୨ ଇୟା ମି ସାତି ମେନ୍ଦଲ୍ ମୁସକୁ ପାପ୍ ମାରି ସାସନ୍ କିମାକିଡ୍; ମିର୍ ମାରି ଇନି ମେନ୍ଦଲ୍‌ତି ଆସା ଆଡ଼ଗି ତେବାମାଟ୍ ।

୧୩ ମିର୍ ନିଜେଦିଙ୍ଗ୍ ଏମେ ଇସାବ୍‌ତାନ୍ ପାପ୍ ଲାକ୍‌ତୁ ସପେ କିଜି ତାଗଇ ପାଣି ଖାଜା ବ୍ୟବହାର ଆମାଟ୍ । ମାତର୍ ସାନି ମାଣାନ୍ ରକିୟା ପୟଜି ଜିବନ୍ ପୟତିମାନି ଉଣ୍ଡିଙ୍ଗ୍ ମିର୍ ସଡ଼ପାଣି କିଦେଙ୍ଗ୍ ଇଜି ନିଜେ ନିଜେଦିଙ୍ଗ୍ ସାଜୁଦାନ୍ ମାପୁରୁମାନୁ ସପେ କିଦୁ ।

୧୪ ମାତର୍ ପାପ୍ ମି ମୁସକୁ ସାସନ୍ କିମାପିଡ୍ । ମିର୍ ମାରି ନିୟମ୍ତି ଆଡ଼ଗି ସିଲିଦେର୍ । ମାତର୍ ମାପୁରୁଦି ଦୟାଦି ଆଡ଼ଗି ମାନିଦେର୍ ।

ଦାର୍ମୁଦି ଦାସକୁ

୧୫ ଆଡ଼ତିଙ୍ଗ୍, ମାତ୍ର ନିୟମ୍ତି ଆଡ଼ଗି ତେବାଏଣ୍ଟା ମାପୁରୁଦି ଦୟା ପୟତିମାନିକା ଇଜି ଇନିକା ପାପ୍ କିଜିମାନାଟ୍ ? ଆକା ଏସାଙ୍ଗ୍ ସିଲେ ।

୧୬ ମିର୍ ପୁରା ନେସ୍ତିମାନିଦେର୍, ଜଦି ମିର୍ ଆମାଖାନି ଆଡ଼ଗି ମାନିକା ମାନାଜି ଖାନି ପୁରା ମାଟା ମାନାନିଦେର୍, ଆଡ଼ତିଙ୍ଗ୍ ମିର୍ ଖାନି

ଦାସ୍ । ଜଦି ପାପତି ଦାସ୍ ଆନିଦେର୍, ତେନି ଦଣ୍ଡ ଆନାଡ଼ ସାନିକା;
ଜଦି ଦାମ୍ଭୁସ୍ ସାଲାନିଦେର୍, ଆର୍ତ୍ତିଙ୍ଗ୍ ଜିବନ୍ ପୟନିଦେର୍ ।

୧୭ ମାତର୍ ମାପୁରୁଙ୍ଗ୍ ଦନ୍ୟବାଦ ସିଜିନା, ଜଦିବା ଅର୍ଲେନ୍
ମିର୍ ପାପତି ଦାସକୁ ମାହ୍ ଦେର୍, ମିର୍ ଇଲେଇ ସୁସମାଚାରତାନ୍
ଅଜାତିମାନି ସତ୍‌ମାଟେଙ୍ଗ୍ ପୁରା ମୋନ୍‌ତାନ୍ ମାନାଜିନିଦେର୍ ।

୧୮ ମିର୍ ପାପତାନ୍ ମୁକ୍ତାଜି ଦାମ୍ଭୁସ୍ ଦାସକୁ ଆତିମାନିଦେର୍ ।

୧୯ ମି ସାକିସିଲି ଉଣ୍ଡିଙ୍ଗ୍, ଇୟାଞ୍ଜିଲୁ ମାଟା ! ନାନ୍ତୁ ଲୋକୁ ଖାଜା
ଞ୍ଜିଲୁଦିନ୍ ଖାଟ୍‌ଗିନି ବାସାଦାନ୍ ଖେର୍‌ସିନା । ଅର୍ଲେନ୍ ମିର୍ ତାଗ୍‌ଇକା
ନି ତାଗ୍‌ଇ ପାଣିଦୁ ନିଜେ ନିଜେଦିଙ୍ଗ୍ ମିସାକିଜି ଇଟ୍‌ତିମାହ୍ ଦେର୍
। ଆୟାଞ୍ଜା ଇଲେଇ ପବିତ୍ର ଆଦେଙ୍ଗ୍ ଇଜି ଦାମ୍ଭୁସ୍ ଲାକ୍‌ତୁ
ନିଜେଦିଙ୍ଗ୍ ପୁରାଦାନ୍ ସିଦୁ ।

୨୦ ମିର୍ ପାପତି ଦାସ୍ ମାର୍‌ଇଞ୍ଜାଲେ, ଦାମ୍ଭୁସ୍ ଆକ ମାହ୍ ଦେର୍
।

୨୧ ଇଲେଇ ମିଙ୍ଗ୍ ଏମେ ଞ୍ଜିଲୁ ପାଣି କିଦେଙ୍ଗ୍ ସେମାର୍ ଆଜିନାଡ଼,
ନାସ୍ତିଞ୍ଜାଲେ ଆୟାଞ୍ଜିଲୁ କିଜିମାର୍‌ଇଦେର୍ । ଆବେଶାନ୍ ଇନି ଲାବ୍
ପୟତିଦେର୍ ? ଆୟାଞ୍ଜିଲୁ ପାଣିଦି ଦଣ୍ଡ ସାନିକା ।

୨୨ ମାତର୍ ଇଲେଇ ମିର୍ ପାପତାନ୍ ମୁକ୍ତାଜି ମାପୁରୁଦି ପବିତ୍ର
ଦାସ୍ ଆତିମାନିଦେର୍ । ତେନି ଲାବ୍ ଆଜିନାଡ଼, ମାପୁରୁମାନ୍ତୁ
ପୁରାଦାନ୍ ଜିବନ୍ ସର୍ପେ କିନିକା ମାରି ତେନି ପଲ୍ ଏସ୍‌କାଙ୍ଗ୍‌ଞ୍ଜିଇ
ଜିବନ୍ ।

୨୩ ପାପତି ବାଦ୍‌ଲୁ ସାନିକା, ମାତର୍ ମାପୁରୁଦି ଦୟାଦି ଦାନ୍
ଆଜିନାଡ଼, ପ୍ରବୁ ଜିସୁ କ୍ରିସ୍ତଦି ଖାଲେ ମିସାନି ମାଣାନ୍ ଏସ୍‌କାଙ୍ଗ୍‌ଞ୍ଜିଇ
ଜିବନ୍ ।



ପେଡ଼ିଦି କାତା

୧ ଏ ତଡ଼ାନ୍‌କୁ ନି ତାଙ୍ଗ୍‌କି, ଇଲେଇ ଆମାକା ଇନ୍‌ଡ୍ରେଙ୍ଗ୍
ସଲ୍‌ସିନା, ମିର୍ ଆକା ବୁଜାଦେଙ୍ଗ୍ ଆଟ୍‌ନିଦେର୍, ଇରିଙ୍ଗ୍ ମିର୍
ନେସ୍‌ତିମାନିଦେର୍, ନିୟମ୍ ଇନିକା । ଲୋକୁ କେବଲ ଖାନି ଜିନି
ଞ୍ଜେଡ଼ାଦୁ ନିୟମ୍‌ତି ଆଡ଼ଗି ତେବାନାନ୍ ।

୨ କନ୍‌ଲି ଜିନିମାନି ସାନ୍ଦି ଖାନି ଆଡ଼ସି ଖାନି ଖାଲେ ପେଡ଼ିଆତିମାନୁ ତରଆୟୁ ଆନାମାନାଡ଼ । ମାତର କନ୍‌ଲି ସାତିଙ୍ଗ୍, ଖାନି ଆଡ଼ସି ଇୟା ନିୟମ୍‌ତାନ୍ ମୁକ୍‌ଡାନାଡ଼ ।

୩ କନ୍‌ଲି ଜିତି ମାନିଖାଲେ; ଆଡ଼ସି ଜଦି ଆଇ ମେମାରି ଖାଲେ ତେବାନାଡ଼, ତାନିଙ୍ଗ୍ ଦାରିଣି ଇଜି ଇନାର୍; ମାତର କନ୍‌ଲି ସାତି ଖେନ୍‌କା ଖାଦ୍ ମାରି ଅରେନ୍ ଖାନିଙ୍ଗ୍ ପେଡ଼ି ଆତିଙ୍ଗ୍, ଆକା ଦାରିପାଣି ଆଏଡ଼ ।

୪ ଏ ତଡ଼ାନ୍‌କୁ ନି ତାଙ୍ଗ୍‌କି, ମିଦି ବା ଟିକ୍ ଆୟା ବାଦା । ମିର୍ ତୁବନ୍ ଅତି ମାଣାନ୍ କ୍ରିସ୍ତୁଦି ମେନ୍‌ଲ୍‌ତି ଖାଲେ ସାଜି, ଖାନି ମାରିତେସିଜିବନ୍ ଆଜି ନିଙ୍ଗ୍‌ନିମାନୁ ବା ନିସାତିମାନିଦେର୍ ମାରି ଇଲେଇ ମିର୍ ମାପୁରୁଦି ନେଗି ସେବକ । ନିୟମ୍ ଉଣ୍ଡିଙ୍ଗ୍ ମିର୍ ସାତି ମାନିଦେର୍ ।

୫ ଆମା ଦିନ୍ ସାନ୍ଦି ମାଡ଼ ମେନ୍‌ଲ୍‌ତି ଆସାଦି ଆଡ଼ଗି ମାର୍‌କା, ନିୟମ୍‌ତି ମନାକିତି ମାଟା ମା ପାପ୍ ପାଣିଦୁ କେବଲ୍ ଏଗ୍ରିସ୍ କିବିସ୍ କିଜିମାର୍‌ହାଡ଼ ମାରି ମାଡ଼ ସାନି ସେବା ଉଣ୍ଡିଙ୍ଗ୍ ଟିକ୍ ମାରଇକା ।

୬ ଇଲେଇ ମାଡ଼ ନିୟମ୍‌ତି ସାସନ୍‌ତାନ୍ ମୁକ୍‌ଡାତି ମାନିକା, ଇରିଙ୍ଗ୍ ଆମାକା ଅର୍ଲେନ୍ ମାଙ୍ଗ୍ ତରତା ଇଟାମାର୍‌ହାଡ଼, ଆୟାଉଣ୍ଡିଙ୍ଗ୍ ମାଡ଼ ଇଲେଇ ସାତିମାନିକା । ମାଡ଼ ମାରି ଆଗ୍‌ଡିରି ଖାଜା ରାସାତି ନିୟମ୍‌ତି ସେବା କିଜିଜିନିକା, ପବିତ୍ରଆମ୍‌ଦି ପୁନି ସାରିଦୁ ଇଲେଇ ମାଡ଼ ବୁଲାଜିନିକା ।

ନିୟମ୍ ନି ପାପ୍

୭ ଆରଡିଙ୍ଗ୍ ଇନିକା ଇନାର୍, ନିୟମ୍ ନେ ପାପ୍ ? ଆକା ଏସାଙ୍ଗ୍ ସିଲେ । ମାତର ପାପ୍ ଇନିକା, ଆକା ନାଙ୍ଗ୍ ନିୟମ୍ ଖେରତାସିତାମାନାଡ଼ । “ଆଇଖାନି ଜିନିସତିଙ୍ଗ୍ ଆସାମାର୍,” ଇୟା ମାଟା ଜଦି ନିୟମ୍ ସିଏତାଡ଼ ମାନ୍ଦି, ଆସାନିକା ଇନିକା, ନାନୁ ନେସ୍‌ଏତା ମାନ୍ଦି ।

୮ ମାତର ମୁସ୍‌କୁରି ମାଟାଦି ସୁଜୋଗ ଅସି ପାପ୍ ନା ମନ୍‌ଡୁ ଖିଜୁ ରକମ୍‌ତି ଲବ୍ ଜନମ୍‌କିତାଡ଼ । ନିୟମ୍‌ତିଙ୍ଗ୍ ଡିସ୍‌ତିଙ୍ଗ୍ ପାପ୍ ସାତି ସାମାନ୍ ।

୯ ଅରଲେନ୍ ନିୟମ୍ ନେସ୍‌ଏଣ୍ଡା ନାନୁ ଜିତା ମାର୍ହା; ନିୟମ୍ ନେସ୍‌ତି
ଝେନ୍‌କା ପାପ୍ ଝାତାତ୍ ମାରି ନାନୁ ସାତା ।

୧୦ ଏମେ ନିୟମ୍ ଜିବନ୍ ସିଦେଙ୍ଗ୍ ଇଜି ଟିକ୍ ମାର୍ହାତ୍, ଆକା ନା ସାନି
ମାଟା ଆତାତ୍ ।

୧୧ ମାତର ନିୟମ୍‌ତି ସୁଜୋଗ ଅସି ପାପ୍ ନାଙ୍ଗ୍ ଟକେ କିତାତ୍
ମାରି ନାଙ୍ଗ୍ ଡାକ୍‌ତାତ୍ ।

୧୨ ନିୟମ୍ ପବିତ୍ର; ତାନି ମାଟେଙ୍ଗ୍ ଝିଜୁ ପବିତ୍ର, ଟିକ୍ ମାରି
ନେଗିକା ।

୧୩ ଆର୍‌ତିଙ୍ଗ୍, ଆମାକା ନେଗିକା, ଆକା ଇନିକା ନା ସାନି ମାଟା
ଆତାମାର୍‌ହାତ୍ ? ଏସାଙ୍ଗ୍ ସିଲେ । ପାପ୍‌ନେ ଆକା କିତାତ୍ । ନେଗି
ନିୟମ୍‌ତିଙ୍ଗ୍ ବ୍ୟବହାର୍ କିଜି ପାପ୍ ନା ସାନିକା ଗଟାକିତାତ୍ ।
ଆବେଶାନ୍ ପାପ୍‌ତି ସତ୍ ରୁପ୍ ତରିତାତ୍ । ଆଦେଙ୍ଗ୍ ନିୟମ୍ ପାପ୍‌ତି
ନାଣ୍ଡ ବୟଙ୍କାରିତିକା ଜାଣାପଡାତାତ୍ ।

ଲୋକ୍ ମନ୍‌ଡୁ ଗାବ୍‌ରା

୧୪ ମାତ୍ ନେସ୍‌ନିକା, ନିୟମ୍ ଆମ୍‌କ ମାଟା । ମାତର୍ ନା ସାତି
ମେନ୍‌ଲ୍ ପାପ୍‌ତି ସାକର୍ ।

୧୫ ନାନୁ ଇନିକା କିନା, ଆକା ନାନୁ ବୁଜାଏ । ଆମାକା କିଦେଙ୍ଗ୍
ଇଜି ନାଙ୍ଗ୍ ବଦା, ଆକା ନାନୁ କିଏ; ମାତର୍ ଆମାକା କାଡ୍‌ନା,
ଆକା‌ନେ କିନା ।

୧୬ ମାତର ଆମାକା କିନା, ଆକା ସତ୍‌ତାନ୍ ନା ବଦା ବିରୁଦ୍‌ତାନ୍
କିଜିମାନିଙ୍ଗ୍, ନିୟମ୍ ଟିକ୍ ଇଜି ନାନୁ ମାନାଜିନା ।

୧୭ ଆଦେଙ୍ଗ୍ ଆୟା ପାଣି ସତ୍‌ତାନ୍ ନାନୁ କିଏ ନା ମୋନ୍ ଲୋଇ
ମାନି ପାପ୍ ନେ ଆକା କିନାତ୍ ।

୧୮ ନାନୁ ନେସ୍‌ନା, ନା ଲୋଇ ମାରି ନା ଲୋକ୍ ଗୁଣ୍ଡୁ ଇଜି ନେଗିକା
ସିଲେଡ୍, ଇରିଙ୍ଗ୍ ନେଗିପାଣି କିଦେଙ୍ଗ୍ ନା ବଦା ମାରିଙ୍ଗ୍ ବା ଆକା
କିଦେଙ୍ଗ୍ ଆବ୍‌ଏଜିନା ।

୧୯ ଆୟାଉଣ୍ଡିଙ୍ଗ୍ ଆମା ନେଗିପାଣି କିଦେଙ୍ଗ୍ ନା ବଦା, ଆକା
କିଏଜିନା ବଦା ବିରୁଦ୍‌ତାନ୍ ଅସତ୍ ପାଣି ନେ କିଜିମାନା ।

୨୦ ନା ବଦା ବିରୁଦ୍ଧତାନ୍ ଆମାକା କିନା, ସତ୍ତାନ୍ ନାନୁ ଆକା କିଏ ନା ଲୋଇ ମାନି ପାପ୍ ନେ ଆକା କିନାତ୍ ।

୨୧ ଇକା ନା ଲୋଇ ଉନ୍ତ୍ରି ନେଗି ପାଣିକିନି ନିୟମ୍ ଇଜି ଅଡ୍ବିନା । ଆମାକା ସଡ୍, ଆକା ନାନୁ କିଦେଇଁ ସନିଞ୍ଜାଲେ, କେବଲ ସଡ୍ସିଲି ପାଣି କିନା ।

୨୨ ମାପୁରୁଦି ନିୟମ୍ତିଙ୍ଗ୍ ମାନାଦେଇଁ ଇଜିନା ବଦା,

୨୩ ମାତର ନା ମନ୍ତୁ ଇୟା ବଦା ବିରୁଦ୍ଧତାନ୍ ନା ମେନ୍ଦଲ୍ତିଙ୍ଗ୍ ୍ସାଲ୍ଲାକିଜିମାନି ନିୟମ୍ ଝିଜୁଦିନ୍ ଜୁଦ୍ କିଜିମାନାତ୍ । ନା ମେନ୍ଦଲ୍ତି ପାଣି କିଜିମାନି ଆୟା ପାପ୍ ପାଣି ନାଙ୍ଗ୍ ୍ତର୍ତା ଇଟ୍ତାମାନାତ୍ ।

୨୪ ଏସା ଝେଡ୍ଡିକାସିଲିକାନ୍ ନାନୁ ! ସାନି ସାରିଦୁ ରେଲ୍ଲି ଅସିମାନି ଇୟା ମେନ୍ଦଲ୍ତି ପାଣିଦାନ୍ ନାଙ୍ଗ୍ ୍ଏନ୍ ରକିୟା କିନାନ୍ ?

୨୫ ମାପୁରୁ ଧନ୍ୟ ଆପିନ୍, ପୁରୁ ଜିସୁ ଜିସୁଦି ମାଣାନ୍ ଇକା ଝାନ୍ କିତାମାନାନ୍ । ଆର୍ଡିଙ୍ଗ୍ ୍, ଇୟାକା ଆଜିନାତ୍ ନା ଇନସ୍ତା । ମାପୁରୁଦି ନିୟମ୍ କେବଲ ନାନୁ ନା ମନ୍ତୁ ମାନାଦେଇଁ ଆଟ୍ନା । ମାତର ନା ଲୋକ୍ ଗୁଣ୍ ନାଙ୍ଗ୍ ୍ପାପ୍ତି ଦାସ୍ ଆଦେଇଁ ୍ଜାସେପେଲ୍ଲା କିଜିନାତ୍ ।

୮

ଆମ୍ବାଦାନ୍ ଜିବନ୍

୧ ଏମେକାର୍ କ୍ରିସ୍ତ ଜିସୁଦି ଝାଲେ ମିସାଜି ଜିନାର୍, ଝାରିଙ୍ଗ୍ ୍ମୌରି ଦଣ୍ଡୁ ସିଲେଡ୍ ।

୨ ପବିତ୍ରଆମ୍ବା ଆମା ନିୟମ୍ତାନ୍ ମାଙ୍ଗ୍ ୍କ୍ରିସ୍ତ ଜିସୁଦି ଝାଲେ ମିସା କିଜି ନିଜେଦି ଜିବନ୍ ସିତାମାନାନ୍, ଆବେଶାନ୍ ମାଡ୍ ପାପ୍ ନି ସାନି ନିୟମ୍ତାନ୍ ମୁକ୍ତାତି ମାନିକା ।

୩ ଇୟା ଲୋକା ଗୁଣ୍ ଝିଜୁ ଲିଡ୍ଲାଡା ଉଣ୍ଡିଙ୍ଗ୍ ୍ମିସା ସିତିମାନି ନିୟମ୍ ଆମାକା କିଦେଇଁ ଆଟ୍ଏତାଡ୍, ମାପୁରୁ ଆକା କିତାମାନାନ୍ । ଲୋକା ଜିବନ୍ତୁ ପାପ୍ତିଙ୍ଗ୍ ୍ନାସ୍ କିଦେଇଁ ୍ଇଜି ଝାନ୍ ନିଜେଦି ମାରିସିଙ୍ଗ୍ ୍ପାପି ଲୋକୁ ଝାଜା ପକ୍ତାନ୍ ମାରି କ୍ରିସ୍ତ ଜିସୁ ପାପ୍ତି ସାକ୍ତି ନାସ୍ କିତାମାନାନ୍ ।

୪ ଆଦେଞ୍ ୦ ଇଲେଇ ମାଡ଼ ଲୋକ୍ ଗୁଣ୍ଡି ଆଡ଼ଗି ତେବାଏଜି ଆମ୍ବାଦି ମାଣାନ୍ ସାଲାଜିନିକା ମାରି ତେନି ମାଣାନ୍ ମାଡ଼ ନିୟମ୍ତି ଟିକ୍ ଦାବି ପୁରା କିଜିନିକା ।

୫ ଏମେକାର୍ ଲୋକ୍ ଗୁଣ୍ ଇସାବତାନ୍ ପାଣି କିଜିମାନାର୍, ଝାରି ମନ୍ ଆୟା ଗୁଣ୍ଡି ଆଡ଼ଗି ତେବାନାଡ଼ । ମାଡ଼ର୍ ଏମେକାର୍ ଆମ୍ବାଦି ମାଟା ଇସାବତାନ୍ ପାଣି କିନାର୍, ଝାରି ମନ୍ ଆମ୍ବାଦାନ୍ ସାଲାନାଡ଼ ।

୬ ଲୋକ୍ ଗୁଣ୍ଡି ଆଡ଼ଗି ତେବାତିଙ୍ ୦, ଦସ୍ ଆନାଡ଼ ସାନିକା; ଆମ୍ବାଦି ଆଡ଼ଗି ତେବାନି ମାଣାନ୍ ଜିବନ୍ ନି ସାନ୍ତି ପୁର୍ନାଡ଼ ।

୭ ନର୍ ଗୁଣ୍ଡି ଆଡ଼ଗି ତେବାନି ମାଣାନ୍ ଲୋକ୍ ମାପୁରୁଦି ସାଡ଼ୁ ଆନାନ୍; ଇରିଙ୍ ୦ ଝାନ୍ ମାପୁରୁଦି ନିୟମ୍ ମାନାଏନ୍ ଝାନ୍ ଆକା କିଦେଙ୍ ୦ ଆର୍ଏନ୍ ।

୮ ଏମେକାର୍ ନର୍ ଗୁଣ୍ ଇସାବତାନ୍ ପାଣି କିନାର୍, ଝାର୍ ମାପୁରୁଙ୍ ୦ ଟିଡ଼ିକା କିଦେଙ୍ ୦ ଆର୍ଏର୍ ।

୯ ଜଦି ସଡ଼ତାନ୍ ମାପୁରୁଦି ପବିତ୍ରଆମ୍ବା ମିବାନ୍ ତେବାନାଡ଼, ମିର୍ ମାରି ନର୍ ଗୁଣ୍ ଇସାବତାନ୍ ଜିଇଦେର୍, ମାଡ଼ର୍ ଜିବନ୍ତୁ ଆମ୍ବାଦି ମାଟା ମାନାଜିନିଦେର୍ । କ୍ରିସ୍ତି ଆମ୍ବା ଆମାଝାନି ଲାକ୍ତୁ ସିଲେଡ଼, ଝାନ୍ ଏସାଙ୍ ୦ ବା ଝାନି ଲୋକ୍ ଆଦେଙ୍ ୦ ଆର୍ଏନ୍ ।

୧୦ ମାଡ଼ର୍ ଜଦି କ୍ରିସ୍ତି ମିବାନ୍ ବାସାଜି ମାନାନ୍, ମି ମେନ୍ଦଲ୍ ପାପୁଡ଼ୁ ନାସ୍ତୁଆଦେଙ୍ ୦ ସିଲ୍ସି ମାରିଙ୍ ୦ ବା, ଆମ୍ବା ମିଙ୍ ଜିବନ୍ ସିନାଡ଼, ଇରିଙ୍ ମାପୁରୁଦି ଲାକ୍ତୁ ମିର୍ ଦାର୍ମୁତିକାର୍ ଆତିମାନିଦେର୍ ।

୧୧ ଜଦି ଜିସୁଙ୍ ସାତି ମାଣାନ୍ ନିକ୍ତିମାନି ମାପୁରୁଦି ଆମ୍ବା ମିବାନ୍ ମାନାଡ଼, ଆର୍ଡିଙ୍ ୦ ଆୟା ଆମ୍ବାଦି ସାକାଦାନ୍ ମାପୁରୁ ମି ସାନି ମେନ୍ଦଲ୍ତିଙ୍ ୦ ବା ଜିବନ୍ କିନାନ୍ ।

୧୨ ଆର୍ଡିଙ୍ ଏ ତଡ଼ାନ୍କୁ ନି ତାଙ୍ କି, ମା ପାଣି ଆଜିନାଡ଼, ନର୍ ଗୁଣ୍ଡି ଇସାବତାନ୍ ଜିଦେଙ୍ କେଏର୍, ଇରିଙ୍ ୦ ଆକା କିଡିଙ୍ ୦ ମିର୍ ସାନିଦେର୍;

୧୩ ମାଡ଼ର୍ ଜଦି ଆମ୍ବାଦି ସାକାଦାନ୍ ନିଜେଦି ମେନ୍ଦଲ୍ତି ପାପ୍ ପାଣିଦିଙ୍ ୦ ନାସ୍ତୁ କିଜି ମାରି ପାପ୍ ପାଣି କିମାର୍, ଆଡିଙ୍ ୦ ମିର୍ ଜିନିଦେର୍ ।

୧୪ ଏମେକାର୍ ମାପୁରୁଦି ଆମ୍ବାଦାନ୍ ସାଲାଜିନାର୍, ଝାର୍ ମାପୁରୁଦି କଡର୍ ।

୧୫ ✠✠ଇରିଙ୍ ମାପୁରୁ ସିତି ଆୟା ଆମ୍ବା ମିଙ୍ ଦାସ୍ତିମାଣାନ୍ ମୁକ୍ତା କିତାମାନାନ୍, ମିର୍ ମାରି ତିଲାନିକା ଜନିକା ସିଲେଡ୍ । ମାତର୍ ଆମ୍ବା ମିଙ୍ ମାପୁରୁଦି କଡର୍ ଆନି ସାରି ସିତାମାନାଡ୍ । ଝାନି ସାକ୍ତି ନେସ୍ସି ମାଡ୍ ଇଲେଇ ମାପୁରୁଙ୍ “ବୁବା” ଇଜି କୁକ୍ସିନିକା ।

୧୬ ମାପୁରୁଦି ଆମ୍ବା ମା ଲୋଇରି ଆମ୍ବାଦି ଝାଲେ ବଲୁ ମିସାକିଜି ମାଙ୍ ମାପୁରୁଦି କଡର୍ ଇଜି ଝେକ୍ସିନାଡ୍ ।

୧୭ ଏୟାଇରିଙ୍ ମାଡ୍ ମାପୁରୁଦି କଡର୍, ଝାନି ଲୋକା ଉଣ୍ଟିଙ୍ ଟିକ୍ ଆସ୍ ବାଦ୍ତୁ ମାଡ୍ ମିସାନିକା । ମାରି କ୍ରିସ୍ତି ଉଣ୍ଟିଙ୍ ମାପୁରୁ ଆମାକା ଉଣ୍ଟା କିଜି ଇଟାମାନାନ୍, ଆବେନ୍ ବା ମା ବାଗ୍ ମାନାଡ୍ । ଜଦି ମାଡ୍ ଜିସ୍ତି ଦୁକ୍ବଗ୍ତି ବାଗ୍ ଆତିମାନିକା, ଆର୍ତିଙ୍ ଝାନି ଗୌରବ୍ତୁ ବା ମିସାନିକା ।

ଝାନିଦିନ୍ତି ଜାୟ

୧୮ ଆମା ଗୌରବ୍ମୟତି ଝାନିଦିନ୍ତି ମାଡ୍ ମିସାନିକା, ଆୟା ଇସାବ୍ତାନ୍ ଇଲେଇ ଦୁକ୍ବଗ୍ ଇନିକା ସିଲେ । ଆୟା ଝେଡାଦୁ ମାପୁରୁ ଝାନି କଡରିଙ୍ ତରନାନ୍ ।

୧୯ ଝିଜୁ ତିଆର୍ ଆତିମାନିକେଙ୍ ଝେଡିକାଦାନ୍ ଆୟା ମାପୁରୁଦି ଦିନ୍ତିଙ୍ କାପ୍କିଜି ତେବାତେମାନେ,

୨୦ ଇରିଙ୍ ତିଆର୍ଆତିମାନି ମାପୁରୁଦି ମାଣାନ୍ ଆନାଦୁରିଆ ପୟ୍ଜି ତାନି ବଦାଦାନ୍ ଝେର୍ଏ ଆତାମାନାଡ୍ । ମାତର୍ ତାନି ଆସା ମାନାଡ୍,

୨୧ ଅରଲେନ୍ ମାପୁରୁଦି କଡରି ଗୌରବ୍ତି ମିସାଜି ଝାଦ୍ ବା ତାନି ନାସ୍ ଆନି ଅବସ୍ତାଦାନ୍ ମୁକ୍ତାଦେଙ୍ ଆର୍ନାନ୍ ।

୨୨ ମାତର୍ ଇୟାସାହି ଝିଜୁ ତିଆର୍ ଜନମ୍ ସିନି କାସ୍ତି ଝିସାମ୍ ଝାଜା ନେସ୍ତେଙ୍ ଆର୍ସିନିକା ।

୨୩ ✠ମାଡ୍ ମାପୁରୁଦି ପାର୍ତୁମ୍ ଦାନ୍ ଝାଜା ପବିତ୍ରଆମ୍ବାଦିଙ୍ ପୟ୍ତିମାନିକା; ଆତିଙ୍ବା ମାପୁରୁଦି ଇଲୁଦିଲୋକ୍ ଝାଜା ଆଜି

✠ ୮:୧୫ ଗାଲାତିୟ ୪:୫-୭.

✠ ୮:୧୫ ମାର୍କ ୧୪:୩୭; ଗାଲାତିୟ ୪:୭.

✠ ୮:୨୩ ୨

କରିକ୍ତିୟ ୫:୨-୪.

ପୁରାଦାନ ମେନ୍ଦଲତି ମୁକ୍ତାଦେଙ୍ଗ୍ ଇତି ମାଡ଼ ବା କାପକିତି ଜିବନ୍ତୁ ଆଡ଼ାବାଜିନାପ୍ ।

୨୪ ଇରିଙ୍ଗ୍ ଆସା ଇଡ଼ନି ମାଣାନ ନେ ମାଡ଼ ରକିୟା ପୟନିକା, ମାତର୍ ଆମାକା ତରନାଡ଼, ଆୟା ଉଣ୍ଡିଙ୍ଗ୍ ଆସା ଇଡ଼ନିକା ସଡ଼ତାନ ଆସା ସିଲେ । ଏନ୍ ଇନିକା ତରନି ବିସୟ ଝିନ୍ତୁ ଉଣ୍ଡିଙ୍ଗ୍ ଆସା କିନାନ ?

୨୫ ମାତର୍ ମାଡ଼ ଜଦି ତରାୟଆଇ ବିସୟ ଉଣ୍ଡିଙ୍ଗ୍ ଆସା କିନିକା, ଆଡ଼ତିଙ୍ଗ୍ ମାଙ୍ଗ୍ ସାସ୍ତାନ କାପକିଦେଙ୍ଗ୍ ପଡ଼ାନାଡ଼ ।

୨୬ ମାରି ମାଡ଼ ସାକିସିଲିକାର୍, ମାତର୍ ପବିତ୍ରଆମ୍ ମାଙ୍ଗ୍ ସାକା କିନାଡ଼, ଏଣ୍ଡେସ୍ ପାର୍ତନା କିଦେଙ୍ଗ୍ ଆନାଡ଼, ଆକା ମାଡ଼ ନେସ୍ଜକା । ଆଦେଙ୍ଗ୍ ପବିତ୍ରଆମ୍ ଝେରତେଙ୍ଗ୍ ଆବ୍ ଗାସାଦାନ ମା ଉଣ୍ଡିଙ୍ଗ୍ ମାପୁରୁଙ୍ଗ୍ ମାଡ଼ିସ୍ କିନାଡ଼ ।

୨୭ ମାପୁରୁ ଆକା ବୁଜାନାନ, ଇରିଙ୍ଗ୍ ଝାନ୍ ମନ୍ ନେସ୍ନିକାନ ମାରି ଆମ୍ ମାପୁରୁଦି ବଦାଦାନ ଝାନି ଲୋକା ଉଣ୍ଡିଙ୍ଗ୍ ମାଡ଼ିସ୍ କିଜିମାନାଡ଼ ।

୨୮ ଏମେକାର ମାପୁରୁଦି ବଦାଦିଙ୍ଗ୍ ପୁରା କିଦେଙ୍ଗ୍ ଇତି କୁକାତାମାନାର୍ ମାରି ମାପୁରୁଙ୍ଗ୍ ଜିବନ୍ନୋନାର୍, ଝାରି ଉଣ୍ଡିଙ୍ଗ୍ ଝିନ୍ତୁ ବିସୟ ନେଗିକା ଆନାଡ଼ ମାପୁ ଇକା ନେସ୍ତାମାନାପ୍ ।

୨୯ ଏମେଝାରିଙ୍ଗ୍ ମାପୁରୁ ବାସେକିତାମାନାନ, ଝାରିଙ୍ଗ୍ ଝାନି ମାରିସିଦି ବମାଝାଜା ଆଦେଙ୍ଗ୍ ଇତି ଆଗ୍ଡିରାନ୍ ତିଆର୍ କିତାମାହ୍ନ । ଆଡିଙ୍ଗ୍, ମାପୁରୁଦି ମାରିସି ଝାରି ତଡ଼ାକାମାନୁ ପାର୍ତୁମତିକାନ ଆନାନ

୩୦ ଏମେକାର ଇୟାଝାଜା ବାସେ ଆଜି କୁକାୟ ଆତାମାନାର୍, ଝାର୍ ମାପୁରୁଦି ଲାକ୍ତୁ ଦାମ୍ପୁତିକାର୍ ଝେଙ୍ଗ୍ ଜି ଗୌରବ୍ତିକାର୍ ଆତାମାନାରି ।

ମାପୁରୁଦି ଜିବନ୍ନୋନିକା

୩୧ ଇୟାଝିନ୍ତୁ ମାଣକୁ ମାରି ଇନିକା ଝେରନିକା ? ମାପୁରୁ ଜଦି ମା ତରିନ୍, ଏନ୍ ମା ବିରୁଦ୍ ଆଦେଙ୍ଗ୍ ଆବ୍ନାନ ?

୩୭ ମାପୁରୁ ଏସାଙ୍ଗି ବା ମା ବିରୁଦ୍ଧ ସିଲେ, ଇରିଙ୍ଗି ଝାନ୍ ନିଜେଦି ମାରିସିଙ୍ଗି ବା ରକିୟା କିଏନ୍‌ଶ୍ୱା ମା ଉଣ୍ଡିଙ୍ଗି ବାନ୍ କିତାମାନାନ୍ । ଆର୍ତିଙ୍ଗି ଝାନ୍ ଇନିକା ମାଙ୍ଗି ଓଁଜୁ ବିସୟଦାନ୍ କିଏନ୍ ନୋ ?

୩୮ ମାପୁରୁଦି ବାସେ ଆତି ଲୋକା ବିରୁଦ୍ଧତାନ୍ ଏନ୍ ଦସ୍ ସିଦେଙ୍ଗି ଆଟ୍‌ନାନ୍ ? ଝାରିଙ୍ଗି ଦସ୍‌ସିଲିକାର୍ ଇଜି ନିଜେ ମାପୁରୁ ଝେରତାମାନାନ୍ ।

୩୯ ଆର୍ତିଙ୍ଗି ଏନ୍ ଝାରିଙ୍ଗି ମାରି ଦସି କିଦେଙ୍ଗି ଆଟ୍‌ନାନ୍ ? କ୍ରିସ୍ତ ଜିସୁ ଆକା ଏସାଙ୍ଗି କିଏନ୍, ଇରିଙ୍ଗି ଝାନ୍ ସାତି ମାଣାନ୍ ନିଙ୍ଗି ଜି ମାପୁରୁଦି ଉଣେରି ତରିନ୍ ବାସ୍‌ତାମାନାନ୍ ଝାନ୍ ମା ଉଣ୍ଡିଙ୍ଗି ପ୍ରାର୍ଥନା କିଜିନାନ୍ ।

୪୦ ଆର୍ତିଙ୍ଗି ଏନ୍ ମାଙ୍ଗି କ୍ରିସ୍ତଦି ଜିବନ୍‌ନି ମାଣାନ୍ ଝେରଏ କିଦେଙ୍ଗି ଆଟ୍‌ନାନ୍ ? ଦୁକ୍, କାସ୍ତୁ ତାଡ୍‌ନା ମାରି କାକୁତ୍, ଏରକି, ବିପଦ୍ ମାରି ସାନିକା, ଏନ୍ ଆକା କିଦେଙ୍ଗି ଆଟ୍‌ଏନ୍ ।

୪୧ ଏଣ୍ଡେସ୍ ସାସ୍ତ୍ରୁ ରାସାତାମାନାଡ୍,
“ମି ଉଣ୍ଡିଙ୍ଗି ମାପ୍ ଓଁଜୁଦିନ୍ ସାନିକା ଝାଜା,
କାତାୟ୍‌ଆଦେଙ୍ଗି ସଲ୍‌ସିମାନି ମେଣ୍ଡାଝାଜା ମାପ୍
ଝେଙ୍ଗିତାମାନାପ୍ ।”

୪୨ ଏନ୍ ମାଙ୍ଗି ଜିବନ୍‌ନୋନାନ୍, ଝାନି ସାକାଦାନ୍ ମାପ୍ ଇୟାଓଁଜୁ ମୁସ୍‌କୁ ଜିଣାତାମାନାପ୍ ।

୪୩ ନାନ୍ତୁ ସଡ୍‌ତାନ୍ ନେସ୍‌ତାମାନା ଜେ ଝାନି ଜିବନ୍‌ନୋନି ମାଣାନ୍ ଏସାଙ୍ଗି ଝେରଏ ଆଏର୍ । ସାନିକା ନୋ ଜିନିକା, ମୁସ୍‌କୁପୁରତି ଦୁଡ୍ ମାରି ମୁସ୍‌କୁପୁରତି ଇନି ପେରିକାଡ୍ ମାରି ସାକ୍ତି, ଇଲେଇ ମାରି ଝାନିଦିନ୍,

୪୪ ମୁସ୍‌କୁରିକା କି ଆଡ୍‌ଗିରି ଇନି ବିସୟ ଓଁଜୁ ତିଆର୍ ଆତିମାନ୍ ଇୟାଝାଜା ଇନି ବିସୟ ସିଲେଡ୍, ଆମାକା ପ୍ରବୁ ଜିସୁ କ୍ରିସ୍ତ ମାଣାନ୍ ତରାତି ମାପୁରୁଦି ଆୟା ଜିବନ୍‌ତାନ୍ ମାଙ୍ଗି ଝେରଏ କିଦେଙ୍ଗି ଆଟ୍‌ଏନ୍ !



ମାପୁରୁ ନି ଝାନି ଲୋକୁ

୧ ନାନୁ ସତ୍ତ୍ୱ ଇଜିନା, କ୍ରିସ୍ତଦି ଆତାମାନାଆକା ନାନୁ ପବିତ୍ର ଆମାଦିଙ୍ଗ୍ ମିସ୍ତ୍ ଝେରୁଏ ।

୨ ନାନୁ ଜେ ଏସା କାସ୍ତୁ ନି ନାଣ୍ତ ଦୁକ୍ତୁ ନା ଜିବନ୍ ଆଡ଼ବାଜିନାଡ଼, ଇୟା ମାଟା ନାନୁ ସାଲାକି କିଜି ଇନ୍ଏ । ପବିତ୍ର ଆମାଦାନ୍ ସାଲାଜି ନା ଜିବନ୍ ତେନି ସାକି ।

୩ ନା ନିଜେଦି ଜିହୁଦି ଜାତିଦି ତଡ଼ାନକା ଉଣ୍ଡିଙ୍ଗ୍ ନାନୁ ନିଜେ କ୍ରିସ୍ତଦି ମାଣାନ୍ ଝେରୁଏ ଆଜି ମାପୁରୁଦି ମାଣାନ୍ ଆନାଦୁରିଆ ଆନି ଉଣ୍ଡିଙ୍ଗ୍ ନାନୁ ବଦା କିଜିନା ।

୪ ଇରିଙ୍ଗ୍ ୱାଋ ମାପୁରୁଦି ଲୋକୁ । ମାପୁରୁ ଝାରିଙ୍ଗ୍ ନିଜେଦି କଡ଼ରି ଝାଜା ଆସସି ଝାରି ଲାକ୍ତୁ ନିଜେଦି ମହିମା ତରତାମାର୍ହାନ୍; ଝାରି ଝାଲେ ମାଟା ଇଡ଼ଜି ଝାରିଙ୍ଗ୍ ନିୟମ୍ ସିତାମାର୍ହାନ୍, ଝାର୍ ସତ୍ତ୍ୱତାନ୍ ଉପାସନା କିନାର୍; ଝାର୍ ମାପୁରୁଦିମାଣାନ୍ ମାଟେଙ୍ଗ୍ ପୟତାମାନାର୍,

୫ ମା ଝେଙ୍ଗ୍ ଡି ଜିହୁଦି ତକ୍ରାଦାଦାରି ଝାର୍ କୁଟୁମ୍ବିକାର୍ ମାରି ଲୋକ୍ ଝାଜା କ୍ରିସ୍ତ ଆୟା କୁଟୁମ୍ବତାନ୍ ଜନମ୍ । ଆୟା ଝିଜେରିଙ୍ଗ୍ ସାସନକିନି ମାପୁରୁ ଜୁର୍ ଜୁର୍ ଦନ୍ୟ ଆପିନ୍ । ଆମେନ୍ ।

୬ ମାପୁରୁଦି ପାର୍ମାଣ୍ ଆରାତାମାନାଡ଼ ଇଜି ନାନୁ ଇନ୍ଏ, ଇରିଙ୍ଗ୍ ଇସ୍ରାଏଲ୍ ଲୋକୁ ଝିଜେରେ ମାପୁରୁଦି ଲୋକୁ ଆଏର୍,

୭ ମାରି ଅବ୍ରାହାମଡି କୁଟୁମ୍ବିକାର୍ ଝିଜେରେ ମାପୁରୁଦି କଡ଼ର୍ ସିଲେ । ମାପୁରୁ ଅବ୍ରାହାମଡିଙ୍ଗ୍ ଇର୍ହାମାର୍ହାନ୍, “ନି ଆମା କୁଟୁମ୍ବିରି ବିସୟତାନ୍ ମାପ୍ ପାର୍ମାଣ୍ କିତାମାର୍ହାପ୍, ଝାର୍ ଇସ୍ରାଏଲ୍ମାଣାନ୍ ଜନମ୍ ଆନାର୍ ।”

୮ ତେନି ଅର୍ଡ ଆଜିନାଡ଼, ଲୋକୁ ଆତିମାନିଙ୍ଗ୍ ମାପୁରୁଦି କଡ଼ର୍ ଆଦେଙ୍ଗ୍ ଆର୍ଏର୍ । ମାପୁରୁଦି ପାର୍ମାଣ୍ ଇସାବ୍ତାନ୍ ଜନମ୍ ଆତିମାନି କଡ଼ର୍ ମାପୁରୁଦି ଆଗ୍ଡି ସତ୍ତ୍ୱତାନ୍ କଡ଼ ଝାଜା ଝେଙ୍ଗ୍ ନାର୍ ।

୯ ମାପୁରୁ ଇୟା ପାର୍ମାଣ୍ କିତାମାର୍ହାନ୍, “ଟିକ୍ ଇୟା କାଡ଼ାଦୁ ମାପ୍ ଡେସି ଝାନାପ୍, ନାସିଝାଲେ ସାରା କଡ଼ ପୟନା ମାନାଡ଼ ।”

୧୦ କେବଲ ଇୟାଝାଜା ସିଲେ । ରିବିକାଦି ରିଏର୍ କଡ଼ର୍ ଅରେନ୍ ବୁବା ଇସ୍ରାଏଲ୍ମାଣାନ୍ ଜନମ୍ ଆତାମାର୍ହାନ୍,

୧୧ ଏସ୍ତ୍ରାଈଲେ କଡ଼ର ଜନମ୍ ଆଏର ମାର୍ହାର, ମାରି ନେଗିକା ନି ସେଇକା ଇନିକା କିଏର ମାର୍ହାର, ନାସ୍ତ୍ରାଈଲେ ପାଣି ଉଣ୍ଡିଙ୍ଗ୍ ସିଲେ, ମାତର କୁକ୍ତିମାନି ଖାନି ବଦା ଉଣ୍ଡିଙ୍ଗ୍ ବାସେକିତି ଇସାବତାନ ମାପୁରୁଦି ଉଦେସ୍ ଏଣ୍ଡେସ୍ ତିର ତେବାନାଡ଼,

୧୨ ଇୟାଉଣ୍ଡିଙ୍ଗ୍ ଇୟା ମାଟା ଖାନିଙ୍ଗ୍ ଇନାୟ ଆତାମାର୍ହାଡ଼, “ପେରି ତଡ଼ାନ ଇସ୍ତ୍ରାଈନିଙ୍ଗ୍ ସେବା କିନାନ୍ ।”

୧୩ ଏଣ୍ଡେସ୍ ରାସାତାମାନାଡ଼, “ଜାକୁବଙ୍ଗ୍ ମାପ୍ ଜିବନ୍ନୋତାପ୍, ମାତର ଏସୌଙ୍ଗ୍ କାଡ଼ିତାପ୍ ।”

୧୪ ଆରତିଙ୍ଗ୍ ମାଡ଼ ଇନିକା ଇନାଟ୍ ? ମାପୁରୁମାନୁ ଇନି ଅନ୍ୟାୟ ମାନାଡ଼ ? ଆକା ଏସାଙ୍ଗ୍ ବା ସିଲେ ।

୧୫ ଇରିଙ୍ଗ୍ ଖାନ ମୋସାଦିଙ୍ଗ୍ ଇର୍ହାମାର୍ହାନ୍, ଆମାଖାନି ମୁସକୁ ମା ଦୟା ମାନାଡ଼, ଖାନିଙ୍ଗ୍ ମାପ୍ ଦୟା କିନାପ୍, ମାରି ଆମାଖାନି ମୁସକୁ ମା ଦୟା ମାନାଡ଼, ଖାନିଙ୍ଗ୍ ମାପ୍ ଦୟା କିନାପ୍ ।

୧୬ ଆଦେଙ୍ଗ୍ ଏନ୍ ବଦା କିନାନ୍ ମାରି ଏନ୍ ପାଣି କିନାନ୍, ଖାନି ମାଣାନ୍ ଇକା ଆଏଡ଼, ମାତର ମାପୁରୁଦି ଦୟାଦାନ୍ ଆନାଡ଼ ।

୧୭ ଦାର୍ମୁସାସ୍ତ ଇସାବତାନ ମାପୁରୁ ମିସ୍ବତି ରାଜେଙ୍ଗ୍ ଇର୍ହାମାର୍ହାନ୍, “ନି ମାଣାନ୍ ମା ସାକ୍ତି ତରତେଙ୍ଗ୍ ଇଜି ମାରି ଖିଜୁ ଦୁନିଆଦୁ ମା ମହିମା ତରତେଙ୍ଗ୍ ଇଜି ମାପ୍ ନିଙ୍ଗ୍ ରାଜା କିତାମାନାପ୍ ।”

୧୮ ଆଦେଙ୍ଗ୍, ମାପୁରୁ ଆମାଖାନିଙ୍ଗ୍ ବଦା କିନାନ୍, ଖାନିଙ୍ଗ୍ ଦୟା କିନାନ୍, ମାରି ଆମାଖାନିଙ୍ଗ୍ ବଦା କିନାନ୍, ଖାନିଙ୍ଗ୍ ଆଟ୍‌ଖା ଲୋକ୍ କିନାନ୍ ।

ମାପୁରୁଦି ରିସା ନି ଦୟା

୧୯ ମି ଲୋଇ ଏନ୍ ନାଙ୍ଗ୍ ଇନ୍‌ଡ୍ରେଙ୍ଗ୍ ଆଟ୍‌ନାନ୍ ? “ଆରତିଙ୍ଗ୍ ମାପୁରୁ ଏନ୍ଦା ଏଙ୍ଗ୍ ଦସି କିନାନ୍ ? ଏନ୍ ଇନିକା ମାପୁରୁଦି ବଦା ବିରୁଦ୍‌ତାନ ଇନିକା କିଦେଙ୍ଗ୍ ଆଟ୍‌ନାନ୍ ?”

୨୦ ମାତର ବନ୍ଧୁ, ମାପୁରୁଦି ମାଟାଦୁ ଡେସି ଖାରଗିଦେଙ୍ଗ୍ ନିନ୍ଦୁ ଏନ୍ ? “ନାଙ୍ଗ୍ ଇୟାଖାଜା ଏନ୍ଦା ରସ୍ତି” ଇଜି ସାଟି କୁମାରତିଙ୍ଗ୍ ଖେନ୍‌ବାଦେଙ୍ଗ୍ ଆଟ୍‌ଏଡ଼ ।

୨୧ ସିକ୍‌ଲାଦିଙ୍ଗ୍ ନିଜେ ବଦା ଇସାବତାନ ବ୍ୟବହାର କିଜି ସାତି ରସ୍‌ତେଙ୍ଗ୍ ଇଜି କୁମାରତି ପୁରା ଅଦିକାର ମାନାତ୍ । ଇକା ସିକ୍‌ଲା ଗୁଡ଼ିଦାନ ଖାନ ରୁଣ୍ଡି ରକମତି ସାତି ରସ୍‌ତେଙ୍ଗ୍ ଆବନାନ, ଉଣ୍ଡି ବିସେସ୍ ଦିନକାଙ୍ଗ୍ ନି ମାରି ଉଣ୍ଡି ଇସି ପାଣିଦୁ ବ୍ୟବହାର ଆଦେଙ୍ଗ୍ ଇଜି ।

୨୨ ମାପୁରୁ ବା ଟିକ୍ ଆୟାଞ୍ଜାଜା କିତାମାନାନ । ଖାନ ବଦାକିଜିମାର୍ହାନ ଖାନି ରିସା ତରତେଙ୍ଗ୍ ମାରି ବପୁ ତରତେଙ୍ଗ୍ । ମାତର ଏମେକାର ଖାନି ରିସାଦି ଲୋକୁ ଆଜି ନାଷ୍ଟ ଆନିକାମାର୍ହାତ୍, ଖାରି ଉଣ୍ଡିଙ୍ଗ୍ ମାପୁରୁ ନାଣ୍ଡ ସାସ୍‌ଆସ୍‌ସି ଦୟା କିତାନ ।

୨୩ ମାରି ଖାନ ଖାନି ନାଣ୍ଡ ଗୌରବ୍ ତରତେଙ୍ଗ୍ ଇଜି ମାଙ୍ଗ୍ ବିସେସ୍ ଦୟାଦି ଲୋକ୍ ଖାଜା ଆଗୁଡ଼ିରାନ ବାସେକିତା ମାର୍ହାନ ।

୨୪ ଆୟାଉଣ୍ଡିଙ୍ଗ୍ ତୋ ଖାନ କେବଲ ଜିହୁଦିଲୋକା ମାଣାନ ସିଲେ, ମାତର ଅଣଜିହୁଦି ମାଣାନ ବା ମାଙ୍ଗ୍ କୁକ୍‌ତାମାନାନ ।

୨୫ ଇୟା ବିସୟତାନ ହୋସେୟ ବଇଦୁ ମାପୁରୁ ଇର୍ହାମାନାନ :
“ଏମେକାର ମା ଲୋକୁ ସିଲେତାର;

ଝାରିଙ୍ଗ୍ ନିଜେଦି ଲୋକୁ ଖାଜା କୁକ୍‌ନାପ୍ ।

ଏମେ ଜାତିଦିଙ୍ଗ୍ ମାପ୍ ଜିବନ୍‌ନୋଏପ୍ ମାର୍ହାପ୍,

ଝାରିଙ୍ଗ୍ ମା ଲାଡ଼ତିକାନ ଇଜି କୁକ୍‌ନାପ୍ ।

୨୬ ଏମେ ବାଡ଼ିଦୁ ଝାରିଙ୍ଗ୍ ଇର୍ହାମାର୍ହାପ୍, ‘ମିର୍ ମା ଲୋକୁ ଆଇଦେର୍,’

ଆବେ ଖାର ଜିବନ୍‌ମାନି ମାପୁରୁଦି କଡ଼ର୍ ଇଜି ଦର୍ପୟନାର୍ ।”

୨୭ ମାରି ଇସ୍ରାଏଲ୍ ବିସୟତାନ ଜିସାଇୟ ଇର୍ହାମାନାନ, “ଜିଦିବା ଇସ୍ରାଏଲ୍‌ତିକାର ସାମଦୁରତି ବାଲି ଖାଜା ଆତିଙ୍ଗ୍‌ବା, ଖାରି ଲୋଇ ଉଣା ଏସ ମାତର ରକିୟା ପୟନାର୍ ।

୨୮ ଇରିଙ୍ଗ୍ ପ୍ରବୁ ପୁରା ଦାପ୍ରେ ଦୁନିଆଦୁ ପୁରା ନ୍ୟାୟ ବିଚାର କିନାନ ।”

୨୯ ଏଣ୍ଡେସ୍ ଜିସାଇୟ ମାରି ବା ଇର୍ହାମାର୍ହାନ, “ପେରିମାପୁରୁ ପ୍ରବୁ ମା ଏସ ଲୋକା କୁଡ଼ାଦିଝାରିଙ୍ଗ୍ ରକିୟା କିଏନ୍ ମାର୍ହାନ, ମା ଅବସ୍ତା ସଦମ୍ ଗମୋରାଦି ଲୋକାଖାଜା ଆତାଡ଼ମାନ୍ତି ।”

ଇସ୍ରାଏଲ୍ ଉଣ୍ଡିଙ୍ଗ୍ ପାଉଲ୍‌ଟି ପାର୍ତନା

୩୦ ଆଦେଙ୍ଗ୍ ଅଣ୍ଡିହୁଦି ଲୋକା ବିସୟତାନ୍ ଇକା ଇନ୍‌ଡ୍ରେଙ୍ଗ୍ ଆର୍‌ନିକା, ଖାର୍ ଦାର୍ମୁତିକାର୍ ଆଦେଙ୍ଗ୍ ସେଷ୍ଟା କିଏଜିମାର୍‌ହାର୍, ମାତର୍ ଖାରି ବିସ୍‌ବାସ୍ ଉଣ୍ଡିଙ୍ଗ୍ ଦାର୍ମୁତିକାର୍ ଇଜି ଝେଙ୍ଗ୍ ତାମାନାର୍ ।

୩୧ ମାତର୍ ଇସ୍ରାଏଲ୍ ଦାର୍ମୁଦି ଲୋକୁ ନିୟମ୍‌ତାନ୍ ଦାର୍ମୁତିକାର୍ ଆଦେଙ୍ଗ୍ ଇଜି ସେଷ୍ଟା କିଜି ଆରାତା ମାନାର୍ ।

୩୨ ଏନ୍‌ ସିଲେ ? ଖାର୍ ନିଜେଦି ସେଷ୍ଟାଦି ମୁସ୍‌କୁ ଆସା କିଜିମାର୍‌ହାର୍, ବିସ୍‌ବାସ୍ ମୁସ୍‌କୁ ସିଲେ । ଆୟାଉଣ୍ଡିଙ୍ଗ୍ ଖାର୍ ବାଦା ସିଜିମାନି କାଲୁଦୁ ତୁକାୟ୍‌ଆଜି ତାକାତାର୍ ।

୩୩ ଏଣ୍ଡେସ୍ ସାସ୍ତ୍ରୁ ରାସାତାମାନାଡ୍ :

“ସୁଡ୍‌ହୁ, ନାନ୍‌ ସିୟୋନ‌ହୁ ଉନ୍‌ଣ୍ଡି କାଲୁ ମାରି ଉନ୍‌ଡ୍ରି ପେରିକାଲୁ ତିଆର୍ କିତାମାନାୟ୍ ।

ଆବେନ୍‌ ତୁକାୟ୍‌ ଆଜି ଲୋକୁ ତାକାୟ୍‌ ଆନାର୍, ମାତର୍ ଏନ୍‌ ଖାନିମାନ୍‌ ବିସ୍‌ବାସ୍ କିନାନ୍, ଖାନ୍ ନିରାସ୍ ଆଏନ୍ ।”

୧୦

୧ ନା ତଡ୍‌ନକୁ, ନି ତାଙ୍ଗିକ୍ ନିଜେ ଜାତିଦି ଲୋକୁ ରକିୟା ପାଏଆପିର୍, ଇକା ନା ଜିବନ୍‌ତି ବଦା ମାରି ମାପୁରୁମାନ୍‌ ଇକା ନା ପାର୍ତନା ।

୨ ମାପୁରୁ ଉଣ୍ଡିଙ୍ଗ୍ ଖାରି ନାଣ୍ଡ ତିଲାନିକା ମାନାଡ୍, ମାତର୍ ଆୟା ମାନାନିକା ସଡ୍ ସାକିୟ୍ ମୁସ୍‌କୁ ସିଲେଡ୍ ।

୩ ଲୋକାଙ୍ଗ୍ ଦାର୍ମୁତିକାର୍ ଖାଜା ମାନାଦେଙ୍ଗ୍ ଇଜି ମାପୁରୁ କିତି ଉପାୟ୍ ମାନାଏଜି ଖାର୍ ଦାର୍ମୁତିକାର୍ ଆଦେଙ୍ଗ୍ ନିଜେଦି ସାରିଦୁ ବୁଲାତାମାନାର୍ । ଆଦେଙ୍ଗ୍ ଖାର୍ ମାପୁରୁଦି ଆୟା ସାରି ତ୍ରିସ୍‌ତା ସିତାମାନାର୍ ।

୪ କ୍ରିସ୍‌ତେ ନିୟମ୍‌ତି ସାରାସାରି, କେବଲ୍ ଖାନିମାନ୍‌ ବିସ୍‌ବାସ୍ କିନିମାଣାନ୍ ଲୋକ୍ ମାପୁରୁଦି ଲାକ୍‌ହୁ ଦାର୍ମୁତିକାର୍ ଆନାର୍ ।

ଓଜେରି ଉଣ୍ଡିଙ୍ଗ୍ ରକିୟା

୫ ଏମେକାର ନିୟମ୍ ମାନାନି ମାଣାନ ଦାର୍ମୁତିକାନ ଆନି ବିସୟତାନ ମୋସା ରାସ୍ତାମାନାନ : “ଏମେକାର ମାପୁରୁଦି ମାଟା ମାନାନାର, ଝାର ଜିନାର ।”

୬ ମାତର ବିସ୍ବାସ୍ତାନ ଦାର୍ମୁତିକାନ ଇଜି ଝେଙ୍ଗୁଁତି ବିସୟତାନ ସାସ୍ତ୍ରୁ ରାସ୍ତାମାନାଡ଼, “ଏନ୍ ମୁସ୍ବକୁପୁରୁତୁ ସନାନ ? କ୍ରିସ୍ତଙ୍ଗ ରେପ୍ସି ତାନି ଉଣ୍ଡିଙ୍ଗ, ଇୟାଝାଜା ପୁସ୍ତ କିନି ଦରକାର ସିଲେଡ଼

୭ ମାରି ଏନ୍ ପାତାଲୁତୁ ସନାନ ? କ୍ରିସ୍ତଦିଙ୍ଗ ମାରିଡେସି ଜିବନ୍‌କିଜି ତାନି ଉଣ୍ଡିଙ୍ଗ, ଇୟା ମାଟା ବା ମିର୍ ଝେନ୍‌ବାନିକା ଦରକାର ସିଲେ ।”

୮ ଇରିଙ୍ଗ ସାସ୍ତ୍ର ଇସାବ୍‌ତାନ, “ମାପୁରୁଦି କାବୁର୍ ମି ଲାକ୍‌ତୁ, ମି ଝେୟୁଦୁ ନି ଜିବନ୍‌ତୁ ମାନାଡ଼ ।” ବିସ୍ବାସ୍ ବିସୟତାନ ଇୟା କାବୁର୍ ନେ ମାପ୍ ପ୍ରଚାର କିଜିନାପ୍ ।

୯ ଜଦି ଜିସୁଙ୍ଗୁଁ ପ୍ରବୁ ଇଜି ଝେୟୁଦୁ ମାନାନିଦେର୍ ମାରି ମାପୁରୁ ଝାନିଙ୍ଗୁଁ ସାତିମାଣାନ ନିକ୍ତାମାନାନ ଇଜି ଜିବନ୍‌ତୁ ବିସ୍ବାସ୍ କିନିଦେର୍, ଆର୍ତିଙ୍ଗୁଁ, ମିର୍ ରକିୟା ପୟନିଦେର୍ ।

୧୦ ମାତର ବିସ୍ବାସ୍ତାନ ମାଡ଼ ମାପୁରୁଦି ଲାକ୍‌ତୁ ଦାର୍ମୁତିକାର ଇଜି ଝେଙ୍ଗୁଁଦେଙ୍ଗୁଁ ଆର୍ଟିନିକା ମାରି ଝେୟୁଦୁ ମାନାନି ମାଣାନ ମାଡ଼ ରକିୟା ପୟଦେଙ୍ଗୁଁ ଆର୍ଟିନିକା ।

୧୧ ଦାର୍ମୁସାସ୍ତ୍ର ଇନାଡ଼, “ଏମେକାର ଝାନିମାନୁ ବିସ୍ବାସ୍ କିନାର, ଝାର ନିରାସ୍ ଆଏର୍ ।”

୧୨ ଇରିଙ୍ଗ ଜିହୁଦିଲୋକୁ ନି ଅଣଜିହୁଦି ଲୋକା ଲୋଇ ଇନିକା ଝେର୍‌ଏ ସିଲେଡ଼; ଆଦେଙ୍ଗୁଁ ଝିଜେରି ଅରେନ୍ ପ୍ରବୁ, ଏମେକାର ଝାନି ସାକା ପାର୍ତନା କିନାର, ଝାରିଙ୍ଗୁଁ ଝାନ ନାଣ୍ଡ ଆସ୍ ବାଦ୍ କିନାନ ।

୧୩ “ଏନ୍ ପ୍ରବୁଦି ଦରତାନ ପାର୍ତନା କିନାନ, ଝାନ ରକିୟା ପୟନାନ ।”

୧୪ ମାତର ଝାନିମାନୁ ବିସ୍ବାସ୍ କିଏନ୍‌ଣ୍ଡା ଝାର ଏଣ୍ଡେସ୍ ଝାନିଙ୍ଗୁଁ ପାର୍ତନା କିନାର ? ମାରି ଝାନି ବିସୟତାନ ସୁସମାଚାର ଝେନ୍‌ଏଜି ଝାର ଏଣ୍ଡେସ୍ ବିସ୍ବାସ୍ କିନାର ?

୧୫ ମାରି ପ୍ରଚାର କିଦେଙ୍ଗୁଁ ଇଜି ପକାୟଆଏତିଙ୍ଗୁଁ ଅରେନ୍ ପ୍ରଚାର ଏଣ୍ଡେସ୍ କିନାନ ? ଇୟା ବିସୟତାନ ସାସ୍ତ୍ରୁ ରାସ୍ତାମାନାଡ଼,

“ନେଟି ସୁସମାଚାର ପ୍ରଚାରକିନିଝାରି ଝାରି ଏସା ଝେଡ଼ିକା !”

୧୭ ମାତର ଝିଜେରେ ଆୟା ସୁସମାଚାର ମାନାଏର । ଆୟାଉଣ୍ଡିଙ୍ଗ ଜିସାଇୟ ରାସ୍ତାମାନାନ୍, “ଏ ପ୍ରବୁ, ଏନ୍ ମା ନେଟିକାବୁର୍ ମାଟା ବିସ୍ବାସ୍ କିତାମାନାନ୍ ?”

୧୮ ସୁସମାଚାର ଝେନି ମାଣାନ୍ ବିସ୍ବାସ୍ ଜନମ୍ ଆନାତ୍ ମାରି କ୍ରିସ୍ତଙ୍ଗ୍ ପ୍ରଚାର କିନିକା ନେ ଆୟା ସୁସମାଚାର ।

୧୯ ମାତର ନାନୁ ଝେନ୍‌ବାନା, ଝାର୍ ଜନିକା ଆୟା ମାଟା ଝେନ୍‌ଏର୍ ? ସତେନେ ଝେର୍‌ଆମାନାର୍, ଇରିଙ୍ଗ୍ ଝାସ୍ତୁ ରାସ୍ତାମାନାତ୍,

“ଝାରି ବଲ୍ ଦୁନିଆ ଝିଜୁ ଝେଙ୍ଗ୍ ତା ସର୍ହାମାନାତ୍,

ଝାରି ମାଟା ଦୁନିଆଦି ଇତି ସାନ୍ତି ଝେନାୟ ଆତାମାନାତ୍ ।”

୨୦ ମାରିଡେସି ନାନୁ ଝେନ୍‌ବାନା, ଇସ୍ରାଏଲ୍ ଲୋକୁ ଜନିକା ଆକା ବୁଜାଏତାର ନୋ ? ଝାର୍ ବୁଜାତାର ନାଣ୍ ଆଗ୍ଡିରାନ୍ ମୋସା ତେନି ଉତର ସିଜି ରାସ୍ତାମାନାନ୍ :

“ମା ଲୋକାଙ୍ଗ୍ ରିସା କିବିସ୍ କିଦେଙ୍ଗ୍ ଇଜି

ଉନ୍‌ଣ୍ ନେସ୍‌ଇ ଜାତିଦିଙ୍ଗ୍ ବ୍ୟବହାର୍ କିନାପ୍ ।

ଆୟାଝାଜା ଉନ୍‌ଣ୍ ବୁଦିସିଲି ଜାତିଦାନ

ଝାରିଙ୍ଗ୍ ରିସା କିବିସ୍ କିନାନ୍ ।”

୨୧ ଜିସାଇୟ ମାରି ସାସ୍ତାନ ଇର୍ହାମାନାନ୍,

“ମାଙ୍ଗ୍ ପୟ୍‌ଏଜିମାନି ଲୋକୁ ମାଙ୍ଗ୍ ପୟ୍‌ତାର୍;

ଏମେକାର୍ ମାଙ୍ଗ୍ ପୟ୍‌ଏଜିମାର୍ହାର୍, ଝାରି ଲାକ୍‌ତୁ ମାପ୍
ତରଆୟଆତାପ୍ ।”

୨୨ ମାତର ମାପୁରୁ ଇସ୍ରାଏଲ୍‌ତି ଲୋକା ବିସ୍ତୟତାନ୍ ଝାନ୍ ରାସ୍ତାମାନାନ୍, “ଉନ୍‌ଣ୍ ମାନାଇ ଜାଟିକିନି ଜାତିଦିଙ୍ଗ୍ ମାପ୍ ଝିଜୁଦିନ୍ କିୟୁ ସାର୍‌ପସି କୁକ୍‌ତାମାନାପ୍ ।”

୧୧

ଇସ୍ରାଏଲ୍‌ତି ଲୋକା ଉଣ୍ଡିଙ୍ଗ୍ ମାପୁରୁଦି ଦୟା

୧ ନାନୁ ମାରି ଝେନ୍‌ବାଦେଙ୍ଗ୍ ଆର୍‌ନା, ଆର୍‌ତିଙ୍ଗ୍ ଜନିକା ମାପୁରୁ ଝାନି ନିଜେଦି ଲୋକାଙ୍ଗ୍ ଟିସ୍‌ତାମାନାନ୍ ? ଏସାଙ୍ଗ୍ ସିଲେ ! ନାନୁ

ନିଜେ ଅରେନ୍ ଇସ୍ରାଏଲ ଲୋକ୍, ଅବ୍ରାହାମତି କୁଟୁମ୍ ମାରି ବିନ୍ୟାମିନ୍
ଇଲୁଦାନ୍ ଜନମ୍ ଆତାମାନା ।

୨ ମାପୁରୁ ଆଗ୍ତିରାନ୍ ବାସେକିତିମାନି ଖାନି ଲୋକାଙ୍ଗ୍
ଏସାଙ୍ଗ୍ ବା ଡିସ୍ ଏନ୍ । ମିର୍ ଦାମ୍ବୁସାସ୍ତ୍ର ପଡାତିମାନିଦେର୍ ଏଣ୍ଡେସ୍
ଏଲିୟ ମାପୁରୁ ଲାକ୍ତୁ ଇସ୍ରାଏଲ ଲୋକା ବିରୁଦ୍ଧତାନ୍ ଇର୍ହାମାର୍ହାନ୍ :

୩ “ପ୍ରବୁ ଖାର୍ ଖାରି ବାବବାଦିରିଙ୍ଗ୍ ଡାକ୍ତା ମାନାର୍ ମାରି
ମି ପୁଜାବେଦିଙ୍ଗ୍ ଖିଜୁ ରୁକ୍ସି ନାସ୍ତୁ କିତାମାନାର୍ । କେବଲ
ନାନ୍ ଅରେନ୍ ମାତର୍ ରକିୟା ପୟ୍ତାମାନା; ନାଙ୍ଗ୍ ବା ଡାକ୍ସୋ
ପକ୍ତେଙ୍ଗ୍ ଖାର୍ ସେସ୍ତୁ କିଜିନାର୍ ।”

୪ ମାପୁରୁ ଇନିକା ଇର୍ହାମାର୍ହାନ୍ ଏଲିୟଙ୍ଗ୍ ? “ମିର୍ ଦିୟାମ୍ ବାଲ୍
ବମାଦିଙ୍ଗ୍ ପୁଜା କିଜି ମାନି ସାତ୍ ହାଜାର୍ ଲୋକାଙ୍ଗ୍ ମା ଉଣ୍ଡିଙ୍ଗ୍
ଇଟାମାନାୟ ।”

୫ ଇଲେଇ ଟିକ୍ ଆୟାଖାଜା ଗଟାତାତ୍ । ମାପୁରୁ ଦୟା କିଜି
ଏମେଝାରିଙ୍ଗ୍ ବାସେକିତା ମାର୍ହାନ୍, ଖାରି ଲୋଇ ଏସଲୋକ୍ ବାକି
ମାନାର୍ ।

୬ ମାପୁରୁ ଖାରିଙ୍ଗ୍ ବାସେକିତାମାନାନ୍ ନିଜେଦି ଦୟା ଉଣ୍ଡିଙ୍ଗ୍ ।
ଜଦି ଖାରି ସତ୍ପାଣି ଉଣ୍ଡିଙ୍ଗ୍ ମାପୁରୁ ଖାରିଙ୍ଗ୍ ବାସେ କିତାନ୍ମାନ୍,
ଖାନି ଦୟା ସତ୍ତାନ୍ ଦୟା ଆଏତାତ୍ମାନ୍ ।

୭ ଆର୍ତିଙ୍ଗ୍ ଇନିକା ଆତାତ୍ ? ଇସ୍ରାଏଲ ଲୋକ୍ ଆମାକା
ପୟ୍ତାମାର୍ହାନ୍, ଆକା ପୟ୍ତାତାତ୍ । କେବଲ ମାପୁରୁ ବାସେକିତିମାନି
ଉନ୍ଡି ନିସ୍ତି ଦଲ୍ ଖାନିଙ୍ଗ୍ ପୟ୍ତାତାତ୍ । ଆଇ ଏନ୍ ମାପୁରୁଦି କୁକ୍ତି
ଉଣ୍ଡିଙ୍ଗ୍ ମନ୍ ସିଏତାତ୍ ।

୮ ଏଣ୍ଡେସ୍ ସାସ୍ତ୍ର ଇନାନ୍, “ସତେ ଏଣ୍ଡେସ୍ ମାପୁରୁ ଖାରି ମନ୍ ନି
ଜିବନ୍ତିଙ୍ଗ୍ ଆରୁଖା କିତାମାନାନ୍ । ଇୟାସାନ୍ ଖାର୍ ସୁଡ୍ଦେଙ୍ଗ୍
ଆର୍ନାର୍ ନ ଖେନ୍ତେଙ୍ଗ୍ ଆର୍ସିନାର୍ ।”

୯ ମାରି ଦାଉଦ ଇନାନ୍,

“ଖାର୍ ବଜି କିନିଖାଲେ ଉରିଦୁ ସେରଜି ।

ଆର୍ଜି ଦଣ୍ଡୁ ବଗାପିର୍ ।

୧୦ ଖାର୍ କାଣ୍ଡୁ କାଣା ଆଜି ଇନିକା ସୁଡ୍ଦେଙ୍ଗ୍ ଆର୍ମାପିର୍ ।

ଓଁ ଖୁଦାଲେ ଦୁଇ କାସ୍ତୁ ବଗାଜି ବଗାଜି ଖାରି ଜୁକି କୁବଡ଼ା ଆପିଡ଼
 ୧୧

୧୧ ନାନୁ ଖେନ୍‌ବାନା, ଜିହୁଦିଲୋକୁ ତାକାନି ମାଣାନ୍ ଇନିକା ନାସ୍ତୁ
 ଆତାର ? ଏସାଙ୍ଗ୍ ସିଲେ । ପାପ୍ କିତାର୍‌ଆକା, ଖାରିଙ୍ଗ୍ ଚିସା
 କିଦେଙ୍ଗ୍ ଇଜି ଅଣଜିହୁଦି ଲୋକାଙ୍ଗ୍ ଚିକିୟାଦି ଅଦିକାରି କିଆୟ୍
 ଆତାର ।

୧୨ ଜିହୁଦିଲୋକା ପାପ୍, ଦୁନିଆଦି ଆଇ ଓଁଜେରି ଉଣ୍ଡିଙ୍ଗ୍
 ନାଣ୍ଡୁ ଆସ୍ ବାଦ୍ ତାତାମାନାଡ଼ । ଜିହୁଦିଲୋକା ଆମ୍ବିକ ଜିବନ୍‌ତି
 କାକ୍ତୁଟ୍ ଉଣ୍ଡିଙ୍ଗ୍ ଅଣଜିହୁଦି ଲୋକୁ ଆସ୍ ବାଦ୍‌ତି ନାଣ୍ଡୁ ଲାବ୍
 କିତାମାନାର୍ । ଜଦି ଓଁଜେରେ ଜିହୁଦି ଜାତି ରକିୟା ପୟ୍‌ଦେଙ୍ଗ୍
 ଆବ୍‌ତାର୍‌ମାନ୍, ଆତିଙ୍ଗ୍ ଆବେଶାନ୍ ମାରି ଏସା ନାଣ୍ଡୁ ଆସ୍ ବାଦ୍
 ପୁରାଏଡ଼ ନୋ ?

ଅଣଜିହୁଦି ଲୋକା ରକିୟା

୧୩ ଅଣଜିହୁଦି ଲୋକାଙ୍ଗ୍ ନାନୁ ଇଜିନା, ମି ଉଣ୍ଡିଙ୍ଗ୍ ପେରିଡ଼ ସିସୁ
 ଖାଜା ସେବା ପାଣି କିଦେଙ୍ଗ୍ ନାନୁ ଦନ୍‌ବାଦ ଅଡ଼ବିଜିନା ।

୧୪ ଇୟାମାଣାନ୍ ଜଦି ନା ନିଜେଦି ଜାତିଦି ଲୋକାଙ୍ଗ୍ ଚିସା
 ଆଦେଙ୍ଗ୍ ଆବ୍‌ନା, ଆନାଡ଼ ଖାରି ଲୋଇ ଏସ ଲୋକାଙ୍ଗ୍ ରକିୟା
 କିଦେଙ୍ଗ୍ ଆବ୍‌ନା ।

୧୫ ଇରିଙ୍ଗ୍ ଖାର୍ ଡିସାୟ୍ ଆନି ମାଣାନ୍ ମାପୁରୁଦି ଖାଲେ
 ସାରାଦୁନିଆ ଜାତିଦି ସଙ୍ଗ୍ ଆନିକା । ଆବ୍‌ତିଙ୍ଗ୍, ଜଦି ମାପୁରୁ ଓଁଜୁ
 ଜିହୁଦି ଜାତିଦିଙ୍ଗ୍ ଆସ୍‌ନାନ୍, ତାନି ଦସ୍ ଇନିକା ଆନାଡ଼ ? ଆକା
 ଆନାଡ଼ ସାତି ଲୋକ୍ ମାରିଡ଼େସି ଜିବନ୍ ନିଙ୍ଗ୍ ନିଁ ଖାଜା ।

୧୬ ରୁଟିଦାନ୍ କାଣ୍ଡେକ୍ ମାପୁରୁଦି ଉଦେସ୍‌ତାନ୍ ସିତି ମାରିଙ୍ଗ୍, ଓଁଜୁ
 ରୁଟି ବା ସିତିକା ଇଜି ଆସାୟ୍‌ଆନାଡ଼ । ଉନ୍‌ଶ୍ଟି ମାରାତି ମଦଲ୍
 ସିତିମାରିଙ୍ଗ୍, ତାନି କମେଙ୍ଗ୍ ବା ସିତାମାନାର୍ ଇଜି ଅଡ଼ବିଦେଙ୍ଗ୍
 ଆନାଡ଼ ।

୧୭ ତଡ଼ିଦୁ ଜାତୁନ୍ ଅଆୟ୍‌ଆଜିମାନି ଉନ୍‌ଶ୍ଟି ଜିଡ଼ ମାରାତି ଏସ
 କମେଙ୍ଗ୍ ଖେବ୍‌ଏ କିଜି, ବନ୍‌ତି ଜିଡ଼ ମାରାନ୍‌ତି କମା ଆୟା ବାଡ଼ିଦୁ
 ଜଡ଼ିସ୍ କିଆୟ୍‌ଆତାମାନାଡ଼ । ଅଣଜିହୁଦି ଲୋକୁ ଆୟା ବନ୍ ଜିଡ଼

ମାରାନ୍ ଖାଜା । ମିର୍ ଇଲେଇ ଜିହୁଦିରି ବପୁ ଆମିକ ଜିବନ୍ତି ବାଗ୍ରୁ ମିସାତିମାନିଦେର୍ ।

୧୮ ଆଦେଙ୍ଗ୍ ମିର୍ ଖେର୍ଏ କିଆୟାଆତିମାନି କମେଙ୍ଗ୍ ନିସ୍ତୁଦି ଅଡ୍ବିମାଟ୍ । ମିର୍ ଏନ୍ଦା ଗାର୍ବୁ କିନିଦେର୍ ? ମିର୍ କେବଲ କମା ମାରାନ୍ ମଦଲ୍ତିଙ୍ଗ୍ ମିର୍ ଜାତୁନ୍ କିଇଦେର୍, ମାତର୍ ମଦଲ୍ ମିଙ୍ଗ୍ ସାକା କିଜିନାତ୍ ।

୧୯ ଇୟାଉଣ୍ଟିଙ୍ଗ୍ ମିର୍ ଇନ୍ତେଙ୍ଗ୍ ଆଟ୍ନିଦେର୍, “ହୁଁ, ମାତର୍ ନାଙ୍ଗ୍ ବାତି ସିଦେଙ୍ଗ୍ ଇଜି ଆୟା କମେଙ୍ଗ୍ ଓଜୁ ସିନା କିଆୟା ଆତେମାରେଏ ।”

୨୦ ଆକା ସଡ୍ । ଖାର ବିସ୍ବାସ୍ କିଏତାରଆକା ଖେର୍ଏ ଆତାର୍ । ମିର୍ କେବଲ ବିସ୍ବାସ୍ତାନ ଆୟା ବାତି ଅଦିକାର୍ କିତିମାନିଦେର୍ । ମାତର୍ ଗାର୍ବୁ କିଏନ୍‌ଶ୍ଆ ତିଲାଦୁ ।

୨୧ ଜଦି ମାରାନ୍‌ତାନ୍ ମିସାଜିସତି କମେଙ୍ଗ୍ ଖାଜା ଜିହୁଦି ଲୋକାଙ୍ଗ୍ ମାପୁରୁ ଦଣ୍ଡ ସିଏଜି ତ୍ରିସ୍ ସିଏତାନ୍, ମିଙ୍ଗ୍ ଇନିକା ଖାନ୍ ତ୍ରିସ୍ନା ସିନାନ୍ ?

୨୨ ଇବେ ସୁଣି ମାଟା, ମାପୁରୁ ଏଣ୍ଡେସ୍ ଦୟାକିନିକାନ୍ ନି ଆଟ୍‌ଖା ବା । ଏମେଝାରି ପଦ୍ ଆର୍ତାମାନାତ୍, ଖାରି ଉଣ୍ଟିଙ୍ଗ୍ ଖାନ୍ ଆଟ୍‌ଖା; ମାତର୍ ମି ଉଣ୍ଟିଙ୍ଗ୍ ଖାନ୍ ଦୟାକିନିକାନ୍ ଆମା ଦିନ୍ ସାନ୍ଦି ମିର୍ ଖାନି ଦୟାଦି ଲୋକ୍ ଆଜି ତେବାନିଦେର୍ । ଖାନି ଦୟା ଆରାକିତିଙ୍ଗ୍, ମିର୍ ବା ଖେର୍ଏ ଆନିଦେର୍ ।

୨୩ ଜଦି ଜିହୁଦିଲୋକୁ ତାମେ ବିସ୍ବାସ୍ ଆକ କିଏର୍, ଆର୍ତିଙ୍ଗ୍ ଖାର୍ ନିଜେଦି ବାତିଦୁ ମାରିଡେସି ତିଆର୍ ଆନାର୍ । ଇକା କିଦେଙ୍ଗ୍ ମାପୁରୁ ଇଛା କିନାନ୍ ।

୨୪ ଅଣଜିହୁଦି ଲୋକୁ ବନ୍ ଜିଡ୍ ମାରାତି କମା ଖାଜା । ଆକା ସିନା ଆଜି ନେଗେନ୍‌ତର୍‌ଇ ଇସାବ୍‌ତାନ୍ ତଡିଦି ଜାତୁନ୍‌ଅତିମାନି ଜିଡ୍ ମାରାତି ଖାଲେ ଜଡିସ୍ କିଆୟାଆତାମାନାତ୍ । ଜିହୁଦି ଜାତି ତଡିଦି ଜାତୁନ୍‌ଅତିମାନି ଜିଡ୍ ମାରାନ୍ ଖାଜା । ଇୟା ମାରାତି ଖେର୍ଏଆତି କମେଆଙ୍ଗ୍ ମାରିଡେସି ମାରାତି ଖାଲେ ଜଡିସ୍‌କିନିକା ମାପୁରୁଦି ତରିନ୍ ଉସାସ୍ ।

ଓଜେରି ଉଣ୍ଟିଙ୍ଗ୍ ମାପୁରୁଦି ଦୟା

୨୫ ତତ୍ତ୍ୱାନୁ ନି ତାଙ୍କୁ କି, ଇୟା ବିସୟତାନ୍ ଉନ୍‌ଶ୍ଚି, ମାରୁଗିତି ସତ୍ତ୍ୱ ଝେକ୍‌ନାତ୍ । ଆକା ଝେରିଙ୍ଗ୍, ମିର୍ ନିଜେଦିଙ୍ଗ୍ ମାରି ବୁଦିମାନିକାନ୍ ଇଜି ଅଡ୍‌ବିଦେଙ୍ଗ୍ ଆର୍‌ଇଦେର୍ । ଇସ୍ରାଏଲ୍ ଲୋକା ଅମାନ୍ୟ ଝିଜୁଦିନ୍ ତେବାଏତ୍ । ଅଣଜିହୁଦିର୍ ଝିଜେରେ ମାପୁରୁଦି ଲାକ୍‌ତୁ ଝାନି ସାନ୍ ଝାର୍ ଆୟାଝାଜା ତେବାନାର୍ ।

୨୬ ତାନିଝେନ୍‌କା ଇସ୍ରାଏଲ୍ ଲୋକୁ ଝିଜେରେ ଶାସ୍ତ୍ର ଇସାବ୍‌ତାନ୍ ରକିୟା ପୟନାର୍, ଏଣ୍ଡେସ୍ ସାସ୍ତ୍ର ଇନାତ୍ :

“ରକିୟାକିନିକାନ୍ ସିୟୋନତାନ୍ ଝାନାନ୍,

ଜାକୁବ କୁଡାଦାନ୍ ଝିଜୁ ଅଦାମ୍‌ ଆକ କିନାନ୍ ।

୨୭ ଝାରି ଅଦାମ୍‌ ଆକ କିନିଝାଲେ

ଝାରି ଝାଲେ ଇୟା ନିୟମ୍ କିନାପ୍ ।”

୨୮ ମି ନେଗି ଉଶ୍ଚିଙ୍ଗ୍ ସୁସମାଚାରତିଙ୍ଗ୍ ଡିସ୍‌ତିଙ୍ଗ୍ ମାପୁରୁଦି ସାତୁ ଆତାମାନାର୍ । ମାତର୍ ମାପୁରୁଦି ଲାଡ୍‌ତାନ୍ ବାସେଆନି ମାଣାନ୍ ମାରି ଝାରି ତକ୍ରାଦାଦାରି ଉଶ୍ଚିଙ୍ଗ୍ ଝାର୍ ମାପୁରୁଦି ତଡ୍‌ଆତାମାନାର୍ ।

୨୯ ମାପୁରୁ ଏମେଝାରିଙ୍ଗ୍ ବାସେ କିଜି ଆସ୍‌ବାଦ୍ କିନାନ୍, ଝାନି ଦାନ୍ ସିଦେଙ୍ଗ୍ ବଦା ଝାନ୍ ତାର୍ ତେବାନାନ୍ ।

୩୦ ଅଣଜିହୁଦି ଲୋକୁ ପୁର୍ବେ ମାପୁରୁଦି ମାନାଇକାର୍ ମାହାର୍; ମାତର୍ ଇଲେଇ ଜିହୁଦିଲୋକା ମାନାଇ ଉଶ୍ଚିଙ୍ଗ୍ ଅଣଜିହୁଦି ଲୋକୁ ମାପୁରୁଦି ଦୟା ପୟତାମାନାର୍ ।

୩୧ ଏଣ୍ଡେସ୍ ଅଣଜିହୁଦି ଲୋକୁ ବା ଦୟା ପୟତାମାନାର୍, ଜିହୁଦିଲୋକୁ ଇଲେଇ ମାପୁରୁଦି ମାଣାନ୍ ଆକ ସହ୍‌ମାରିଙ୍ଗ୍ ବା, ଅର୍‌ଲେନ୍ ଝାର୍ ତେସି ଝାଜି ଉଦ୍‌କାର୍ ପୟନାର୍ ।

୩୨ ମାପୁରୁ ଝିଜେରିଙ୍ଗ୍ ଅମାନ୍ୟ ଆନି ଉଶ୍ଚିଙ୍ଗ୍ ଡିସ୍‌ତା ସିତାମାନାନ୍; ଆବେଶାନ୍ ଝିଜେରେ ମାପୁରୁଦି ଦୟାଦି ଲୋକୁ ଆଦେଙ୍ଗ୍ ଆର୍‌ନାର୍ ।

ମାପୁରୁଦି ଗୌରବ୍ ଆପିତ୍

୩୩ ମାପୁରୁ । ଝାନି ବୁଦି ନି ଜ୍ଞାନ୍ ଏସା ପେରିକା । ଝାନି ବଦାଦି ଟିକ୍ ଏନ୍ ବୁଜାକିନାନ୍ ? ଏନ୍ ଝାନି ସାରିଙ୍ଗ୍ ନେସ୍‌ତେଙ୍ଗ୍ ଆର୍‌ନାନ୍ ?

୩୪ ସାସ୍ତ୍ର ଇନାତ୍ :

“ଏନ୍ ମାପୁରୁଦି ମନ୍ତିମାଟା ବୁଜାଦେଙ୍ଗ୍ ଆବନାନ ?
ଏନ୍ ମାରି ଖାନିଙ୍ଗ୍ ସିକିୟା ସିଦେଙ୍ଗ୍ ଆବନାନ ?

୩୫ ଏନ୍ ଇନିକା ମାପୁରୁଙ୍ଗ୍ ଇୟାଞ୍ଜା ଇନିକା ସିଦେଙ୍ଗ୍
ଆବତାମାନାନ୍,

ଆମାତାନିଙ୍ଗ୍ ମାପୁରୁଙ୍ଗ୍ ଡେସି ସିଦେଙ୍ଗ୍ ପଡ଼ାଜିନାଡ଼ ?”

୩୬ ☆ଝିଜୁ ବିସୟ ମାପୁରୁଦି ମାଣାନ୍ ତିଆର୍ ଆତାମାନାଡ଼; ଝିଜୁ ବିସୟ
ମାନିକା ଖାନି ଉଣ୍ଡିଙ୍ଗ୍ ମାରି ଖାନିମାଡ଼ାନ୍ ଆତାମାନାଡ଼ । ଜୁର୍ ଜୁର୍
ମାପୁରୁ ଗୌରବ୍ ପଇନି । ଆମେନ୍ ।

୧୨

ମାପୁରୁଦି ସେବାଦୁ ଜିବନ୍

୧ ଆଦେଙ୍ଗ୍ ତଡ଼ାନ୍କୁ ନି ତାଙ୍ଗ୍ କି, ମା ଉଣ୍ଡିଙ୍ଗ୍ ମାପୁରୁଦି
ନାଣ୍ଡ ଦୟା ଉଣ୍ଡିଙ୍ଗ୍ ମିଙ୍ଗ୍ ନାନ୍ ବାତିଙ୍ଗ୍ ମାଲ୍ଜିନା, ମାପୁରୁମାନ୍
ନିଜେଦି ମେନ୍ଦଲ୍ଡିଙ୍ଗ୍ ପବିତ୍ର ପୁଜା ଖାଜା ସର୍ପେ କିଦୁ । ଖାନି
ସେବାଦୁ ନିଜେଦିଙ୍ଗ୍ ସିଜି ଖାନିମାନ୍ ସର୍ପେ ଆଦୁ । ଇକା ମାପୁରୁଦି
ସଡ଼ ଉପାସନା କିନିକା ।

୨ ମିର୍ ଇୟା ଇଲେଇତି ଦୁନିଆଦି ଇସାବତାନ୍ ବୁଲାମାଟ୍ । ମାପୁରୁ
ମି ମନ୍ତିଙ୍ଗ୍ ପୁରା ପୁନିକା କିପିନ୍ ମାରି ମି ମନ୍ ପୁରା ବାଦ୍ଲେ ଆପିଡ଼
। ଆତିଙ୍ଗ୍, ମାପୁରୁଦି ବଦା ଇନିକା, ଖାନି ଲାକ୍ତୁ ଏମେ ଝିଜୁ ବିସୟ
ସଡ଼, ଝେଡ଼ିକାଦିକା ମାରି ପୁରା ନେଗିକା, ଇକା ମିର୍ ନେସ୍ତେଙ୍ଗ୍
ଆବନିଦେର୍ ।

୩ ମାପୁରୁ ନାଙ୍ଗ୍ ନାଣ୍ଡ ଦୟା ସିତାମାନାନ୍ଆକା ମି ଝିଜେରିଙ୍ଗ୍
ନାନ୍ ଇଜିନା, ଏନ୍ ନିଜେଦି ଜଗ୍ୟଦି ମାଣାନ୍ ନିଜେଦିଙ୍ଗ୍ ପେରିକାନ୍
ଇଜି ଅଡ଼ିମାଟ୍ । ମାପୁରୁ ମିଙ୍ଗ୍ ସିତିମାନି ବିସ୍ବାସ୍ତି ଇସାବତାନ୍
ସାନ୍ତି ଆଜି ନିଜେ ବିସୟତାନ୍ ବିସାର୍ କିଦୁ ।

୪ ☆ମା ମେନ୍ଦଲ୍ଡୁ ଗାଦି ଆଇ ଆଇ ଜିନିସ୍କୁ ମାନେ ମାରି ଝିଜେକା
ପାଣି ଅଲଗା ।

୫ ଆୟାଞ୍ଜାଜା ମାତ୍ର ଗାଦିଲୋକ୍, ମାତର ଝିଜେରେ କ୍ରିସ୍ତଦି ଖାଲେ ମିସାତି ମାନିକାଆକା, ମାତ୍ର ଉନ୍ଦେତ୍ତେ ମେନ୍ଦଲ୍ ମାରି ମେନ୍ଦଲ୍ତି ଜିନିସକା ଖାଜା ମାତ୍ର ଅର୍ସେ ଖାଲେ ମିସାତି ମାନିକା ।

୬ ଆଦେଙ୍ଗ୍ ମା ଉଣ୍ଡିଙ୍ଗ୍ ମାପୁରୁଦି ଦୟା ଇସାବତାନ୍ ଖାନିମାଣାନ୍ ପୟତି ରକମ୍ତି ଆଇ ଆଇ ଦାନ୍ ସାକ୍ତିଝିଜୁ ମାତ୍ର ଟିକ୍ ଇସାବତାନ୍ କାଟେକିଦେଙ୍ଗ୍ ଆବ୍ନିକା । ମାତ୍ର ଜଦି ମାପୁରୁଦି କାବୁର୍ ପ୍ରଚାର୍ କିନି ଉଣ୍ଡିଙ୍ଗ୍ ଇଜି ମାପୁରୁସିତି ସାକ୍ତି ପୟତିମାନିକା, ମା ବିସ୍ବାସତି ତାଟ୍ ଇସାବତାନ୍ ଆୟା ପାଣି କିଦେଙ୍ଗ୍ ଆନାତ୍ ।

୭ ଜଦି ସେବା କିନି ଉଣ୍ଡିଙ୍ଗ୍ ଆୟା ସାକ୍ତି ପୟତିମାନିକା, ମାତ୍ର ସେବା କିଦେଙ୍ଗ୍ ଆନାତ୍; ସିକିୟା ସିଦେଙ୍ଗ୍ ଇଜି ସାକ୍ତି ପୟତିମାରିଙ୍ଗ୍, ସିକିୟା ସିଦେଙ୍ଗ୍ ଆନାତ୍ ।

୮ ଆଇଝାରିଙ୍ଗ୍ ଝେଡିକା କିଦେଙ୍ଗ୍ ଇଜି ସାକ୍ତି ପୟତିମାରିଙ୍ଗ୍, ଆକା କିଦେଙ୍ଗ୍ ଆନାତ୍ । ଦାନ୍ କିଦେଙ୍ଗ୍ ସାକ୍ତି ପୟତିମାନି ଲୋକ୍ ରେଆତି ମନ୍ତାନ୍ ଦାନ୍ କିପିନ୍ । ଆଇଝାରି ପାଣିଦି ଜାତୁନ୍ କିଦେଙ୍ଗ୍ ଅଦିକାର୍ ପୟତିମାରିଙ୍ଗ୍ ନିଜେ କାସ୍ତୁପାଣି କିଦେଙ୍ଗ୍ ଆନାତ୍ । ଦୟା କିନି ଲୋକ୍ ଝେଡିକା ମନ୍ତାନ୍ ଦୟା କିପିନ୍ ।

୯ ଜିବନ୍ତି ଖାଲେ ଜିବନ୍ନୋନିକା ନେଗିକା ଆପିଦ୍ । ଆମା ଝିଜୁ ସତ୍ସିଲେ; ତାନିଙ୍ଗ୍ କାଡୁ, ଝିଜୁ ସତ୍ ବିସୟତୁ ଲାକ୍ତୁ ଆଦୁ ।

୧୦ କ୍ରିସ୍ତୟାନ୍ ତଡାନ୍ ନି ତାଙ୍ଗ୍ ଖାଜା ନିଜେନିଜେଦିଙ୍ଗ୍ ଜିବନ୍ନଦୁ ମାରି ନିଜେନିଜେଦିଙ୍ଗ୍ ସନ୍ମାନ୍ ତର୍ତେଙ୍ଗ୍ ଇଜି ଝେଡିକା ଆଦୁ ।

୧୧ ଝେଡିକାଦାନ୍ ଗାଡିୟା ଆମାଟ୍, ଆମାଦୁ ତେବାନିକା ଅଡ୍ବିଦୁ । ବକ୍ତିଦି ଜିବନ୍ତାନ୍ ପ୍ରବୁଦି ସେବା କିଦୁ ।

୧୨ ତାଟ୍ ଆସା ଇଡଜି ଝେଡିକା କିଦୁ । ଦୁକ୍‌କାସ୍ତୁଦି ବେଡାଦୁ ସାସ୍ ଆସ୍ତୁ । ଝିଜୁଦିନ୍ ପାର୍ତନାଦୁ ପୁରା ତେବାଦୁ ।

୧୩ କ୍ରିସ୍ତବିସ୍ବାସିରି ଦର୍କାର୍ ମାନିକା ସିଦୁ । ମାରି ଖାନି ଲୋକାଙ୍ଗ୍ ସନ୍ମାନ୍ତାନ୍ କୁକ୍ତୁ ।

୧୪ ମିଙ୍ଗ୍ ଏମେକାର୍ ତାଡନା କିନାର୍, ଖାରି ନେଗି ଉଣ୍ଡିଙ୍ଗ୍

ଇତି ମାପୁରୁମାନୁ ପାରତନା କିନ୍ତୁ । ଖାରିଙ୍ଗ୍ ଆସବାଦ କିନ୍ତୁ,
ଆନାଦୁରିଆ ସିମାଟ୍ ।

୧୫ ସୁକ୍ତାନ ମାନି ଲୋକା ଖାଲେ ଖେଡ଼ିକା କିନ୍ତୁ, ଆଡ଼ବାନି ଲୋକା
ଖାଲେ ଆଡ଼ବାଦୁ ।

୧୬ ଖିଜେରି ଉଣ୍ଡିଙ୍ଗ୍ ସାମାନ ଇସାବତାନ ସୁଡ଼ୁ । ଆକାର
ଅଡ଼ବିନିକା ଡିସସି ସାନ୍ତି ଇସାବତାନ ତାଗ୍‌ଇ ପାଣିଝିଜୁଦିଙ୍ଗ୍ ବା
ଆସଡୁ । ନିଜେଦିଙ୍ଗ୍ ବୁଦିମାନିକାନ ଅଡ଼ବିମାଟ୍ ।

୧୭ ଏନ୍ ମି ଉଣ୍ଡିଙ୍ଗ୍ ଅନ୍ୟାୟ କିତିଙ୍ଗ୍, ମିର ଖାନି ଉଣ୍ଡିଙ୍ଗ୍
ଅନ୍ୟାୟ କିମାଟ୍ । ଆଇଖାରି ଲାକ୍‌ତୁ ଆମାକା ସଡ଼ପାଣି, ଆକାନେ
କିନ୍ତୁ ।

୧୮ ଖିଜେରି ଖାଲେ ସାନ୍ତିଦାନ ବାସାଦେଙ୍ଗ୍ ଇତି ଏସ୍ତିଖାଲେ
ଆଦେଙ୍ଗ୍ ଆଟନାଡ଼ ସେସ୍ତୁ କିନ୍ତୁ ।

୧୯ ଏ ଲାଡ଼ତିକାର, ମିର ନିଜେ ଆମାଖାନି ବିରୁଦ୍‌ତାନ ବାଦ ଅମାଟ୍
। ମାପୁରୁଦି ରିସାଦି ଲୋକ୍ ଆଦେଙ୍ଗ୍ ଖାନିଙ୍ଗ୍ ଡିସସୋ ସିଦୁ ।
ଇରିଙ୍ଗ୍ ସାସ୍ତ୍ରୁ ରାସାତାମାନାଡ଼, “ପ୍ରବୁ ଇନାନ, ମାପ୍ ପ୍ରତିସଦ୍ ଅନାପ୍
। ମାପ୍ ଦଣ୍ଡୁ ସିନାପ୍ ।”

୨୦ ତାନିବାଦ୍‌ଲୁ ସାସ୍ତ୍ର ଏଣ୍ଡେସ୍ ଇନାଡ଼, “ମି ସାଡୁ ବାଙ୍ଗା ମାରିଙ୍ଗ୍,
ଖାନିଙ୍ଗ୍ ଉଣ୍ଡେଙ୍ଗ୍ ସିଦୁ; ଏରକି ମାରିଙ୍ଗ୍ ଉଡ଼ପିସକିଦୁ ।
ଇବେଣାନ ଖାନ ସେମାର୍ ଆନା ସନାନ ।”

୨୧ ଅସଡ଼ ତାନ ଆରାମାଟ୍; ଖିଜୁ ଅସଡ଼ ବିସୟକୁ ନେଗିପାଣିଦାନ
ଜିଣାଦୁ ।

୧୩

ସାସନ୍‌କିନିଖାରି ଉଣ୍ଡିଙ୍ଗ୍ ପାଣି

୧ ସାସନ୍‌କିନିଖାରିଙ୍ଗ୍ ମାନାନିକା ଖିଜେରି ପାଣି, ଇରିଙ୍ଗ୍
ମାପୁରୁଦି ସାରି ଡିସଡିଙ୍ଗ୍ ଏନ୍ ସାସନ୍ ଅଦିକାର ପୟଏନ୍
। ଅଦିକାର୍ତୁ ମାନି ସାସନ୍‌କିନିକାର୍ ମାପୁରୁଦି ମାଣାନ
ବାସେଆତାମାନାଡ଼ ।

୨ ଆଦେଇଁ ଏନ୍ ଅଦିକାର ପୟତି ସାସନକିନିଝାରିଇଁ ବିରୁଦ୍ଧ କିନାନ୍, ଝାନ୍ ମାପୁରୁଦି ମାଣାନ୍ ଆତିମାନି ନିୟମତି ବିରୁଦ୍ଧକିନାନ୍ । ଏନ୍ ଇକା କିନାନ୍, ଝାନ୍ ବିଚାର୍ତି ଆଗ୍ତି ନିନାନ୍ ।

୩ ଏମେକାର ନେଗିପାଣି କିନାର୍, ଝାରି ସାସନକିନିଝାରିଇଁ ତିଲାନି ଉଣ୍ଡିଇଁ ଇନି ମାଟା ସିଲେଡ୍ ତିଲାନି ମାଟା ତାଗ୍‌ଇପାଣିକିନିଝାରିଇଁ । ସାସନକିନିଝାନି ଉଣ୍ଡିଇଁ ତିଲାଇକା ମି ବଦା ନୋ ? ଆତିଇଁ ସିଡ୍‌ପାଣି କିଦୁ, ଝାନ୍ ମି ପ୍ରସଂସା କିନାନ୍ ।

୪ ମି ନେଗିକା କିନି ଉଣ୍ଡିଇଁ ଝାନ୍ ମାପୁରୁଦି ମାଣାନ୍ ବାସେଆତାମାନାନ୍ । ମାତର୍ ମିର୍ ଜଦି ତାଗ୍‌ଇପାଣି କିଜିମାନିଦେର୍, ଆର୍ତିଇଁ ସାସନକିନିଝାନିଇଁ ତିଲାଦୁ, ଇରିଇଁ ମି ଦଣ୍ଡ ସିନି ଉଣ୍ଡିଇଁ ସିଡ୍‌ତାନ୍ ଝାନି ଅଦିକାର ମାନାଡ୍ । ଝାନ୍ ମାପୁରୁଦି ମାଣାନ୍ ବାସେଆତି ସେବାକିନିକାନ୍ । ତାଗ୍‌ଇପାଣିକିନିଝାରିଇଁ ସାସ୍ତି ସିନି ଉଣ୍ଡିଇଁ ଝାନ୍ ମାପୁରୁଦି ଆଦେସ୍ ମାନାନାନ୍ ।

୫ ଆଦେଇଁ ମିର୍ ସାସନକିନିଝାରିଇଁ ମାନାନିକା ମାନାଡ୍ କେବଲ ମାପୁରୁଦି ଦଣ୍ଡ ତିଲେଇତାନ୍ ସିଲେ, ମାତର୍ ନିଜେଦି ବୁଦିଦି ନାସ୍ତଦାନ୍ ରକିୟା ପୟଦେଇଁ ଇଜି ।

୬ ଇୟାଉଣ୍ଡିଇଁ ମିର୍ ସିସ୍ତୁ ବା ସିଜିମାନ୍‌ଡୁ, ଇରିଇଁ ସାସନକିନିକାର୍ ଆଦେସ୍ ମାନାନିଝାଲେ ମାପୁରୁଦି ସେବା କିନାର୍ ।

୭ ଆଦେଇଁ ଝାର୍ ଆମାକା ପୟନିକା ମାନାଡ୍, ଝାନିଇଁ ଆକା ସିଦୁ । ନିଜେଦିକା ମାରି ସିସ୍ତୁ ମିଦି ଆମାକା ସିନିକା ମାନାଡ୍, ଆକା ସିଦୁ ମାରି ଝାରିଇଁ ଝେଡିକା ନି ସନ୍‌ମାନତାନ୍ ମାନାଦୁ ।

ନିଜେ ନିଜେଇଁ ଜିବନ୍‌ନୋଦୁ

୮ ନିଜେଦିଇଁ ନି ଆଇଝାରିଇଁ ଜିବନ୍‌ନୋନିକା ଡିସ୍‌ସି ମାରି ଇନି ବିସୟଡୁ ଆମାଝାନି ରୁଣ୍ଡୁ ଆଜି ତେବାମାଟ୍ । ଏନ୍ ଆଇଝାନିଇଁ ଜିବନ୍‌ନୋନାନ୍, ଝାନ୍ ନିୟମ୍ ମାନାନାନ୍ ।

୯ “ଦାରିପାଣି କିମାଟ୍, ଲୋକାଇଁ ସାୟାମାର୍‌ଗା ତାକ୍‌ମାଟ୍, ତଇଁ କିମାଟ୍, ଆଇଝାରି ଜିନସ୍‌ତିଇଁ ଲବ୍ରାମାଟ୍,” ଝିଦୁ ମାଟା

ଉନ୍ନତ୍ତି ମାଟାଦୁ ତେବାଜିନାଡ଼, “ମି ଲାକ୍ତୁରି ଲୋକାଙ୍ଗ ନିଜେଦିଙ୍ଗ ଜିବନ୍ନୋତିଝାଜା ଜିବନ୍ନୋଦୁ ।”

୧୦ ମିର୍ ଅରେନ୍ ଝାନିଙ୍ଗ ଜିବନ୍ନୋଜି ମାରିଙ୍ଗ୍, ଝାନି ଉଣ୍ଡିଙ୍ଗ ଏସାଙ୍ଗ୍ ଅନ୍ୟାୟ କିମାଟ୍ । ଆଦେଙ୍ଗ୍ ଜିବନ୍ନନି ମାଣାନ୍ ନେ ଝିଜୁ ନିୟମ୍ ମାନାନିକା ଆନାଡ଼ ।

୧୧ ଇଲେଇ ଇୟାଝିଜୁ ମିଙ୍ଗ୍ ଏଣ୍ଡେସ୍ବା କିଦେଙ୍ଗ୍ ଆନାଡ଼, ଇରିଙ୍ଗ୍ ସୁଜିନି ମାଣାନ୍ ନିଙ୍ଗ୍ ସମୟ ଇଗା ଝାତାଡ଼ । ରକିୟା ପୟନି ସମୟ ଆଗ୍ଡିରି ବାଦ୍ଲୁ ଇଲେଇ ନାଣ୍ଡ ଲାକ୍ତୁ ।

୧୨ ନାଡ଼ା ଝିଜିତାଡ଼ନି, ଝେଡ଼େ ଝାତାଡ଼ନି । ରାଡୁ, ସିକାଟିଦି ଝିଜୁପାଣି ଡିସ୍ନାଟ୍ ମାରି ଜାୟତୁ ଜୁଦ୍ କିଦେଙ୍ଗ୍ ନେଗି ସାଜୁ ଆରାନାଟ୍ ।

୧୩ ରଙ୍ଗ୍‌ରସ୍ ନି ସସ୍‌ନିମାନ୍, ଡଙ୍ଗା ନି ଲାଲାୟଆନିକା, ରିସା ମାରି ଜାଟି ଝିଜୁଦୁ ତେବାଏଜି, ରାଡୁ ମାଡ଼ ଜାୟତୁ ପାଣିକିନି ଲୋକା ଝାଜା ନେଗେନ୍‌ତାନ୍ ବ୍ୟବହାର୍ କିନାଟ୍ ।

୧୪ ପ୍ରବୁ ଜିସ୍ କ୍ରିସ୍‌ତି ଅସ୍ତ୍ରଶସ୍ତ୍ରଦାନ୍ ତିଆର ଆଦୁ ପାପତି ଉଣ୍ଡିଙ୍ଗ୍ ଝେର୍‌ଏ ଆଦୁ ମାରି ନିଜେଦି ଲାଲାୟତୁ ବ୍ୟବହାର୍ କିମାଟ୍ ।

୧୪

ତଡ଼ାନକା ଦସ୍ ଆସ୍‌ମାଟ୍

୧ ☆ ବିସ୍‌ବାସ୍‌ତୁ ଏନ୍ ସାକ୍ତି ସିଲେନ୍, ଝାନିଙ୍ଗ୍ ଆସ୍‌ତୁ, ମାତର୍ ଝାନି ଜିବନ୍ତି ବିସ୍‌ୟତାନ୍ ଝାର୍‌ରିମାଟ୍ ।

୨ ଅରେନ୍ ବିସ୍‌ବାସ୍‌ କିନାନ୍, ଝାନ୍ ଆମା କାଦିବା ଉଣ୍ଡେଙ୍ଗ୍ ଆଟ୍‌ନାନ୍, ମାରି ଅରେନ୍ ଡାଟ୍ ସିଲି ବିସ୍‌ବାସି କେବଲ କୁସା କାଦି ଉଣାନ୍ ।

୩ ଆମା କାଦିବା ଉଣ୍ଡେଙ୍ଗ୍ ଆମାଝାନି ଇନି ବାଦା ସିଲେଡ଼, ଝାନ୍ କୁସା କାଦିଦିଙ୍ଗ୍ କାଡ଼ମାକିନ୍ । ମାରି କୁସା କାଦି ଉଣିକାନ୍ କାଣ୍ଡା ତିନି ଝାନିଙ୍ଗ୍ ଦସ୍ ଅଡ଼୍‌ବିମାକିନ୍ । ଇରିଙ୍ଗ୍ ମାପୁରୁ ଝାନିଙ୍ଗ୍ ବା ବାସେକିତା ମାନାନ୍ ।

୪ ମିରୁ ଆଇଝାନି ଦାସ୍ତିଙ୍ଗ ବିସାର୍ କିଦେଙ୍ଗ୍ ଇଜି ମିର୍ ଏରୁ ? ଝାନ ଝାନି ପାଣିଦୁ ଏସା ଆକ ଜିଣାଜିନାନ୍ ମାରି ଆରାଜିନାନ୍, ଆକା ଝାନି ମାଲିକ ବିସାର୍ କିନାନ୍ । ଝାନ୍ ସତେନେ ଜିଣାନାନ୍, ଇରିଙ୍ଗ୍ ପ୍ରବୁ ଝାନି ଦାସ୍ତିଙ୍ଗ୍ ଜିଣାକିଦେଙ୍ଗ୍ ଇଜି ତାଟ୍ ।

୫ ଅରେନ୍ ଝାନି ଇସାବତାନ୍ ଆଇ ଦିନ୍କା ବାଦ୍ଲୁ ଉନ୍ ଶ୍ଟି ଟିକ୍ ଦିନ୍ ନାଶ୍ ନେଗେଡ୍ । ମାରି ଅରେନ୍ ଅଡ୍ ବିନାନ୍, ଝିଜୁ ଦିନ୍ ସାମାନ୍ । ମାତର ଏନ୍ ଆମା ଇସାବତାନ୍ ଟିକ୍ ବିସାର୍ କିଜି ଟିକ୍ ମାନାପିନ୍ ।

୬ ଏନ୍ ଉନ୍ ଶ୍ଟି ଦିନ୍ତିଙ୍ଗ୍ ନେଗିକା ଇଜି ଅଡ୍ ବିନାନ୍, କେବଲ ପ୍ରବୁଦି ଗୌରବ୍ ଉଣ୍ଡିଙ୍ଗ୍ ଝାନ୍ ଆକା କିପିନ୍ । ଆମାଝାନି ଇନି କାଦି ଉଣ୍ଡେଙ୍ଗ୍ ବାଦା ସିଲେଡ୍, ମାପୁରୁଙ୍ଗ୍ ଦନ୍ୟବାଦ୍ ସିଜି ଝାନ୍ ଆକା ଉଣିନ୍; ଆବେଶାନ୍ ମାପୁରୁ ଗୌରବ୍ ପୟନାନ୍ । ଏମେ ଲୋକ୍ କାଦି ଉଣୁଏନ୍, ଝାନ୍ ଇକା ମାପୁରୁଦି ଗୌରବ୍ ଉଣ୍ଡିଙ୍ଗ୍ କିପିନ୍ ମାରି ଇୟାଉଣ୍ଡିଙ୍ଗ୍ ମାପୁରୁଙ୍ଗ୍ ଦନ୍ୟବାଦ୍ ସିପିନ୍ ।

୭ ଏନ୍ କେବଲ ନିଜେଦି ଉଣ୍ଡିଙ୍ଗ୍ ଜିଏନ୍, ମାରି ନିଜେଦି ଉଣ୍ଡିଙ୍ଗ୍ ସାଏନ୍ ।

୮ ପ୍ରବୁଦି ଉଦେସ୍ ଜିନି ଉଣ୍ଡିଙ୍ଗ୍ ମାଡ୍ ଜୁତାମାନାପ୍ ମାରି ସାନାପ୍ । ଆଦେଙ୍ଗ୍ ଜିବନ୍ ନି ସାନିମାନ୍ ମାପ୍ ପ୍ରବୁଦି ଲୋକ୍ ।

୯ ଇରିଙ୍ଗ୍ କ୍ରିସ୍ତ ମାରିଡେସିଜିନି ମାଶାନ୍ ରିଏର୍ ଜିନିକା ନି ସାନି ଲୋକା ଝିଜେରି ଝାନ୍ ପ୍ରବୁ ଆତାମାନାନ୍ ।

୧୦ ଆଦେଙ୍ଗ୍ ମିର୍ ଏନ୍ ନିଜେଦି ତଡ୍ଡାନ୍ତି ବିସାର୍ କିଜିନିଦେର୍ ? ଏନ୍ ମାରି ନିଜେଦି ତଡ୍ଡାନ୍ତିଙ୍ଗ୍ କାଡ୍ ଜିନିଦେର୍ ? ମାଡ୍ ଝିଜେରେ ବିଚାର୍ ଆଦେଙ୍ଗ୍ ଇଜି ମାପୁରୁଦି ଆଗ୍ତି ନିନ୍ତେଙ୍ଗ୍ ପଡ୍ଡାନାଡ୍ ।

୧୧ ଏଣ୍ଡେସ୍ ସାସ୍ତ୍ର ଇନାଡ୍ :

“ପ୍ରବୁ ଇଜିନାନ୍, ଏଣ୍ଡେସ୍ କି ମାପ୍ ଜିବନ୍ତି ମାପୁରୁ,

ଝିଜେରେ ମା ଆଗ୍ତି ମେଣ୍ଡେଙ୍ଗ୍ ଟାଟ୍ କିନାଡ୍ ।

ମାପ୍ ମାପୁରୁ ଇଜି ଝିଜେରେ ମାନାନାଡ୍ ।”

୧୨ ମା ଝିଜେରିଙ୍ଗ୍ ମାପୁରୁଦି ଲାକ୍ତୁ ନିଜେ ନିଜେଦି ଇସାବ୍ ସିଦେଙ୍ଗ୍ ପଡ୍ଡାନାଡ୍ ।

ତଡ଼ାନତିଙ୍କ ଆଡ଼ଗି ଆରପ୍ପମାର୍

୧୩ ଆଦେଙ୍କୁ ଆଇଝାରିଙ୍କୁ ବିସାର କିମାର୍ । ଇୟାଝାଜା ବା ଇନିକା କିମାର୍, ଆମାମାଣାନ୍ କି ମି ତଡ଼ାନ୍ ତାକାୟ ଆଜି ପାପ କିନାନ୍ ।

୧୪ ଜିସୁଦି ମାଣାନ୍ ଆଦେସ୍ ପୟଜି ସଡ଼ତାନ୍ ଇଜିନା, ଆମା କାଦି ତାଗ୍‌ଇକା ସିଲେ । ମାତର ଜଦି ଏନ୍ ଆମା କାଦି ତାଗ୍‌ଇକା ଇଜି ବିସ୍‌ବାସ୍ କିନାନ୍, ଝାନି ଉଣ୍ଡିଙ୍କୁ ଆକା ତାଗ୍‌ଇକା ଆନାଡ଼ ।

୧୫ ମିର ଇନି କାଦି ଉଣି ମାଣାନ୍ ଜଦି ଅରେନ୍ ତଡ଼ାନ୍ତି ମନ୍‌ତୁ ଦୁକ୍ ସିନିଦେର୍, ଆରତିଙ୍କୁ ଝାନି ଉଣ୍ଡିଙ୍କୁ ମି ଜିବନ୍‌ନୋନିକା ତରଈଜିନିଦେର୍ । ଆମା ତଡ଼ାନ୍ତି ଉଣ୍ଡିଙ୍କୁ କ୍ରିସ୍ତ ସାତାନ୍, କାଣ୍ଡେକ୍ କାଦି ଉଣ୍ଡିଙ୍କୁ ଝାନିଙ୍କୁ ନାସ୍ତୁ କିମାର୍ ।

୧୬ ମିର ଆମାଝାନିଙ୍କୁ ନେଗିକାନ୍ ଇଜି ଅଡ଼ବିଜିନିଦେର୍, ଆବେଶ୍‌କୁ ମି ତାଗ୍‌ଇକା ଆମାପିଡ଼ ।

୧୭ ମାପୁରୁଦି ରାଜିଦି ତିନିକା ନି ଉଣିକା ସିଲେ । ଆକା ପବିତ୍ର ଆମ୍ବାଦି ମାଣାନ୍ ସିଆୟ୍ ଆତି ଦାମ୍‌ତକା, ସାନ୍ତି ମାରି ଝେଡ଼ିକା ।

୧୮ ଏନ୍‌ଆପିନ୍ ଇୟାଝାଜା ଇସାବ୍‌ତାନ୍ କ୍ରିସ୍ତଦି ସେବା କିନାନ୍; ଝାନ୍ ମାପୁରୁଙ୍କୁ ଝେଡ଼ିକା କିବିସ୍‌କିନାନ୍, ଲୋକାମାନ୍ ବା ଦର୍ ପୟନାନ୍ ।

୧୯ ଆଦେଙ୍କୁ ରାତୁ, ନିଜେ ନିଜେମାନ୍ ସାନ୍ତି ତିଆର୍ କିଦେଙ୍କୁ ନି ପିରିସ୍ କିଦେଙ୍କୁ ଇଜି ଆମା ଝିଜୁ ଦରକାର୍ ମାନାଡ଼, ତାନିଙ୍କୁ ସୁଣାଡ଼ ।

୨୦ କାଣ୍ଡେକ୍ କାଦି ଉଣ୍ଡିଙ୍କୁ ମାପୁରୁ ଆମା ପାଣି କିତାମାନାନ୍, ଆକା ନାସ୍ତୁ କିମାର୍ । ଏନ୍ ଇନି କାଦି ଉଣି ମାଣାନ୍ ଜଦି ମିର ଆଇଝାରି ତାକାନି ପାଣି ଆନାଡ଼, ଆରତିଙ୍କୁ ଆୟା କାଦି ଉଣିକା ନେଗେଡ଼ ସିଲେ ।

୨୧ ମି କାଣ୍ଡା ତିନିକା, କାଡ଼ ଉଣିକା ଝିଜୁ ଜଦି ମି ତଡ଼ାନ୍ତିଙ୍କୁ ବାଦା କିନାଡ଼, ଆରତିଙ୍କୁ ଆୟାଝିଜୁ ମାଣାନ୍ ବନ୍ଦ୍ ଆନିକା ମିଙ୍କୁ ନେଗେଡ଼ ।

୨୨ ଇୟା ବିସୟ୍‌ତାନ୍ ମି ନିଜେଦି ବିସ୍‌ବାସ୍ କେବଲ୍ ମାପୁରୁ ନେସିନ୍ । ଏମେ ଲୋକ୍ ନେଗିକା ବିତାର୍ କିଜି ପାଣି କିନାନ୍, ମାରି

ଆୟାଉଣ୍ଡିଙ୍ଗ୍ ଖାନିଙ୍ଗ୍ ୱେନ୍ଦକା ଅଡ୍‌ବିଦେଙ୍ଗ୍ ୱାଏଡ୍, ଖାନ୍ ଦନ୍ୟ
।

୨୩ ମାତର୍ ଇନି କାଦି ଉଣିକା ନୋ ସିଲେ, ମନ୍‌ଡୁ ରୁଣ୍ଡି ମନ୍
ଅଡ୍‌ବିଜି ଏନ୍ ଆକା କିନାନ୍; ମାପୁରୁଦି ଆଗ୍‌ଡି ଖାନ୍ ଦସି ଆନାନ୍,
ଇରିଙ୍ଗ୍ ୱାକା ଖାନି ବିସ୍‌ବାସ୍‌ତି ମୁସ୍‌କୁ ପାଣି ସିଲେ । ବିସ୍‌ବାସ୍
ମୁସ୍‌କୁ ଆମାକା ଆଏଡ୍, ଆକା ପାପ୍ ।

୧୫

ଆଇଝାରିଙ୍ଗ୍ ଝେଡିକା କିଦୁ, ନିଜେଦିଙ୍ଗ୍ ୱିଲେ

୧ ବିସ୍‌ବାସ୍‌ତୁ ବପୁ ଜେ ମାଡ୍, ଖାର୍ ସାକିସିଲି ବିସ୍‌ବାସ୍‌ ତଡ୍‌ନତି
ଦୋସ୍ ସାକିସିଲି ଉଣ୍ଡିଙ୍ଗ୍ ଲାକ୍‌ତୁ ଆଦୁ । ଏନ୍ ନିଜେଦିଙ୍ଗ୍ ୱେଡିକା
କିନି ଉଣ୍ଡିଙ୍ଗ୍ ବଦା କିମାକିନ୍ ।

୨ ମାତର୍ ଆଇଝାରି ନେଗି ଉଣ୍ଡିଙ୍ଗ୍ ୱାରି ଖାରି ବିସ୍‌ବାସ୍‌ତିଙ୍ଗ୍ ୱା
ଡାବ୍ କିନି ଉଣ୍ଡିଙ୍ଗ୍ ୱାରିଙ୍ଗ୍ ୱେଡିକା ଇଡ୍‌ଦେଙ୍ଗ୍ ୱା ପାଣି ।

୩ କ୍ରିସ୍ତ ନିଜେଦି ସୁକ୍ ଉଣ୍ଡିଙ୍ଗ୍ ୱାକିକା କିଏଜିମାର୍‌ହାନ୍ । ମାତର୍
ସାସ୍ତ୍ର ଇସାବ୍‌ତାନ୍, “ଖାର୍ ମିଙ୍ଗ୍ ସିଜିମାନି ଅପ୍‌ମାନ୍ ନାନ୍ ସାସ୍
କିଜିନା ।”

୪ ମାରି, ଦାମ୍‌ସାସ୍ତ୍ରଦି ସିକିୟାଞ୍ଜିନ୍ ମା ନେଗି ଉଣ୍ଡିଙ୍ଗ୍ ୱା
ସିଆୟ୍‌ଆତାମାନାଡ୍ । ଆସାଦୁ ତିର୍ ତେବାନି ଉଣ୍ଡିଙ୍ଗ୍ ୱାସ୍ତ୍ର ମାଙ୍ଗ୍
ସାସ୍ ନି ଝେଡିକା ସିନାଡ୍ ।

୫ କ୍ରିସ୍ତ ଜିସୁଦି ଝେନ୍‌କା ସୋଲ୍‌ସି ବୁଲାନି ଖାଜା ଝିଜେରି ଆୟାଝାଜା
ମନ୍‌ସିନ୍ତା ଆନି ଉଣ୍ଡିଙ୍ଗ୍ ୱାସ୍ ନି ଝେଡିକାଦି ଇସାବ୍‌ତାନ୍ ମାପୁରୁ
ମିଙ୍ଗ୍ ସାକା କିପିନ୍ ।

୬ ଝିଜେରେ ମିସାଜି ଉନ୍‌ଶ୍ଟେ, ବଲ୍‌ତାନ୍ ପ୍ରୁ ଜିସୁ କ୍ରିସ୍ତ ବୁବା
ମାପୁରୁଦି ଦନ୍ୟବାଦ୍ କିଦୁ ।

ଯିହୁଦି ମାରି ଅଣଜିହୁଦି ଲୋକା ଉଣ୍ଡିଙ୍ଗ୍ ୱାସ୍‌ମାଚାର୍

୭ କ୍ରିସ୍ତ ଏଣ୍ଡେସ୍ ମିଙ୍ଗ୍ ଆସ୍‌ତାମାନାନ୍, ମାପୁରୁଦି ମହିମା
ଉଣ୍ଡିଙ୍ଗ୍ ମିର୍ ଆୟାଝାଜା ଆପ୍‌ଶା ଆପ୍‌ଶାଦିଙ୍ଗ୍ ୱାସ୍ତ୍ର ।

୮ ଇରିଙ୍ଗ୍ ୱାକିସ୍ତ୍ରଦି ସେବାଦି ଜିବନ୍ ଜିହୁଦିଲୋକା ଉଣ୍ଡିଙ୍ଗ୍ ୱା
ଟିକ୍ ମାର୍‌ହାଡ୍ । ଖାରିଙ୍ଗ୍ ୱାନ୍ ତର୍‌ତେଙ୍ଗ୍ ୱାଦାକିଜିମାର୍‌ହାନ୍ ଜେ

ମାପୁରୁ ବିସ୍ଵାସ୍‌ତିକାନ୍, ଜିହ୍ଵାଦି ଜାତିଦି ଡକ୍ତାଦାଦାରିଙ୍ଗ୍ ସିତିମାନି
 ଝାନି ମାଟାଝିକୁ ଝାନ୍ କିନାନ୍ ।

୯ ମାପୁରୁଦି ଦୟା ଉଣ୍ଡିଙ୍ଗ୍ ଅଣଜିହ୍ଵାଦି ଲୋକୁ ବା ଝାନି ଦନ୍ୟବାଦ୍
 କିନାର୍ । ଇୟା ବିସ୍ଵାସ୍‌ତାନ୍ ସାସ୍ତ୍ରୁ ରାସାତାମାନାଡ୍

“ଅଣଜିହ୍ଵାଦି ଲୋକା ଲୋଇ ନି ଦନ୍ୟବାଦ୍ ନାନୁ କିନା,
 ଝିକୁଦିନ୍ ନି ଦନ୍ୟବାଦ୍ ପାଟା ପାରିନା ।”

୧୦ ମାରି ବା ରାସାତାମାନାଡ୍,

“ଅଣଜିହ୍ଵାଦି ଲୋକୁ ମାପୁରୁଦି ଲୋକାଝାଲେ ଝେଡ଼ିକା କିପିର୍ !”

୧୧ ମାରି,

“ଅଣଜିହ୍ଵାଦି ଝିକୁ ଲୋକୁ ପ୍ରବୁଙ୍ଗ୍ ଦନ୍ୟବାଦ୍ କିପିର୍; ଝାନିଙ୍ଗ୍ ଝିକୁ
 ଲୋକୁ ଦନ୍ୟବାଦ୍‌ତି ପାଟା ପାରିର୍ !”

୧୨ ମାରି ଜିସାଇୟ ଇର୍ହାମାନାନ୍,

“ଜେସିଦି ଅରେନ୍ କୁରୁମ୍‌ତିକାନ୍ ତରାଆୟଆନାନ୍,
 ଝାନ୍ ଅଣଜିହ୍ଵାଦି ଲୋକାଙ୍ଗ୍ ସାସନ୍ କିନାନ୍
 ମାରି ଝାର୍ ଝାନିମାନୁ ଆସା ଇଡ଼ନାର୍ ।”

୧୩ ଝିକୁ ଆସାଦି ଅଦିକାରି, ମାପୁରୁ ମି ବିସ୍ଵାସ୍ ଉଣ୍ଡିଙ୍ଗ୍ ମିଙ୍ଗ୍
 ଝେଡ଼ିକା ନି ସାନ୍ତିପୁ ପୁରା କିପିନ୍ । ପବିତ୍ର ଆତ୍ମାଦି ସାନ୍ତିଦାନ୍ ମି ଆସା
 ପିରିଡ୍ ।

ପାଉଲ ଅଣଜିହ୍ଵାଦିରି ଲାକ୍‌ତୁ ଜିସୁଦି ସେବାକିନି ପାଣି

୧୪ ନା ତଡ଼ାନ୍‌କୁ ନି ତାଙ୍ଗ୍, ନା ବିସ୍ଵାସ୍, ମିର୍ ଝିକୁ ନେରିଗୁଣି
 ନି ବୁଦିପୁ ପୁରାଆଜି ମାରି ନିଜେନିଜେଦିଙ୍ଗ୍ ସିକିୟା ସିଦେଙ୍ଗ୍
 ଆର୍‌ନିଦେର୍ ।

୧୫ ଇୟା ଆକୁପୁ ମିଙ୍ଗ୍ ଏସ ବିସ୍ଵାସ୍ ଉଣ୍ଡିଙ୍ଗ୍ ଜାଗାର୍‌ତା
 କିଦେଙ୍ଗ୍ ଇଜି ନାନୁ ମାପୁରୁ ଲାକୁତୁ ବପୁ ଆତାମାନା,

୧୬ ଇରିଙ୍ଗ୍ କ୍ରିସ୍ତ ଜିସୁଦି ଦାସ୍ ଝାଜା ଅଣଜିହ୍ଵାଦି ଲୋକାଙ୍ଗ୍
 ଉଣ୍ଡିଙ୍ଗ୍ ପାଣି କିଦେଙ୍ଗ୍ ଇଜି ମାପୁରୁ ନାଙ୍ଗ୍ ସାରି ସିତାମାନାନ୍
 । ମାପୁରୁଦି ସୁସମାଚାର୍ ଝେର୍‌ତେଙ୍ଗ୍ ଇଜି ନାନୁ ଅରେନ୍ ଦାମ୍‌ଗୁରୁ
 ଝାଜା ପାଣି କିଜିନା । ଅଣଜିହ୍ଵାଦି ଲୋକୁ ପବିତ୍ର ଆତ୍ମାଦି ମାଣାନ୍

ସିୟାୟାତି ବିସୟତି ଖାଜା ମାପୁରୁଦି ଲାକ୍ତୁ ସରପେ ଆପିର, ଇକା ନା ବଦା ।

୧୭ କ୍ରିସ୍ତ ଜିସୁଦି ଖାଲେ ମିସାଜି ମାପୁରୁଦି ଉଣ୍ଡିଙ୍ଗ୍ ଇୟା ସେବା ପାଣି କିଜିମାନିଙ୍ଗ୍ ନାନୁ ନିଜେଦିଙ୍ଗ୍ ଗର୍ବ ଏଡ୍ କିଜିନା ।

୧୮ ଅଣଜିହୁଦି ଲୋକାଙ୍ଗ୍ ମାପୁରୁଦିଙ୍ଗ୍ ମାନାଦେଙ୍ଗ୍ ଇଜି କ୍ରିସ୍ତ ନା ମାଣାନୁ ଇନିକା କିତାମାନାନୁ, କେବଲ ଇୟା ମାଟା ଇନ୍ତେଙ୍ଗ୍ ନାନୁ ସାସ୍ତିକାନୁ ଆତାମାନା ।

୧୯ ଇକା ଖାନ କିତାମାନାନୁ, ବାକ୍ୟ ନି ପାଣି ଦାନୁ ମାରି ମାପୁରୁଦି ଆମାଦି ସାକ୍ତିଦାନୁ । ଆଦେଙ୍ଗ୍ ନାନୁ ଜିରୁସାଲାମ୍ତାନୁ ଇଲିରିକମତୁ ସନି ଖାଲେ ସାରିତୁ କ୍ରିସ୍ତଦି ସୁସମାଚାର୍ ଝେର୍ତାମାନା ।

୨୦ ଏମେ ବାତିଆଙ୍ଗ୍ ଲୋକୁ କ୍ରିସ୍ତଦି ବିସୟତାନୁ ଝେନ୍‌ଏର, ଆବେ ଖାନି ମାଟା ଝେର୍ତେଙ୍ଗ୍ ନା ବଦା, ଇରିଙ୍ଗ୍ ଆଇକାର ପକ୍ତିମାନି କୁନାଦି ମୁସ୍ତକୁ ଇଲୁ ତରତେଙ୍ଗ୍ ନାନୁ ବଦାକିଏ ।

୨୧ ସାସ୍ତ୍ର ଏଣ୍ଡେସ୍ ରାସାତାମାନାଡ୍ :

“ଏମେକାର ଖାନି ମାଟା ଝେନ୍‌ଏର, ଖାର୍ ସୁଣାର୍;
ଏମେକାର ଝେନ୍‌ଏର, ଖାର୍ ବୁଜାନାର୍ ।”

ରୋମ୍‌ତୁ ସନି ଉଣ୍ଡିଙ୍ଗ୍ ପାଉଲ୍‌ତି ଜଜନା

୨୨ ☆ଏସ ଦେବେଙ୍ଗ୍ ମି ଲାକ୍ତୁ ଖାନି ଉଣ୍ଡିଙ୍ଗ୍ ନା ବଦା ସିଲେଡ୍ ଆତାମାନାଡ୍ ।

୨୩ ମାତର ଇୟା ରାଜିତୁ ନା ପାଣି ଝିଜିତାମାନାଡ୍ ମାରି ନା ଆସା, ମିଙ୍ଗ୍ ସୁଡ୍‌ବୁଦେଙ୍ଗ୍ ଇଜିନା ଏସ ବାର୍‌ସେକ୍ତି ଆସା ଇଲେଇ ପୁରା ଆନାଡ୍ ।

୨୪ ସ୍ପେନ୍ ସନି ସାରିତୁ ମିଙ୍ଗ୍ ସୁଡ୍‌ରୁା ଖାନା ଇଜି ଅଡ୍‌ବିଜିନା । ମି ଲାକ୍ତୁ ଏସ ସମୟ ତେବାତି ଝେନ୍‌କା ମି ସାକାଦାନୁ ସ୍ପେନ୍‌ତୁ ସନା ।

୨୫ ☆ଇୟାଦାପ୍ରେ ମାପୁରୁଦି ଲୋକା ସେବା କିଦେଙ୍ଗ୍ ନାନୁ ଜିରୁସାଲାମ୍‌ତୁ ସନ୍ତେଙ୍ଗ୍ ସିତାମାନା ।

୨୭ ଜିରୁସାଲମତୁ ମାପୁରୁଦି ଏମେ ଲୋକୁ କାକୁତ ମାନାର୍, ଖାରି ଉଣ୍ଡିଙ୍ଗ୍ ଏସ୍ ତାବୁଙ୍ଗ୍ ସାହାଜ୍ୟ ପକ୍ତେଙ୍ଗ୍ ମାସିଦନିଆ ନି ଆକାୟାଦି ମଣ୍ଡଲିଙ୍ଗ୍ ବଦା କିତାମାନାର୍ ।

୨୮ ଇକା ଖାରି ନିଜେଦି ବଦା; ସତ୍ତାନ ଇୟାଖାଜା କିନିକା ଖାରି ପାଣି । ଜିହୁଦିଲୋକୁ ନିଜେଦି ଆମ୍ବିକ ଆସ ବାଦତୁ ଅଣଜିହୁଦି ଲୋକାଙ୍ ମିସା କିତାମାନାର୍ଆକା, ଜିହୁଦିଲୋକାଙ୍ ନିଜେଦି ତାବୁଙ୍ଗ୍ ସିଜି ଆସ ବାଦତୁ ମିସାକିଜି ଖାରିଙ୍ ସେବା କିନିକା ଅଣଜିହୁଦି ଲୋକା ପାଣି ।

୨୯ ଜିରୁସାଲମତୁ ଆୟା ତାବୁଙ୍ଗ୍ ସିଜି ନା ପାଣି ଝିସତି ଝେନ୍କା, ନାନୁ ସେନ୍ ସନ୍ତେଙ୍ଗ୍ ସୋତା ମାରି ସାରିଦୁ ମିଙ୍ଗ୍ ସୁତନୁ ଖାନା ।

୩୦ ନାନୁ ନେସନା, କ୍ରିସ୍ତଦି ମାଣାନ୍ ପୁରାଦାନ୍ ଆସ ବାଦ ଅସି ନାନୁ ମି ଲାକ୍ତୁ ଖାନା ।

୩୧ ଏ ତତାନକୁ ନି ତାଙ୍ଗିକ୍ ପ୍ରବୁ ଜିସୁ କ୍ରିସ୍ତଦି ଦରତାନ୍ ନି ପବିତ୍ର ଆମ୍ବାଦି ସିତିମାନି ଜିବନ୍ନନି ଉଣ୍ଡିଙ୍ଗ୍ ମାପୁରୁଦି ଲାକ୍ତୁ ନାନୁ ମିଙ୍ଗ୍ ବାତିଙ୍ଗ୍ ମାଲ୍ଜିନା, ନା ଉଣ୍ଡିଙ୍ଗ୍ ଝିଜୁଦିନ୍ ପାର୍ତନା କିଦୁ ।

୩୨ ଜିହୁଦା ଦେସତି ଅବିସବାସତି ଲୋକା ଲାକ୍ତୁରାନ୍ ନାନୁ ଏଣ୍ଡେସ୍ ନେଗେନ୍ତାନ୍ ତେବାନା ମାରି ଜିରୁସାଲମତୁ ନା ସେବା ପାଣି ଏଣ୍ଡେସ୍ କିନାର୍, ଆୟାଉଣ୍ଡିଙ୍ଗ୍ ପାର୍ତନା କିଜିମାନ୍ତୁ ।

୩୩ ମାପୁରୁଦି ବଦା ଆତିଙ୍, ନାନୁ ମି ଲାକ୍ତୁ ଝେଡିକାଦାନ୍ ଖାନା ମାରି ମି ଖାଲେ ଏସ୍ ଦିନ୍ ତେବାଜି ନା ମନ୍ତୁ ଆରାମ୍ କିନା ।

୩୪ ଝିଜୁ ସାନ୍ତି ସିନି ମାପୁରୁ ମି ଖାଲେ ତେବାପିନ୍ । ଆମେନ୍ ।

୧୭

ନମସ୍କାର୍ କିଜିନା

୧ କେଙ୍ଗେ_ୟାଦୁମାନି ମଣ୍ଡଲିଦି ଅରେଡ୍ ସେବାକିନିକାତ୍ ତାଙ୍ଗ୍ ପିବେଙ୍ଗ୍ ମି ଲାକ୍ତୁ ପକସିନା ।

୨ ପ୍ରଭୃତି ଦରତାନ୍ ତାନିଙ୍ଗ ଆସ୍‌ସି ମାପୁରୁଦି ଲୋକା ଖାଜା ସାଲାବୁଲା ଆଦୁ । ତାନି ଦରକାର ଇସାବତାନ୍ ସାକା କିଦୁ । ନାଙ୍ଗ୍ ନି ନାଣ୍ଡ ଲୋକାରି ଖାଦ୍ ଅରେଡ୍ ନେଗି ସଙ୍ଗ୍ ।

୩ କ୍ରିସ୍ତ ଜିସୁଦି ସେବାଦୁ ନା ଅର୍ସେପାଣିକିନି ପ୍ରିସ୍ତିଲା ନି ଆକିଲାଦି ନା ନମସ୍କାର ଜାଣେକିଦୁ ।

୪ ଖାର ନା ଉଣ୍ଡିଙ୍ଗ୍ ନିଜେଦି ଜିବନ୍ତିଙ୍ଗ୍ କାସୁଦି କିତାମାନାର । ମାତର୍ ନାନୁ ସିଲେ, ଖିଜୁ ଅଣଜିହୁଦି ମଣ୍ଡଲି ଖାନିଙ୍ଗ୍ ଧନ୍ୟବାଦ କିଜିନାର ।

୫ ଖାରି ଇଲ୍ଲତୁ ଉଣ୍ଡାଜି ମାନି ପାରତନା ମଣ୍ଡଲିଦିଙ୍ଗ୍ ବା ମାଡ଼ିସ୍ କିଜିନା । ନା ଲାଡ଼ତି ତଡ଼୍ ଏପାଇନେତଦିଙ୍ଗ୍ ନା ନମସ୍କାର ଖେରନିଦେର୍ । ଆସିଆ ରାଜିଦୁ ଖାନ୍ ଆଜିନାନ୍ ପାରତୁମ୍ କ୍ରିସ୍ତ ବିସ୍‌ବାସି ।

୬ ମି ନେଗି ଉଣ୍ଡିଙ୍ଗ୍ ନାଣ୍ଡ ପାଣି କିତିମାନି ମରିୟମ୍‌ତିଙ୍ଗ୍ ନା ନମସ୍କାର କିଦୁ ।

୭ ଆନ୍ତନିକ ନି ଯୁନିୟାଦିଙ୍ଗ୍ ନମସ୍କାର ଆପିଡ୍ । ଇୟା ରିଏର୍ ଜିହୁଦିର୍ ନା ଖାଲେ ଜଇଲ୍‌ତୁ ମାର୍ହାର । ନା ଆଗ୍‌ଡିରାନ୍ ଖାର କ୍ରିସ୍ତଦର୍ମ ମାନାତା ମାର୍ହାର ମାରି ପେରିତ ସିସୁରି ଲୋଇ ଖାର ନେସ୍‌ତାମାର୍ହାର ।

୮ ନା ଖାଲେ ପ୍ରଭୃତି ମିସାନିକା ଖେଡ଼ିକା ଇତିମାନି ନା ଲାଡ଼ତି ତଡ଼୍ ଆମ୍‌ଲିୟାତଦିଙ୍ଗ୍ ନା ନମସ୍କାର ଆପିଡ୍ ।

୯ କ୍ରିସ୍ତଦି ସେବାଦୁ ନା ଖାଲେ ଅର୍ସେପାଣିକିନି ଉର୍ବୋନ ନି ନା ଲାଡ଼ତି ତଡ଼୍ ସ୍ବାକିୟଦିଙ୍ଗ୍ ବା ନା ନମସ୍କାର ଆପିଡ୍ ।

୧୦ କ୍ରିସ୍ତଦି ବିସ୍‌ବାସ୍‌ତାନ୍ ମାନି ସେବକ ଆପେଲ ନି ଆରିସ୍ତୁଲଦି ଇଲ୍ଲତି ଖିଜେରିଙ୍ଗ୍ ନା ନମସ୍କାର ଖେରନିଦେର୍ ।

୧୧ ନା ଜାତିଦି ହେରୋଦିୟନ୍ ନି ନାରକିସତି ଇଲ୍ଲତି କ୍ରିସ୍ତଦି ତଡ଼ାନ୍‌କାଙ୍ଗ୍ ବା ନା ନମସ୍କାର ଖେରନିଦେର୍ ।

୧୨ ପ୍ରଭୃତି ସେବାଦୁ ପାଣିକିତିମାନି କୁପେଣା ନି କୁପସୋତିଙ୍ଗ୍ ମାରି ପ୍ରଭୃତି ଉଣ୍ଡିଙ୍ଗ୍ ନାଣ୍ଡ ପାଣିକିତିମାନି ନା ତଡ଼୍ ପସ୍‌ସତିଙ୍ଗ୍

ନା ନମସ୍କାର ଆପିତ୍ ।

୧୩ ☆ ପ୍ରଭୁଦି ବାସେଆତିମାନି ଦାସ୍ ରୂପସ ନି ନା ଯାୟା ଖାଜା ଖାନି ଆଇସିଙ୍ଗ୍ ବା ନା ନମସ୍କାର ଆପିତ୍ ।

୧୪ ଆସୁଲ୍ଲିତ, ପ୍ଲେଗୋନ୍, ହର୍ମିସ୍, ପାତ୍ରବା, ହରମାସ୍ ନି ଖାରି ଖାଲେ ମାନି କ୍ରିଷ୍ଟିୟାନ୍ ତତ୍ତାନ୍‌କାଙ୍ଗ୍ ନି ତାଙ୍ଗ୍ କାଙ୍ଗ୍ ନମସ୍କାର ଖେରତୁ ।

୧୫ ପିଲଲୋଗ ନି ଯୁଲିୟା, ନିରୁସ୍ ନି ଖାନି ତାଙ୍ଗ୍ ମାରି ଅଲୁମ୍ପା ନି ଖାରିଖାଲେ ମାନି ଖିଜୁ ଦାମ୍‌ଲୋକାଙ୍ଗ୍ ନା ନମସ୍କାର ଖେରତୁ ।

୧୬ ନିଜେନିଜେଦିଙ୍ଗ୍ ନେଗେନ୍‌ତାନ୍ ନଶ୍ଟି ନମସ୍କାର କିଦୁ । କ୍ରିସ୍ତଦି ଖିଜୁ ମଣ୍ଡଲି ମିଙ୍ଗ୍ ନମସ୍କାର କିଜିନାତ୍ ।

ପାଉଲ୍‌ଦି ସାରାସାରି ମାଟା

୧୭ ତତ୍ତାନ୍‌କୁ ନି ତାଙ୍ଗ୍ କ, ବାତିଙ୍ଗ୍ ମାଲ୍‌ଜିନା, ମିର୍ ଆସ୍ତିମାନି ସିକିୟାଦି ବିରଦ୍ କିଜି ଏମେକାର୍ ମି ଲୋଇ ବାଗ୍ କିଦେଙ୍ଗ୍ ଇଜି ବଦା କିନାର୍, ଖାରିମାଣାନ୍ ଆକତେବାଦୁ ।

୧୮ ଏମେକାର୍ ଇୟାଖାଜା ପାଣିଦୁ ତେବାନାର୍, ଖାର୍ ପ୍ରଭୁ କ୍ରିସ୍ତ୍ ସେବା କିଏଜିନାର୍, ଖାର୍ କେବଲ୍ ନିଜେଦି ପଟା ପସା କିଦେଙ୍ଗ୍ ଆଗଡ଼ି । ବାସାଦି ସାଲାକି ନି ସୁରି ମାଟାଦାନ୍ ଖାର୍ ସିଲିସାତି ଲୋକା ଜିବନ୍‌ତିଙ୍ଗ୍ ବାଣ୍ଟିସ୍ କିନାର୍ ।

୧୯ ସୁସମାରାର୍ ଉଣ୍ଡିଙ୍ଗ୍ ମି ବିସ୍‌ବାସ୍ ଖିଜେରେ ଖେରଆମାନାର୍, ଇୟାଉଣ୍ଡିଙ୍ଗ୍ ନାନୁ ଖେଡ଼ିକା । ନାନୁ ବଦାକିନା, ମିର୍ ନେଗି ବିସ୍‌ୟତୁ ବୁଦିମାନିକାର୍ ଆଦୁ ମାରି ଅସତ୍ ବିସ୍‌ୟତୁ ମିସାମାଟ୍ ।

୨୦ ଆକାଆତିଙ୍ଗ୍ ସାନ୍ତି ସିନି ମାପୁରୁ ବେଗି ସୟତାନ୍‌ତିଙ୍ଗ୍ ମି ପାଦାମ୍‌କା ଆଡ଼ଗି କିନାନ୍ । ପ୍ରଭୁ ଜିସୁଦି ଦୟା ମି ଖାଲେ ମାନିତ୍ ।

୨୧ ☆ ନା ଖାଲେ ଅର୍‌ସେପାଣିକିନି ତିମତି ମା ଜିହୁଦି ତତ୍ତାନ୍‌କୁ ଲୁକିୟ, ଜେସନ୍ ମାରି ସୋସିପାତ୍ର ମିଙ୍ଗ୍ ନମସ୍କାର କିଜିନାର୍ ।

୨୨ ଇୟା ଆକୁଦି ରାସ୍‌ତିକାନ୍ ତର୍ତ୍ତାୟ ପ୍ରଭୁଦି ଦର୍ତ୍ତାନ୍ ମିଙ୍ଗ୍ ନମସ୍କାର କିଜିନାନ୍ ।

୨୩ ☆ ନା ସେବାକିନି ଗାୟ, ଆମାଖାନି ଇଲ୍‌ତୁ ପାର୍‌ତନା କିନି ମଣ୍ଡଲି

☆ ୧୭:୧୩ ମାର୍ଚ୍ଚ ୧୫:୨୧. ☆ ୧୭:୨୧ ପ୍ରେରିତ ୧୭:୧. ☆ ୧୭:୨୩ ପ୍ରେରିତ ୧୯:୨୯;
୧ କରିକ୍ତିୟ ୧:୧୪; ୨ ତିମତି ୪:୨୦.

ଉଷ୍ମାନାର ମାରି ଇୟା ଗାଡ଼ି ପେରିକାନ ଏରାସ୍ତ ନି ତଡ଼ାନ କ୍ବାର୍ତ୍ତ ବା
ମିଙ୍ଗା ମାଡ଼ିସ୍ କିଜିନାନ ।

^{୨୪} ପ୍ରବୁ ଜିସୁ କ୍ରିସ୍ତଦି ଦୟା ମି ଝିଜେରିଙ୍ଗ୍ ଆପିଡ଼ ।

ପାରତନା ନି ପ୍ରସଂସାଦି ଖାଲେ ଆକୁଦି ଝିଜ୍ଜନିକା

^{୨୫} ରାଦୁ, ମାପୁରୁଦି ଗୌରବ୍ କିନାଟ୍ । ନାନୁ ପ୍ରଚାର୍ କିଜିମାନି ଜିସୁ
କ୍ରିସ୍ତଦି ବିସୟତାନ ସୁସମାଚାର୍ ନି ଜୁଗ୍ ଜୁଗ୍ ଆସ୍ସି ମାରଗିଜିମାନି
ମାଟା ସଡ଼ ଇସାବତାନ ମି ବିସ୍ବାସ୍ତିଙ୍ଗ୍ ଆବ୍‌ଖା ଇଡ଼ଦେଙ୍ଗ୍
ଇଜି ମାପୁରୁ ଆବ୍‌ନାନ ।

^{୨୬} ଆୟା ମାରଗିତି ମାଟାଦି ସଡ଼ଝିଜୁ ବାବବାଦିରି ଦାର୍ମସାସ୍ତ୍ରୁ
ତରାୟ ଆତାମାନାଡ଼ ମାରି ଆକା ଇଲେଇ ଝିଜୁଦିନ୍ତି ପ୍ରବୁ ମାପୁରୁଦି
ମାଣାନ୍ ଝିଜୁ ଲୋକା ଲୋଇ ପ୍ରଚାର୍ ଆଜିନାଡ଼ । ତେନି ମାଣାନ୍
ଝିଜେରେ ବିସ୍ବାସ୍ କିଜି ମାପୁରୁଦି ମାଟା ମାନାଦେଙ୍ଗ୍ ଆବ୍‌ନାର୍ ।

^{୨୭} ପ୍ରବୁ ଜିସୁ କ୍ରିସ୍ତଦି ମାଣାନ୍ ଝିଜୁନେସ୍‌ନି ଅରେନ୍ ମାପୁରୁଦି ଜୁଗ୍
ଜୁଗ୍ ଗୌରବ୍ ଆପିନ୍ । ଆମେନ୍ ।

ମାପୁରୁଦି ସବ୍ ବାକ୍ୟ

The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

506ae627-08e2-556a-b39e-5315f886d95a